

**NATIONAL ASSEMBLY OF
SEYCHELLES**

Wednesday 03rd March, 2021

The Assembly met at 9 am

National Anthem

Moment of Reflection

Mr Speaker in the Chair

THE JUDICIARY

MR SPEAKER

Mersi. Bonzour tou Manm e bonzour tou nou lodyans. Nou a pas direkteman dan Staz Komite pou konsiderasyon lo *Appropriation Bill*. Nou ava apel Zofisye Departman Zidisyer.

Bonzour *PS* Damien Thesee, *PS* pou Finans. E Mrs Nellie Cooposamy, Direkter *Public Budget Management* dan sa menm Minister. E lo kote Zidisyer nou annan Mrs Juliana Esticot, *Registrar*. Mrs Peggy Nassib, *Financial Controller*. E Mrs Nichole Mathurin, *Director Human Resources*.

Avek sa nou pare pou komans konsider Bidze

Departman Zidisyer lo paz 73 ziska 78 pou en Bidze total R80 milyon 893mil. E Madanm *Registrar* ou a entrodwir ou Bidze *please*. En enstan, mersi wi kontinyen Madanm *Registrar*.

THE REGISTRAR JULIANA ESTICOT

Mersi Mr Speaker. Bonzour Mr Speaker. Bonzour tou bann Onorab. Bonzour *PS* Thesee ek ou delegasyon. E bonzour tou dimoun ki a lekout.

Zidisyer nou annan nou 5 Ziz Lakour Dapel. Nou annan nou an se moman Sef Zis avek en *Master* dan Lakour Siprenm. I annan 6 Mazistra, 9 Manm Tribinal Lafanmir, 10 Manm Tribinal Lanplwa, 6 Manm *Juvenile Court*, 6 Manm *Rent Board* e 179 *staff*, ki siport sa lenstitisyon.

Nou manda se pou nou mentenir e administre Lakour, par donn en servis ki endependan, transparan e ki a laoter demann piblik atraver sa bann Lakour, *Tribinal*, ek *Board*.

Nou Bidze pou lannen 2020, se en Bidze orizinalman ti R99milyon 179 mil, e apre ki i ti'n revize i ti vin R98milyon 866 mil. E sa ti enkli R24milyon 872mil pou proze Lakour Mazistra.

Nou Bidze lannen 2021, nou total i R80milyon 893 mil, ki reprezant en rediksyon R17 milyon 973mil. E sa rediksyon i konpri dan ‘*goods and services*, ‘en rediksyon R1.7milyon. Ki enkli rediksyon dan lwe lakaz, batiman Lakour Mazistra kot *Unity House*. Avek 25poursan dan rediksyon lwe alokasyon lakaz.

Aprè dan nou ‘*non-financial asset*’ i en rediksyon R16. 5 milyon. E parey zot konnen an 2020 nou ti resevwar 24 milyon 872 mil pou proze Lakour Mazistra. E sa proze prezan in konplete lannen pase, e napa nesesite pou nou demann sa kantite dan alokasyon. Mersi Mr Speaker.

MR SPEAKER

Mersi Madanm *Registrar*. E nou a komans deba lo Bidze. Onorab Gill.

HON CHURCHILL GILL

Bonzour Mr Chair. Bonzour tou Manm. Bonzour *PS* ek ou delegasyon. Mon annan 2 kestyon. Mon premye kestyon i lo *legal aids*. Bann dimoun Praslin pe ganny pa mal difikilte ler zot fer laplikasyon pou *legal aid*. E dan ou ‘*strategic priorities*’ ou’n mete konmkwa zot le *revamp Legal Aid Scheme*. Eski ou kapab donn nou en

lesplikasyon sa *revamp whether* plis dimoun pou ganny asiste oubyen i pou lekontrer?

Mon dezyenm kestyon. Anba ou ‘*court fees and fines*, ‘an 2020 ou ti anmas R11 milyon, me selman ou’n prozekte pou 2021, R20 milyon. Eski ou kapab donn en lesplikasyon ki fason ou pou anmas sa R9milyon an plis ki ou pa ti anmase an 2020? Mersi.

MR SPEAKER

Mersi Onorab. Madanm *Registrar*.

THE REGISTRAR JULIANA ESTICOT

Mersi Mr Speaker. Pou *legal aid* lo Praslin nou annan en sistenm ki bann dimoun letan zot fer zot laplikasyon zot anmenn kot Lakour Mazistra Praslin. E laba kot Lakour Mazistra nou annan en asistan Rezistrar ki li i *process* sa bann dokiman e i anvoy Mahe. E i ganny aprouve e retourn Praslin.

So konsernan si pou zot ganny plis asiste ouswa non? Par egzanp pou nou *revamp* nou sistenm, se ki, ki nou pe fer oparavan tou nou sistenm ti ganny ekrir dan en liv. Par egzanp ler en dimoun i *submit* en laplikasyon, sa ti ganny

antre dan en liv. Konnen nou ti pe fer tou keksoz *manual*.

E la nou'n, avek teknolozi nou'n amelyore e nou fer tou keksoz *computerize*. So en moman ki en dimoun i anvoy son laplikasyon, i anrezistre, li antre dan sistenm. E pli fasil from *anywhere* dan Sesel kot ou ete, zis ou telefonnen ou demande. E nou kapab ganny akse avek sa lenformasyon e dir ou *whether* in ganny aprouve ouswa non.

E parey zot konnen i annan Lalwa ki *govern legal aid*. E anba sa Lalwa i annan serten, pa tou dimoun ki kalifye pou zot bann *legal aid*. E sa Lalwa i en pti pe - de tanzantan nou fer revizyon. E la nou ti pe mazin pou nou reviz li aköz ti annan detrwa *issues* ki nou ti pe fer fas avek.

E nou'n vwar poudir par egzant pou lemoman bann dimoun ki zot saler i par lao R6000, zot pa kalifye otomatikman pou zot ganny *legal aid*. Me selman i depan sironstans, par egzant nou annan bann *case* kriminel ki sa anba Konstitisyon sa dimoun i bezwen ganny en *fair hearing*. E i bezwen ganny reprezante par en Avoka. So nou napa swa nou bezwen donn sa dimoun en Avoka pou reprezant li.

E apre lo kote si bann dimoun pou ganny asiste plis ouswa non? Parey mon'n dir pou lemoman nou annan, nou baz li lo *case-by-case basis*. Aköz parey mon'n dir i annan ki, par egzant si zis ou pe vini ou pe vin pourswiv en dimoun pou kek keksoz sivil eksetera, pa neserman ou pou ganny asiste *or* pa neserman ou pou ganny *full legal aid, court representation*.

I annan posibilite par egzant lo kote divors ki nou donn ou pou *advice and drafting*, aköz nou konnen i annan dimoun pa kapab drafte son bann dokiman eksetera. So nou donn ou en dimoun pou, en Avoka pou drafte. Pou *advice* ou e pou drafte. Si ou annan en *case* divors i drafte pou ou. Apre ou, ou kapab vin Ankour. Aköz parey divors i en *case* ki bann *case* pli senp ki i annan. Ki ou pa bezwen en Avoka vin reprezant ou Ankour. Sirtou si napa *matrimonial property*.

So i baz en pti pe koumsa. Se sa ki nou pe anvizaze dan le fitir, pou nou amelyor en pti pe lo la e pou fer li en pti pe pli aksesib pou tou dimoun. Aköz nou konnen i annan dimoun ki menm si son saler in par lao R6000 parey mon pe dir zot bezwen. So nou pe zwe en pti gin avek.

Apré i annan ki otomatikman ler zot saler i anba R6000, zot gannnen. Me selman ankor nou zis regarde. Par egzanp mon vwazen nou'n lager, nou deside vin pourswiv kanmarad pou demann domaz. Nou pa tro ankouraze bann keksoz koumsa. Nou plito fer zot bann *breach of peace* bann keksoz koumsa.

Apré lo kote *court fees*, kantite larzan ki nou anmase an 2020 konpare avek sa ki nou'n prozekte an 2021. Nou pe anvizaze - an 2020 nou *issues* sete, *ok* ler nou ti pe fer Bidze, nou pa ti konnen poudir *COVID* pou vin en pti pe pli agresiv an 2021, komansman 2021.

So nou ti'n prozekte ki nou pou anmas plis larzan ki 2020, aköz enn se ki nou Lalwa ki in pase *court fees and fines* parey nou ti'n dir toultan dan Lasanble ki nou revize. In fini pran lefe an Fevriye, e nou ti pe espekte nou ti pou kolekte plis larzan ki nou'n kolekte an 2020.

Me solman la pou lemoman letan nou pe get li, nou annan bann *case* ki pe anrezistre, so nou ankor an Mars so nou *still* kapab. Nou en pti pe antouzyazme ki nou kapab *meet* nou *target* ki nou'n mete Mr Speaker. Mersi.

MR SPEAKER

Mersi Madanm. Wi Onorab Gill.

HON CHURCHILL GILL

Zis en kestyon klarifikasyon. Anba *legal aid* sa, pou bann dimoun ki kalifye, eski ou annan en limit pou bann dimoun ki kalifye, oubyen lakantite dimoun ki ou gannnen vi ki zot kalifye zot pou ganny asiste? Mersi.

MR SPEAKER

Mersi Onorab. Madanm.

THE REGISTRAR JULIANA ESTICOT

Mr Speaker, non, nou napa en limit lo lakantite dimoun ki nou donn *legal aid* aköz parey mon'n dir i anba Konstitisyon i annan dwa dimoun pou li ganny reprezante. E i depan kalite *case* ki dimoun i vin avek.

So dan en lannen i annan lannen ki nou ganny drwa annan petet 50 dimoun ki nou'n donn *legal aid*. Petet son lannen ansuit i ganny drwa annan zis 25. Son lot lannen i ganny drwa annan 150. I tou depan parey mon pe dir ki kalite *case* ki ou pe demande, ki kalite lasistans ki ou pe demande. Ki kalite *case* ki ou pe met Ankour. E la prezan nou baz li lo la pou nou gete *whether* ou kalifye *or not*.

Be selman nou napa en kota par egzant, ki nou kapab dir tou le zan nou donn zis 50 dimoun *legal aid* or zis 75 dimoun *legal aid*. Nou napa sa Mr Speaker. Mersi.

MR SPEAKER

Mersi Madanm. Onorab Mondon.

HON TERENCE MONDON

Mersi Mr Chairmen. Bonzour delegasyon, Zidisyer. Mon premye kestyon i lo lekipman *IT*. E zot fer sorti koman en defi ki zot bezwen, zot napa bann teknolozi modern pou zot travay laba. Mon'n war en ogmantasyon sorti 14mil pou vin 383mil pou sa lannen. Eski sa pou zwenn zot defi sa 383 mil pou rezourd sa problem ki zot in fer resorti?

Mon dezyenm kestyon. Mon vwar ki zot annan en Bidze R2 milyon 277 mil, e la i en R1 milyon 400 mil pou penn miray entern. E lot se pou - ,on kestyon i zisteman pou sa enn R1 milyon 400 mil. Ki sirfas nou pe koze pou sa R1milyon 400 mil pou penn? In deza penn zot pe *touch*, konmsi zis donn en nide konmsi ki kantite travay vreman pou sa R1milyon 400 mil pou penn miray anndan ki nou pe koze?

E mon trwazyenm kestyon i lo '*Board members fees.*' Mon war in ogmante sorti R810mil pou vin R1milyon 9mil. Si ou kapab klarifye akoz sa logmantasyon akoz i reprezant 16mil 583par mwan? Ki kantite Manm *Board* nou pe koze e akoz sa logmantasyon? Mersi Mr Chairman.

MR SPEAKER

Mersi Onorab Mondon. Madanm *Registrar*.

THE REGISTRAR JULIANA ESTICOT

Mersi Mr Speaker. Lo kote lekipman *IT* paret ou konnen Lakour i pa en pti, ou dan sa pandemik *COVID* nou bezwen kontinyen fonksyonnen. So nou annan detrwa bann lekipman ki nou ti annan par egzant *computer, printer, eksetera*. So sa bann lekipman i annan ki bezwen ganny ranplase akoz zot letan in arive pou ranplase. Swa nou annan problem tanzantan ki zot andomaze eksetera. Ki nou bezwen replas zot.

E apre nou osi annan par egzant annan pou lemoman nou pe fer bann *virtual hearings*, akoz parey ou konnen dimoun pa kapab voyaz e en kantite. So dimoun zot reste aletranze e nou fer *virtual*

hearing nou ekout zot temwannayaz atraver bann lekipman elektronik. E sa i ede pou, nou bezwen annan plis lekipman. Par egzanp nou annan 11 Lakour siprenm, e nou annan en Lakour Dapel. Apre nou annan Lakour Mazistra.

So nou bezwen sey aziste nou pou ganny sa bann lekipman pou bann *case* kapab kontinyen marse. Akoz *otherwise* nou pou war nou annan en *backlog case*, akoz bann dimoun pa pe kapab voyaz e pou vin donn zot levidans. E sa i pou ede pou fer nou pa *meet* nou bann *challenge*. Nou bann *goals* ki nou'n set anba nou *strategic plan*.

So pou lemoman nou pe pli ou mwen repar bann lekipman ki nou ti annan pou fer li azour. Par egzanp bann ki, i annan ki pa konpatib avek serten sa bann sistenm ki nou bezwen servi pou nou kapab fer sa bann *hearings* eksetera.

So nou pe fer en pti pe azisteman lo la. Me solman apre kot nou kapab nou pe osi aste bann e pti pe pli avanse pou nou kontinyen fer Lakour marse. Pou nou biznes kontinyen marse.

Lo kote sa R1.4milyon pou penn; ki nou pe fer se ki nou

building i la depi 2013 nou'n antre ladan. So in konplete nou'n antre. E tou sa letan nou'n zis fer bann pti *touch up* dan *lobby*. Dan *court 1*, sirtou ler nou annan louvertir Lakour - re louvertir Lakour an Zanvyé.

Prezan ki nou'n deside, nou'n war poudir par egzanp sa bann *columns* si zot in vini zot in war, sa bann kolonn deor kot larantre in kase. Tanzantan dimoun i demann nou se pa pe tonm lo nou. E apre nou annan bann lapentir ki'n dekoke partou dan bann Lakour, kot bann lofis, dan bann koridor partou. So sa en R1.4milyon nou'n deside pou nou fer en penn zeneral. En bon netwayaz konmsi, fer li byen zoli.

Akoz nou annan pou an deor *exterior*, nou annan en Lagreman, en *MOU* ki an fors la ki pe finalize avek Gouvernman Sinwan Lasin. E zot, zot in zenerezman dakor pou ed nou. Nou'n ganny Lagreman pou zot vin repenn tou an deor e refer sa bann kolonn eksetera. Fer li byen prezantab, byen zoli, pou li *match* avek sa *building* isi la.

So prezan nou prezan lo nou kote, nou'n bezwen demann Gouvernman pou donn nou prezan pou nou fer *the interior*, son anndan; ki en fason nou napa en *building* ki zis zoli deor me letan ou antre

anndan i en lot fason. Pou li fer li *match* avek kanmarad. Ki son anndan e son deor i ase prezantab e finalman nou a ganny en *building* ki ase atiran. E ki *staff* i santi zot konfortab pou travay ladan, an sekirite eksetera. So sa i sa 1.4 milyon. So i en bon grander travay. I pa zis bann pti *touch up*.

Aprè konsernan *Board members fee*. Ki ti'n arive sa logmantasyon ti annan en nouvo *Policy* ki ti entrodwir an 2016. E sa i ti met bann reminerasyon pou bann diferan dimoun ki lo *Board*. Konbyen zot sipoze gannyen.

Me ki'n arive se ki apre i ti ganny revize an 2019. Me nou Zidisyer nou lo sa bann 4 Board ki enkli *Juvenile Court, Rent Board, Employment Tribunal, ek Family Tribunal. Allowance* sa bann dimoun ki annan 22 zot an tou. nou ti pe pey zot pli ba ki sa *Policy and Remuneration Policy* i demande.

So nou'n vwar ki nou bezwen fer azisteman pou li *match* sa Polisi Gouvernman. E se pou sa rezon ki i annan ki i annan sa logmantasyon. Si pou kapab balans li pou li zwenn avek sa Polisi 2016 ki pou tou sa bann Manm *Board* kapab ganny sa kantite ki lo sa Polisi. Mersi Mr Speaker.

MR SPEAKER

Mersi Madanm *Registrar*.
Onorab Aglae.

HON EGBERT AGLAE

Mersi Mr Chair. Bonzour *panel Zidisyer*. Ou'n site ki zot in annan, *attend* en rediksyon zot bann *rental*. Mon ti a kontan en pti pe plis lesplikasyon lo sa bann rediksyon lo bann *rentals*. An vi ki i *across the board* Gouvernman in annan en lapel avek sityasyon ekonomik, pou al negosye bann Lagreman *rental*. Sa i enn.

Dezyenm, mon ti a kontan petet an vi ki sityasyon *COVID* manner i ete. E Zidisyer a repriz mon krwar zot in bezwen fermen zot osi. Ki sityasyon *backlog* Zidisyer la avek bann *cases*? E ki manner zot pe antisipe pou zot kapab *overcome* sa bann *backlog*? Mersi.

MR SPEAKER

Mersi Onorab Madanm *Registrar*.

THE REGISTRAR JULIANA ESTICOT

Mersi Mr Speaker. Lo kote *rental* sa ki ou pe dir mwan rediksyon la. So parey Gouvernman - Prezidan ti'n anonse i annan 25poursan rediksyon ki Gouvernman in dir

pou ganny donnen. So nou ler Bidze in *submit*, sa in ganny pran kont ki pou annan sa 25poursan rediksyon e in redwir lakantite *rental* ki normalman sipoze peye.

So aktyelman la, nou'n fini komans negosye avek tou nou bann *landlord*, bann dimoun ki kot nou pe lwe batiman avek bann akomodasyon. E nou'n komans ganny bann *response*. So ki pou, nou pe travay ek zot pou zot kapab aksepte pou nou ganny sa 25poursan rediksyon. E sa i pou ede pou kapab pran kont sa Bidze ki nou'n *submit*. Sa lakantite lokasyon ki nou'n gannyen.

Akoz si nou *succeed* avek tou sa bann dimoun ki pe - sa bann rediksyon sa bann dimoun i donn nou, so definitivman nou pou santi nou'n meet nou'n *target*. So se sa ki nou pe sey fer. Nou'n fini antre dan negosyasyon avek zot e se pou sa rezon ki ou war i annan sa rediksyon dan nou *rental*. I enkorpor sa 25 poursan ki Gouvernman in anonse.

Lo kote *backlog*, wi nou annan en pe *case* ki'n akimile. Akoz parey ou konnen lannen pase avek boner sa lannen ankor in ariv sa bann restriksyon. Me solman sa in osi dan lavantaz serten nou

bann zofisye. Akoz par egzanp pandan letan ki nou ti annan restriksyon mouvman, nou ti'n *go back into vacation mode*. E la nou ti annan zis en *Duty Judge* ek en *Duty Magistrate*.

So tou larestan Mazistra ek Ziz ki pa ti lo *annual leave*, zot ti'n pe travay *from home*. E la zot in ganny sans asize bann ki ti'n annan bann desizyon, *zizman*, *judgement*, *rulings*, *orders* ki zot pa ti ankor delivre, zot in ganny sans delivre. E sa in ede retir en pe sa bann *case* ki pa ti ankor ganny *zizman*. Bann desizyon pa ti ankor donnen.

E la nou annan pli ou mwen bann *case*, ki swa in komans ganny ekoute pa'n ankor fini. Ouswa bann *case* ki ti'n al dan *mention*, e ti sipoze ganny ekoute pa ankor komanse.

E parey mon pe dir ou nou pe fer li *virtually* pou lemoman so nou anvizaze, nou target se ki *by* lafen sa lannen, nou lo sa target ki nou'n ti'n *set*. Nou *meet* sa *target*. Nou pa an deor li malgre i annan *COVID*. Akoz par egzanp la nou'n rebran. Menm si nou pa'n pran *full normal* parey nou ti abitye lakantite *case* ki nou ti'n abitye pran.

Me selman nou'n vwar ki bann *case* ki ti la ki ti napa dat,

tousala in fini ganny son dat e tou dimoun la pou lemoman zot annan en dat zot *case*. Kan zot *case* pou pas Ankour. E ki staz zot *case* in arive. Se sa. Mersi Mr Speaker.

MR SPEAKER

Mersi Madanm *Registrar*.
Onorab Esparon.

HON REGINA ESPARON

Mersi Mr Chair. Bonzour tou dimoun. Mr Chair letan Rezistrar ti pe reponn kestyon Onorab Mondon. Dan son bann *current challenges*, i osi annan sa zafer kot piblik pa pe kapab ganny akse avek dokiman. Eski dan sa renovasyon ki in eksplike, i pou osi annan sa renovasyon lo fasilite kot zot pe *store* zot bann *files*?

Parski mannyer mon pe regarde sa i enn zot bann defi. Kot zot napa ase lespas pou *store* bann *file*. E se sa ki fer ki piblik pa pe kapab ganny akse avek bann dokiman. Eski dan sa renovasyon i pou annan osi amelyorasyon lo zot fasilite *storage* pou zot bann *file*, pou ki piblik a kapab ganny akse avek bann dokiman? Mersi.

MR SPEAKER

Mersi Madanm Onorab.
Madanm *Registrar*.

THE REGISTRAR JULIANA ESTICOT

Mersi Mr Speaker. Non, lo sa renovasyon ki nou pe fer, i zis i annan pou fer avek penn anndan deor, apre repar sa bann *columns*. Se sa pou lemoman ki nou'n kapab arive fer. Me lannen pase dan nou Bidze nou ti'n met en sonm R280mil ki nou ti pou azout - fer en pti pe louvertir, ouver lespas e met *ceiling* eksetera. Met *aircon* kot pou nou kapab *store* nou bann dokiman.

Me selman parey ou'n konnen ler *COVID* in vini tou keksoz in ganny koupe. E sa in ganny sorti. Me solman ki nou pe anvizaze se ki nou ankor annan lentansyon pou nou fer sa. Akoz kot nou *store* nou bann *files* dan arshiv i vreman ptipti. E lespas i limite e la si ou al gete la nou annan en kantite bann *files* ki dan bwat kartron.

Menm si zot dan en landrwa fermen avek *aircon*, Me zot dan bwat kartron, nou pa pe kapab *display* zot lo *shelf*. E nou napa sa lespas pou met zot. E prezan sa i fer ki i pli difisil letan manm piblik i vini i vin demann en *file* ki'n fini fermen detrwa lannen pase, 4an 5an pase, ler nou get dan sistenm nou vwar i dan arshiv, me letan nou al dan arshiv pou nou rod sa

file pou donn manm piblik, i en pti pe pli difisil.

Akoz ou bezwen, menm si nou'n *label* sa bann bwat kartron ou bezwen bann msye ou vin leve pou nou, tir sa enn met ater, lev sa lot ouver bese, asize fouye. Ki i osi en kontrent pou nou *staff*, akoz zot bezwen bese tou lazournen fouy dan bwat kartron, eksetera.

So non, i pa enclin a ladan. Me selman nou anvizaze dan le fitir re pran... Ou konnen akoz nou'n ganny dir nou bezwen fer keksoz *by* priyorite. Nou konnen sa i en priyorite, me in osi annan lezot priyorite pou nou ki nou'n vwar poudir sa enn i kapab ganny met akote pou lemoman. E nou pe priye ki nou annan en pti *savings hopefully*, ki nou kapab fer en keksoz demann permisyon avek Minister Finans.

But if not then nou pou bezwen met li back dan Bidze pou lannen 2022. Mersi Mr Speaker.

MR SPEAKER

Mersi Madanm *Registrar*. Onorab Lemiel.

HON SYLVANNE LEMIEL

Mersi Mr Chair. Bonzour Madanm *Registrar* avek ou lekip. Mon kestyon i mon vwar apepre R6 milyon anba bann

proze pou *new Magistrate Court*. Ki bann travay ki reste pou zot fini fer laba?

Apré sa mon ti pe regarde si zot Bidze pou permet zot rekrit ankor nouvo Ziz, pou kapab ed zot avek bann *backlog* travay ki zot annan? Mersi.

MR SPEAKER

Mersi Madanm Onorab. Madanm *Registrar*.

THE REGISTRAR JULIANA ESTICOT

Mersi Mr Speaker. Sa R6 milyon ki anba building Lakour Mazistra, Lakour in konplete wi, me selman i annan, Lakour i ankor lo son letan peryod garanti, kot si i annan okenn *issues* bann problem kot sa kontrakter i sipoze *take up* pandan ankor 1an.

E apre sa ki sa dimoun i sipoze ganny son peyman final. So sa R6 milyon i sa larzan final ki nou sipoze pey sa dimoun - sa kontrakter *sorry*. Me solman lefe ki i pa ankor ariv sa letan pou nou peye, nou sipoze pey li sa lannen 2021. Se pou sa rezon ki ou war i annan sa 6 milyon dan Bidze.

Me selman i tonm 5.1 milyon pou sa. Apré sa 900mil i pou konponan lokal ki Gouvernman i met ladan. Se pou sa rezon ki ou war R6

milyon anba *Magistrate Court* menm si i sipoze in konplete.

Lo kote nouvo Ziz. Wi nou ti'n fer demann pou nou ganny 2 nouvo Ziz akoz nou'n annan. *Anyway* pa tou dimoun ki travay lo menm kapasite. So nou'n vwar poudir pou nou'n kapab *meet* nou bann target ki nou'n *set* e lakantite *case* ki nou le tire dan nou *backlog*, pou n ou kapab ariv lo standar normal, nou ti'n vwar ki i ti neser pou nou annan 2 Ziz adisyonnèl.

Lefe ki nou annan Lakour la, e nou annan lespas pou nou met zot. E nou le ki, nou ti'n a kontan ki manm piblik letan i vin Ankour, i pa bezwen 4an, 5an pou son *case* konplete. So nou refer lapartaz e tou dimoun i kapab travay ase konfortab. Akoz la pou lemoman parey mon pe dir pa tou dimoun ki annan menm kapasite, so i annan ki pe santi li en pti pe anba presyon pou *meet*, pou li kapab konplet lakantite *case* ki i annan.

So nou ti'n fer demann pou nou ganny 2 Ziz adisyonnèl. Me solman dan sa Bidze ki la i pa enkli ladan. Me solman nou annan bann konprenezon ki nou pe gannyen avek Minister Finans, ki nou pou kapab rekrite 2 Ziz dan le fitir *any time soon*. Me solman

parey mon pe dir ou i ankor an Mars la nou pe finaliz bann devlopman eksetera. Apre ou nou kapab fer sa rekritman. Mersi Mr Speaker.

MR SPEAKER

Mersi Mrs *Registrar*. Onorab Cosgrow.

HON WALLACE COSGROW

Mersi Mr Speaker. Bonzour Mr Speaker. Bonzour *panel*. Madanm *Registrar* mon pe get dan Bidze '*goods and services*' 14 poursan of en Bidze 80milyon i for '*security services*.' Savedir apepre 11 milyon sa lannen, en logmantasyon 2milyon *from* lannen pase. Eski ou kapab dir nou ki kantite lokasyon ki sa bann *security* i pe kouver? Ki kantite *security firms* ki pe *involve* dan sa bann Kontra?

Eski koman Zidisyer eski zot pas atraver *POU*, pou sa Kontra or sa bann Kontra ki bann *security firm* pe *perform* kot zot?

E osi en kestyon ki'n *arise from* diskisyon bomaten, konsernan sa bann zafer *file*, kot zot bezwen al fouye dan kes or dan *whatever* kot i ete, eski zot annan plan, or petet zot deza *digital*. E si zot annan plan agrandi zot *digital platform*, kot zot pa bezwen annan en ta

storage kot tou keksoz i ava pli fasil pou *access* ler dimoun i bezwen serten lenformasyon? Pou ki in ava fer a lafen ki *dispensation* of lazistis, i ava kapab en pe pli vit. Mersi bokou Mr Speaker.

MR SPEAKER

Mersi Onorab. Madanm Registrar.

THE REGISTRAR JULIANA ESTICOT

Mersi Mr Speaker. Lo kote bann sekirite nou annan nou 3 *firm*. Nou annan *Sentinel of Seychelles*, li i kot bann *building*, kot bann rezidans. Apre nou annan Lapolis ki osi kot rezidans. Epi nou annan SWO ki li i kot *building*. So tou nou bann sistenm, tou sa bann sekirite i ganny pas atraver *Tender Board*, *POU*, *Tender Board*. E nou fer the *proper* prosedir avan ler ki nou kapab ganny zot.

Par egzanp la mon fek ekrir *Tender Board* semenn pase, pou mwan enform zot ki sa bann sekirite zot Kontra pe fini an Me 2021 sa lannen. E nou pe demann permisyon pou nou *go through the tender process*.

So tousala i pas atraver prosedir *tender*, *POU* eksetera. I ganny the *proper procedure* i

ganny fer, e apre sa bann *security firm* i ganny rekrute.

Lo kote sa 2milyon logmantasyon. Ki'n arive se ki sa bann *firm* sekirite letan ti annan sa logmantasyon *minimum wage* pou bann travayer, ler zot ti'n *submit* zot *tender* oparavan, sa pa ti enkli ladan. So letan sa logmantasyon in fer, in arive nou'n vwar nou nou'n bezwen. Zot in demande pou zot ganny aziste zot pri. E permisyon in ganny donner atraver *Tender Board - POU*, e pou zot ogmant zot, *increase* zot saler *minimum wage*.

E sa i fer ki i reflekte dan nou Bidze aköz prezan lakantite ki nou ti sipoze pey zot i ogmante. So zot pri ki zot ti'n donner in varye. So sa i ganny fer prosedir normal ankor. *Tender Board* i okouran, *POU* i okouran. Nou'n ganny laprouvasyon eksetera. E la ler nou pe re *tender* pou sa lannen. Se pou sa rezon prezan ki ou war i annan sa logmantasyon.

Akoz nou'n bezwen pran kont ki la letan *any firm* pou *tender*, zot pou *tender* li lo sa nouvo *rate minimum wage* ki ti'n donner otomatikman i pou annan sa *increase*. Mersi Mr Speaker.

MR SPEAKER

Adisyonnèl Onorab Cosgrow, wi.

HON WALLACE COSGROW

Mersi Mr Speaker. En pti siplemanter. Madanm Rezistrar in resaman ganny fer resorti ki an zeneral dan Gouvernman bann Kontra sekirite i en pti pe alarman, i bokou. E in ganny fer referans lo bann fason en pe pli inovativ;- par egzanzp *cameras* pou kapab sirvey bann *building*. Eski sa i pou relevan pou en lenstitisyon parey bann lenstitisyon parey Zidisyer? Eski zot krwar zot pou kapab bouz dan sa laliny? Mersi.

MR SPEAKER

Mersi Onorab. Madanm *Registrar*.

THE REGISTRAR JULIANA ESTICOT

Mersi Mr Speaker. Wi nou konpran poudir tou keksoz pe bouz *towards* teknolozi parey ou pe dir *camera* ek *alarm*. Me solman nou kontrent nou lo kote Zidisyer se ki konpare avek bann lezot lorganizasyon - bann lezot dimoun ki ganny sa kalite servis.

Nou bann zofisye Zidisyer ki ganny san bann servis, 16 an tou i annan. Mon'n oubliy mansyonnen taler. So ki zot ver se ki zot louvraz ki zot fer i en

pti pe pli delika, pli konplike, e pli riske, ki larestan dimoun. So menm si ou pou donn zot en *alarm* avek en *camera* kot zot, pa neseserman zot pou sa kantite sekirite.

Akoz mannyer ou konnen nou pou annan en *alarm*. Fer krwar kot mon reste *by the time* mon pez mon *panic button* or *whatever*, mon *alarm* i sonnen pou sa *response team* vini, mon'n ganny sans ganny atake.

Mon'n donn en zizman kot en dimoun, mon'n kondann li lavi prizon or 25an prizon. Son fanmir in fini vin atak mwan. *By then* mon *alarm*, mon *camera* i pa pe fer okenn sans. E mon'n fini ganny atake.

So se pou sa rezon ki nou santi lo kot Zidisyer, ki nou bann dimoun i bezwen *the physical* dimoun *on site* instead of *move toward* sa bann teknolozi. Akoz nou risk avek nou travay i pli bokou pou ki letan nou pe get li bann lezot dimoun.

Aprè Mr Speaker, mon ti'n manke pou mon kestyon lo kote arsiv bann *file*. Wi nou'n komanse sa prosedir pou nou *move toward digital archive*. Me selman parey ou konnen i pou en pe letan aköz nou'n annan UNODC ki pe pare pou ed nou. Me selman i tout en long prosedir.

E la pou lemoman tou keksoz in ganny met *on hold* akoz COVID, finansman eksetera. So nou'n fini komans antre dan sa laliny pou nou *move toward* sa. E i menm bann lekipman ki nou pou bezwen tousala nou'n fini komans met pare, pou nou komans aste *or* pou demann pou aste. Konmsi nou'n fer nou lalis ki nou pou bezwen.

Me selman le problem se ki an atandan ki la, la in ganny met *on hold*. Me an atandan ki sa i rebran nou *still* annan sa kontrent nou bezwen al dan bann *file* pou al komans rode. E menm si sa i komanse, i pou pran nou ankor detrwa lannen avan ... Akoz nou annan en kantite. Nou pe koz ou plis ki 10 mil *file* nou pe koz lo la, la.

So nou pou annan, i pou pran nou en pe letan avan ler nou'n arive *meet* sa *digital archive* pou fer tou keksoz *online*. So nou pou *still* bezwen lespas pou nou kapab met sa bann *file* an atandan. Mersi Mr Speaker.

MR SPEAKER

Mersi Madanm *Registrar*.
Onorab Loizeau.

HON NORBERT LOIZEAU

Mersi Mr Speaker. Bonzour tou dimoun. Mr Speaker mon anvi

demann Madanm *Registrar* vi ki dan '*major achievement*' mon'n war enplimantasyon *new Scheme of Service*. Alors mon anvi demann Madanm *Registrar* ki kategori travayer ki pou benefisye anba sa *Scheme*? Akoz ler mon get dan '*wages and salaries*' mon war ki logmantasyon i minim anviron 300 ekek mil ki mon'n trouve. Alors dir mwan ki kategori travayer ki pou benefisye anba sa *Scheme*? Mersi.

MR SPEAKER

Mersi Onorab. Madanm *Registrar*.

THE REGISTRAR JULIANA ESTICOT

Mersi Mr Speaker. Sa *Scheme* ki nou ti ganny R3 milyon pou nou enplimante an Avril 2020. Ladan i annan 136 staff Zidisyer ki'n benefisye anba s nouvo *Scheme*. E la nou pa pe koz bann *Judicial Officers* parey Mazistra, Rezistrar, *Masters*, Ziz eksetera, Ziz Lakour Dapel, nou pa koz sa bann dimoun.

Nou pe koz zis bann *support staff*. E nou pa pe osi koz bann etranze ki travay. Akoz zot, zot pa ti ganny enkli ladan. So an tou i annan 136 staff ki'n benefisye anba la. Par egzantp nou annan bann

seksyon kot *account*, kot administrasyon, bann drayver, bann *call support staff* ki pe enterpret *court orderly, reporter*. Nou annan kot Resours Imen avek loperasyon ek lozistik. Nou annan bann dimoun ki travay dan *Registry* bann *law clerks*, bann *senior law clerks*, bann asistan Rezistrar.

Depite Rezistrar, nou annan seksyon lenformasyon ek teknolozi, nou annan *process server* ki nou apel zot lisyé. Epi nou annan *Record Managements*. So sa i fer en total 136 *staff* an tou ki'n benefisyé anba la. E zot in ganny en lot logmantasyon pa pli ba ki R1700 par dimoun. Mersi Mr Speaker.

MR SPEAKER

Mersi Madanm. Onorab Pillay.

HON SEBASTIEN PILLAY

Mersi Mr Chairman. Mr Chairman mon konnen nou pe diskite Bidze en lenstitisyon vreman enportan, e lot brans gouvènanans nou pei. So koman en Manm Lasanble i pa dan mon lentansyon pou dan okenn fason anpes Zidisyer fer son travay. Me i annan serten kestyon ki vin natirelman, *given* sityasyon ki pei pe pas ladan dan bann mezir ki Madanm *Registrar* in eksplik nou.

In fer son mye pou donn ou tou lesplikasyon posib me i enportan pou nou ganny serten klarifikasyon adisyonnèl.

Lo sa size sekirite mon konnen i annan lezot Manm pou antre pou demann serten kestyon lo la. So mon ava donn sa bann Manm loportinite pou zot pran sa bann kestyon. Me selman en kestyon ki'n monte la se sa size *Scheme of Service* e mon vwar dan ou Bidze i annan sa *supplementation allowance*, e *long service allowances* ki'n ganny mete dan Bidze.

Si mon pe get byen ou annan *long service allowance* R360mil, R329mil pou *supplementation*, i kontinyen dan diferan program kot zot annan. Mon pa oule ki okenn dimoun i santi poudir mon pe kestyonn zot ganny zot *long service*. Me mon bezwen an tout senserite demann sa kestyon aköz dan lezot landrwa i annan en sirkiler ki *DPA* in fer sorti ki sa bann dimoun pou napa sa logmantasyon dan *long service allowances*.

So eski Rezistrar i kapab eksplik nou premyerman si ou pe enplimant en nouvo *Scheme* parey ou'n koz avek, ou'n eksplik Onorab e ou pe donn *long service allowances*. Dan ki sirkonstans ki sa bann *long*

service allowances pe ganny donnen?

E sa keston ki vini mon ava osi adres li pou Minister Finans Mr Chairman avek ou permisyon pou ki PS Finans i kapab reponn. Dan kon figirasyon ki zot in prezante tou bann lenstitisyon menm Lasanble Nasyonal in *abide by* serten koupir ki Minister Finans in propoze, eski Zidisyer osi pou *abide by* bann *same* koupir ki'n ganny propoze par Minister Finans?

Mon a demann en klarifikasyon apre ki mon'n ganny larepons pou sa premye keston Mr Chairman. Mersi.

MR SPEAKER

Mersi Onorab. Madanm Registrar.

THE REGISTRAR JULIANA ESTICOT

Mersi Mr Speaker. Lo kote *supplementation long service allowance*, nou napa vremen en *increase* letan nou pe get li, menm si ou vwar li lo pape.

Ki arive se ki, anba sa enn program, lannen pase letan ti donn avek nouvo *Scheme* letan ti enplimant li e ti donn sa bann *allowances*, tousala ti ganny mete anba en sel program. E ti *the wrong* landrwa kot i ti'n ganny mete.

Prezan ki'n arive sa lannen, se ki nou'n vwar i vin en *issue*, nou'n zis redistribye li anba sa bann diferan program kot i sipoze etc. Se pour sa rezon ki ou pou war i annan program ki i annan sa logmantasyon, akoz i ti napa anba li i ti anba en lot program e la nou'n bezwen bouz li anba sa program apropiye kot i sipoze etc.

E i reflekte koman en *increase* anba sa program pou sa kalite par egzanp sa *allowance*. Me selman i pa vremen en *increase* i zis *the same amount* ki nou ti donnen lannen pase, *the same amount* ki nou'n donnen sa lannen.

Me zis nou'n redistribye li anba sa diferan program, prezan anba 2 program partikilye ou pou war li i reflekte akoz i ti tonm anba sekretarya Sef Ziz, avan e la nou'n bezwen bouz li kot i sipoze tonbe. E se pour sa rezon ki ou war in ogmante ki koman en logmantasyon, me i pa vremen en logmantasyon Mr Speaker.

Apre lo kote koupir par Minister Finans, wi nou osi nou'n ganny koupe anba diferan alokasyon. E i annan serten keksoz ki bann proze e bann lezot keksoz ki nou ti'n met devan. Ki nou ti'n *submit*

pou nou kapab fer pandan lannen 2021 e tousala nou pa'n ganny finanse. So, nou osi nou'n form parti sa koupir ki'n ganny donnen *across the board*. Mersi Mr Speaker.

MR SPEAKER

Mon krwar ti annan en detay ki ti'n ganny adrese avek PS Finans korek? Ou *ok* lo la?

HON SEBASTIEN PILLAY

Mr Chairman mon krwar Rezistrar in fer kler, aköz lafason ki zot in repartasyon Bidze ler nou, nou pe get li nou pou war en *increase*, me ler i pe dir nou se ki zot ion tir li dan *heads* kote i ete e zot in met li dan landrwa apropiye.

Mon pti siplemanter ki mon annan Mr Chairman vi ki mon annan laparol, i konsern sa size sekirite ki zot in diskite mon pa pou al dan tro gran detay lo la, me en keksoz in fer mon lev en kestyon.

Si sa bann dimoun apard ki Lapolis probableman e *Sentinel*, ou ava eksplik nou, i sipoze pe *bid* pou ou servis, zot sipoze pe donn ou en *bid* pou ou servis; ou, ou pa sipoze pe fer logmantasyon pou zis pey zot. *Unless* i Lapolis ki li, mon konnen i dan en Servis Gouvernman.

So eski ou annan okenn sekirite prive ki ofer zot bann servis, e ki mannyer prosedir pe ganny fer aköz ou'n dir nou bann Kontra pe al ganny, zot bezwen re *bid*.

So eski i annan bann lezot konpany sekirite ki ganny envite pou vin partisip dan sa *bid* pou sa bann Kontra? Aköz la ki mannyer ou pe dir mwan, ou pe fre monte pou ou *match* sityasyon en *particular company*, e i pa donn nou en bon limaz.

So petet zis sey klarifye sa pou nou Madanm Rezistrar. Mersi Mr Chairman.

MR SPEAKER

Mersi Onorab. Madanm *Registrar*.

THE REGISTRAR JULIANA ESTICOT

Mersi Mr Speaker. *Ok* les mon a repran li, letan bann sekirite ti'n *bid* pou Kontra orizinal, sa *issue minimum wage increase* pa ti ankor, aköz zot Kontra i pou 2an. So i pa ti ankor enplimante, so ler sa in enplimante zot in war li i neser ki i ganny enkli.

E zot ti ekrir nou e nou ti anvoy kot *Tender Board* aköz nou lo nou menm nou pa'n kapab pran desizyon. So nou'n les avek *Tender Board* ek *POU*

eksetera pou zot diskite donn nou en desizyon. E zot in agree e zot in donn nou mon krwar i 3. keksoz *increase*, konsernan sa *minimum wage* la.

Prezan nou'n bezwen aziste baze lo sa *increase* ki nou'n ganny *approval* pou nou donnen. Prezan pou sa lannen la, ki nou'n fer se ki ler nou'n *submit* nou Bidze, nou pa'n *submit* li lo sa sonm ki nou ti *submit* 2an pase. Nou'n vwar poudir nou'n bezwen enkli sa *increase*. Akoz *any* konpanyen ki pou vini, *firm* ki pou vini i pou vin avek sa *minimum wage* li osi.

So ki nou'n fer, se ki nou'n *submit* nou Bidze baze lo sa *minimum wage* ki la. E i pa neserman sa sonm larzan ki nou'n mete se sa ki pou al ganny donnen, akoz nou fer *tender* e tou *firm* i ganny sans partisipe nou pibliye eksetera. *Aanybody* ki anvi partisipe, i vin partisipe apre nou fer seleksyon e pa nou.

Me kot *Tender Board* zot fer seleksyon eksetera apre sa ki kalifye *bid* pli ba. *Whatever* i depan kriter ki zot servi laba apre la bann konpanyen i gannnen.

So i pa, nou pa pe fer monte sa sonm zis pou nou, akoz sa *firm* an partikilye *or whatever*, in deside fer monte

son sonm. Nou'n fer monte akoz nou'n prevwar ki *any firm* ki pou vini, zot osi zot pou osi dir nou poudir ti annan sa *minimum wage* e vwala kote ki zot pe *bid*.

Mon krwar mon'n reponn ou kestyon. Mersi Mr Speaker.

MR SPEAKER

Mersi Madanm *Registrar*. Onorab Gabriel.

HON CONRAD GABRIEL

Mersi Mr Speaker. Bonzour tou Manm, bonzour tou dimoun a lekout e *welcome panel*. Mon ava komans koumsa, Madanm *Registrar* ou'n tann, nou'n fer en ta demars en ta larzan in ganny depanse.

Mon premye pwen se eski ou kapab enform sa Lasanble si vremen sa prosis medyasyon pe zwen en rol pou redwir presyon lo Lakour?

E mon dezyenm pwen se ki rol nou ekspekte sa bann *alternate dispute resolution method* pou zwe a lavenir pou kapab rezourd sa ta *backlog cases* ki zot annan? Vi ki i annan 2 Ziz ki'n *retire*? Mersi.

MR SPEAKER

Mersi Onorab. Madanm *Registrar*.

THE REGISTRAR JULIANA ESTICOT

Mersi Mr Speaker. Lo kote medyasyon i pa toultan ki i marse akoz parey ou konnen Seselwa nou en dimoun en pti pe en lot, si mon kapab dekrir li nou en pti pe difisil.

So nou annan lenstans kot medyasyon in marse e *case* pa'n bezwen kontinyen Ankour e sa in redwir en kantite presyon ki annan lo Lakour. Par egzant pou al dan *hearing*, pou pa kantite letan pou ekrir en zizman eksetera, eksetera.

So sa in redwir en pe. Me selman nou annan medyasyon en kantite ki pe marse. I annan ki pe marse i annan kot dimoun a staz medyasyon zot arive fer *judgement by consent*. Apre i annan parey ou konnen ki nou pa pou zanmen agree, e nou bezwen retourn Ankour e medyasyon i *fail* e nou bezwen retourn Ankour.

So sa mon krwar dan tou sistenm Zidisyer i annan dan tou pei. So i annan ki pou marse i annan ki pa pou marse. Me selman kot in marse in vremen ed nou en kantite, akoz nou pa'n bezwen al parey mon pe dir ou, pran tou sa bann kantite letan, nou zis met sa *case* laba e nou'n pran en lot case ki ranplas li e nou kontinyen.

So lo kote sa 2 Ziz ki'n *retire*, parey mon ti anonse pli boner nou'n konmans fer demars avek Minister Finans, konsernan pou nou kapab ganny en konsansis. En alokasyon pou nou kapab rekrit sa 2 Ziz pou kapab ranplas zot. E sa i ava ede pou tir sa kantite *case* ki nou annan dan sistenm. Mersi Mr Speaker.

MR SPEAKER

Mersi Madanm *Registrar*. Onorab Romain.

HON GEORGES ROMAIN

Mersi Mr Chair. Bonzour tou bann Manm Onorab. Bonzour Mrs Esticot ek ou *panel*. Mr Chair mwan mon kestyon i ler mon pe regard anba '*office expenses*' mon war kote *electricity*, mon war i 2.9 milyon an vi ki mon'n tann Mrs Esticot in mansyonnen ki zot in ante dan *building* depi 2013. Pou mwan ozordi la nou 2021, ki zot pe fer vremen pou kapab redwir sa *bill* elektrisite? Akoz ozordi nou tou nou pe koz lo fotovoltaike pou fer desann elektrisite.

I vremen bokou ler ou get par mwan i tonm apepre R242 mil. I vremen bokou pou mwan. Apre mon pe regarde anba '*transportation and travel cost*

'mon vwar kote *fuel allowance* i R1.2 milyon.

Alors mon ti a kontan konnen ki kantite loto vreman ki pe ganny sa *fuel allowance*, oubyen in *term* kantite drayver oubyen dimoun oubyen kekfwa Ziz ki pe *allocate* sa *fuel allowance*? Akoz i pe tonm apepre en pe plis ki R100 mil par mwan. Mersi Mr Chair.

MR SPEAKER

Mersi Onorab. Madanm Registrar.

THE REGISTRAR JULIANA ESTICOT

Mersi Mr Speaker. Lo kote 'office expenses,' sa logmantasyon i pa vreman *apply* pou Lakour Palais De Justice kot nou'n antre depi 2013. I plizoumwèn lo nouvo Lakour Mazistra akòz parey ou konnen i en gro *building* e nou fek antre 2020.

E sa logmantasyon nou'n enkorpor li pou *cater* pou Lakour Mazistra ki avan nou ti pe lwe kot *Unity House* ek lezot landrwa. So, sa i pou sa nouvo *building*, me non pa sa *building Palais de Justice* parey ou'n refer sorti kot nou ti antre 2013.

So nou'n pran kont Lakour Mazistra. Me solman avek proze Lakour Mazistra li menm lo, si mon vin lo proze

Palais de Justice avan. Parey toultan dan lefase nou'n nonmen dan Lasanble, nou ti'n komanse pou nou ganny fotovoltaiik pou met lo la. Me selman akòz mannyer i ete son *slope* i pa posib pou zot met lo la.

So nou ti annan en alternativ kot nou ti pe sey lo *Supreme Court Annex* me selman apre sa *Grant* in fini en nou pa'n ganny sans pou ganny li. So nou pe atann dan sistenm sika ler nou ganny en lot *Grant* pou nou kapab met lo la. Me sa nouvo *building* Lakour Mazistra li, sa batiman lo son plan i osi annan pou enkli fotovoltaiik.

Me menm si nou'n antre dan *building*, par egzanp nou annan *lift* ki nou ankor pe siport out. Apre i annan sa bout anler kot nou pa ankor vreman finaliz lo kot i annan *gym* eksetera, kot i sipoze annan sa bann fotovoltaiik.

Me nou pe prezimen ki letan sa i ganny mete definitivman nou pou annan en rediksyon dan nou *bill* elektrisite. E osi letan i pou met lo *annex* so sa i pou ede pou kapab redwir nou *bill* ki nou pe servi pou sa 3 *building*.

Lo kote transpor nou annan nou 22 transpor an total kot Zidisyer dan nou *fleet*. E logmantasyon lo kote *fuel* ki ou

vwar i zis akoz sa pri Dolar monte, desann eksetera. So sa i fer ki in annan sa logmantasyon. Me *otherwise* nou annan 22 transpor e tou sa 22 transpor i ganny servi on a *daily basis*. So *that's why* ki nou annan sa logmantasyon dan *fuel*. Mersi Mr Speaker.

MR SPEAKER

Mersi Madanm *Registrar*.
Onorab Vidot.

HON AUDREY VIDOT

Mesi Mr Chair. Bonzour tou dimoun ki a lekout. Mr Chair mon ti oule zis demann avek Mrs Esticot, pli boner letan i ti pe koz lo *Board fees*, si i ti kapab zis eklersi, dan sa revizyon eski zot pe *back pay*?

Zot pe fer *back pay* oubyen zot pe zis komans li *from immediate* pou sa lannen?
Thank you.

MR SPEAKER

Mersi Onorab. Madanm *Registrar*. Yes, madanm.

THE REGISTRAR JULIANA ESTICOT

Mersi Mr Speaker. Lo kote sa *Board Fees* ki nou'n, nou'n vwar poudir i pou pran nou en kantite larzan pou nou retourn *back to 2016*, e nou'n agree ki sa bann dimoun zot sipoze

ganny *back pay 2020*, Fevriye, Zanvye avek Mars an montan.

Akoz ki arive se ki letan nouvo sistenm 2019 ti vin an plas, ti annan en mwan kot bann dimoun ti ganny peye lo 2019 apre tou keksoz in retourn lo 2016.

So ler nou'n kalkil li, nou'n baz li pou *back pay* zot *from - savedir from Zanvye 2020*, wi *instead of* nou pou *go back to 2016* ki i pou kout no en kantite larzan. Se pou sa rezon ki ou vwar ki sa i enkli ladan, sa sonm i enkli ladan. Mersi Mr Speaker.

MR SPEAKER

Mersi Madanm *Registrar*.
Onorab Uranie.

HON ROCKY URANIE

Mersi Mr Speaker. Bonzour *panel*. Anba '*current challenges*', in met '*slow court challenges*.' E sot in sit bann rezon akoz. Mon kestyon set eski Bidze pe fer provizyon pou rezourd sa bann *issues*? Si wi, konbyen? E ki zot target egzakteman ki pou rezourd sa bann *issues*?

E apre avek *COVID-19* dimoun La Digue ek Praslin napa larzan, zot war zot bezwen depans bokou pou vin Ankour. Ki servis zot ofer, oubyen zot anvizaze ofer pou rezourd sa

bann problem? Mersi Mr Speaker.

MR SPEAKER

Mersi Onorab. Madanm Registrar.

THE REGISTRAR JULIANA ESTICOT

Mersi Mr Speaker. Lo kote prosedir Lakour ki en pri pe *slow*, nou napa zis *issue* lo kote, par egzanp parey nou pe dir nou ti annan 2 Ziz an mwens. Apre nou ti osi annan en *issue* avek bann Avoka, pa vreman avek Avoka me la kantite Avoka ki nou annan.

Akoz parey ou konnen nou annan Lakour Dapel, Lakour Siprenm, nou annan en Lakour Dapel, nou annan 9 Lakour Siprenm, nou annan 6 Lakour Mazistra, so ler nou met tousala ansanm nou annan apepre en karantenn Avoka ki pe travay e ki anrezistre zot *license* eksetera.

E pa zot tou ki vin Ankour, i annan ki dan *offshore*, i annan ki zis pe donn bann *legal advice* eksetera. So sa kantite ki vin Ankour i vreman pa ase pou lakantite Lakour ek *case* ki nou annan.

Par egzanp nou annan dimoun ki i annan de zour ki i fer *double boking* i menm bliye,

i annan bann *double booking*. E en ka i bezwen pran, e en lot ka i bezwen ganny anvoye. Ouswa i annan *Supreme Court* i pran priyorite lo Lakour Mazistra eksetera.

So nou napa ase Avoka, nou toultan ankouraz dimoun pou vin *join* dan sa profesyon. Me selman parey ou konnen pou en rezon ou en lot nou pa pe tro konnen pour ki rezon nou pa pe ganny sa kantite, ki nou ti ava anvizaze. Me *lately* nou'n komans ganny detrwa bann zenn dimoun ki'n vini zot in pas zot *Bar*, e nou far *Bar* lokal zot in pase e zot pe *join* nou.

So nou apresye avek sa e sa i pou ede retir, i osi zwen en rol lo bann *case* ki ganny pran. Akoz si nou napa ase, sa Avoka i dan 2 Lakour an menm tan, nou pou bezwen deside pran enn son *case*. E en lot son *case* i tonbe otomatikman, i tonm dan sa group *backlog*.

Apre lo kote nou parey mon'n dir ou prosedir Lakour ki ralanti. Parey mon'n dir ou nou *building* ti en *issue*, akoz ti annan serten lakantite dimoun ki ou kapab pou fer ganny akse sirtou la avek sa *issue COVID*.

Nou napa vreman letan sa *building in design* - sa sirtou sa Lakour *Palais de Justice*, nou lakantite lofis ki nou annan i pa la kantite dimoun ki pe *share* sa

lofis i annan landrwa ki bokou. Par egzanp lo *court reporter* mon annan 27 *court reporter*. E mon annan zis 2 lofis e sa lespas i vremen limite.

E la ek sa *COVID* i annan ki bezwen *work from home*, e i annan ki bezwen vini akoz sa zistans. E tousala i ede pou fer nou bann prosedir ralanti, akoz zot bezwen tip bann *proceedings* pou bann Ziz gannyen *next time* ki *case* i pran pou zot al Ankour. E tousala i zve en rol.

Lo kote Praslin ek La Digue, pou le moman ki nou pe fer avek sa sistenm *COVID* parey ou'n mansyonnen, nou pe sey *accommodate* zot atraver *virtual hearings*. Nou'n komanse kot Tribinal Lanplwa e nou'n vwar ki in marse.

So prezan nou pe deside la aktyelman demen nou sipoze *meet* avek Tribinal Lafanmir pou nou vwar ki mannyer nou pou kapab. Akoz parey ou konnen ki annan dimoun ki en pti pe per pou zot voyaz e, akoz sa *COVID*. So sa i pou ed nou si nou kapab met sa sistenm an plas.

Lo La Digue nou'n aprann in fermen pou le moman. Me lo Praslin si nou kapab met li an plas, ki parey nou pe fer Mahe i pour redwir en kantite. Akoz nou pa pou bezwen annan zis

sa dat ki sa *case* in pran me i pou en keksoz permanan. Kot *anytime* nou annan en *breach* par egzanp nou pa pou bezwen esper ler Lakour Mahe, or ler Lakour i mont Praslin pou *sit* pou zot pran sa *breach*. Si sa dimoun i *breach* yer swar ozordi bomaten nou kapab anmenn li Ankour.

E nou ava annan en panel Mahe ki'n *set* baze lo zot *diary* ki zot *availability*, ki nou kapab pran sa *breach* la. E sa i pou ede redwir lakantite depan Ankour avek deplasman eksetera ki sa bann dimoun Praslin La Digue i fer letan pou zot ekout zot ban *case* lo Mahe. Mersi Mr Speaker.

MR SPEAKER

Mersi Madanm *Registrar*. Onorab Zialor.

HON NADDY ZIALOR

Mersi Mr Speaker. Bonzour tou dimoun. Zis 3 pti kestyon an pasan, *follow-up*.

Eski mon'n tann nonm lo *Magistrate Court* ki fek ouver, eski zot kapab dir ek nou konbyen *floor* sa *Court* i annan? E si zot pe fre provizyon pou en *lift*, petet pou *at least* en komansman konstriksyon dan Bidze?

Epi anlany avek kestyon ki Onorab Gill in demande konsernan *legal aid*.

Eski zot, zot vwar poudir i annan okenn labi, e sirtou pou bann *repeated offenders*, si zot pe mazin entrodwir en *minimum fee* oubyen *by instalment payment* pou redwir en pti git kou lo Leta?

Apré si zot kapab koz en pti git *in terms of* dan Bidze pou *staff welfare*. Parske i annan serten *staff* ki pe dir zot *uniform* i annan en pe letan ki zot pa ankòr ganny *set* konplet. Mersi.

MR SPEAKER

Mersi Onorab. Madanm Registrar.

THE REGISTRAR JULIANA ESTICOT

Mersi Mr Speaker. Lo kote nouvo Lakour Mazistra no annan en *ground floor* apré nou annan en *first floor* ek en *second floor* apré nou annan anler. So nou an tou si mon kont li i fer en *ground plus 3*.

So lo anba *ground floor* nou annan *Registry* tou, tou nou *registry* avek, kot nou *store* nou bann *file* eksetera zot, zot lo *ground floor*. E se la kot manm piblik i vini letan zot annan bann *query* eksetera leklersisman vin get zot dat *case* eksetera. Zot tou zot anba.

Apré lo premye *floor* i abrit, nou annan 2 Lakour apré nou annan Tribinal Lanplwa apré nou annan en Lakour, ki vid kot nou sipoze fer *virtual hearings*. Apré nou annan osi lofis. Apré lo dezyenm letaz nou osi 5 Lakour, apré nou annan enn kot nou ti sipoze fer *virtual hearing*, be la avek nouvo devlopman kot nou'n aprann ki *Fair Trading Commission* pou vin en *Tribunal* e pou vin zwenn avek nou. So nou pou fer provizyon pou zot ganny en Lakour zot osi.

E apré nou osi annan lofis. Apré anler *on top building* kot nou sipoze met fotovoltai eksetera, i annan en *gym* ki ti'n ganny mete apré nou annan lespas kot ou kapab fer aktivite, kot nou kapab *instead of* al pey landrwa eksetera pou al fer aktivite nou kapab fer la. E pou fer, ou konnen bann *staff* zot kapab zwenn antre zot sosyalize eksetera. So nou annan en lespas pour sa.

Pou lo kote *lift*, wi nou annan 2 *lift* sak kote ki sipoze monte ziska anler. Me selman parey mon pe dir ler nou ti bezwen ante dan *building* pou rezon, enn pou nou fer en pe *savings*, pou nou kapab ganny lezot keksoz, e nou ti war li neserer ki nou'n bouze, so *lift* pa ti ankòr pare.

Me ler nou fini ganny tou bann keksoz nesaser, *lift* ti'n sipoze komans, ti'n komans travay an Desanm letan nou ti'n al *court vacation*. Me nou'n bezwen aret akoz sa zafer *COVID* la ou konnen bann travayer i vini i vin zwenn ansanm, bann travayer an deor konstriksyon zot vini zot vin zwenn ansanm avek nou bann *staff*.

So lo kote sa *issue COVID* nou ti'n fer zot arete me selman in pare pou konmans, kontiny sa travay pou zot kapab konplete. Ki *lift* i ganny met an mars akoz nou ti'n promet bann *staff* ki Zanvye letan zot retournen *lift* ti'n sipoze pare. E travay ti'n sipoze komans komanse, ti'n fini komanse me selman parey mon pe dir nou'n bezwen arete ek sa bann travayer konstriksyon ek *staff* pe melanze eksetera. Nou'n bezwen met *on hold*. E la nou pou kontinyen apre ki keksoz i stabilize. E sa *lift*, sa 2 *lift* tou lede pou ganny met an mars kot *staff* pou kapab mouvante *from* en *floor* pou lot *floor* konfortableman.

Lo kote *legal aid* labi, wi nou konnen poudir i annan labi me selman parey mon ti dir oparavan, konstitisyon i fer provizyon pou en dimoun ganny reprezante, sirtou sa bann *case*

kriminel kot sa dimoun pa kapab defann son lekor li menm e i pou al en santans prizon.

Me selman ki nou pe fer se ki, nou annan en sistenm ki nou ti pe met, ki ti'n komans met an plas apre in aret dan milye semen. E la pe rebran anba gidans nouvo Sef Ziz nou pe sey *link up* avek par egzanp *Licensing Authority*, akoz nou konnen ki kantite dimoun ki vin fer sa bann laplikasyon zot annan biznes or zot annan lezot keksoz. Me zot pa deklare letan zot vin kot nou zot vin fer zot laplikasyon pou *legal aid*.

E apre sa i pou ed nou pou letan nou pe aprouv en *legal aid application*, pou nou konnen sa dimoun si i annan *asset*, si i annan biznes, si i en *Taxi Driver whatever* ou konnen? Ki kalite biznes ki annan pou nou get ki si i kalifye. E menm si in fer en fo deklarasyon kot nou, nou pou annan bann lezot landrwa kot nou pou kapab vwar poudir sa dimoun i vin koz manti, e definitivman i pa pou kalifye.

Apre lo kote redwir, par egzanp bann *repeated offenders* pou nou sey redwir en pe kou. Nou pa vreman, i depan lofans. Par egzanp si sa dimoun, par egzanp nou annan bann lofans kot en dimoun in al vol 3 koko, en lofans kot en dimoun in vol 2 sopin limonnad dan *chiller*, i

stealing. I en lofans kriminel e i ganny met Ankour.

So in vol 3 koko, in vol 2 limonnad dan *chiller*, nou pa vreman get li koman bann *case* ki serye kot ki pou bezwen otomatikman donn li *legal aid*. Nou plizoumwen get bann dimoun par egzanp ki annan *aggregated offences* ouswa bann *murder, manslaughter, trafficking* dan drog eksetera. Zot en pti pe pli serye e pinisyon i pli sever, kot la nou kapab donn zot. Me selman si nou vwar, par egzanp dan sistenm aktyelman nou annan dimoun ki annan 6 *case* devan Lakour Mazistra.

E nou'n sey met tousala devan en sel Mazistra. E nou napa swa nou bezwen, donn li en laprouvasyon *legal aid* aköz nou konnen ler son 6 *case* i fini in pou al Montagne Posee. I pou kondann prizon. So menm si lofans i pti gin, me i annan bokou *case*, nou napa swa nou bezwen donn li.

Me selman n ou konnen i annan sa labi e ou pe sey rod fason pou nou travay pou nou kapab sey redwir en pe sa labi. E sa i pou ede pou fer redwir lo kalite alokasyon ki nou demande toulezan anba sa sistenm.

Lo kote *uniform*, nou ti annan en *supplier* ki ti pe

supply nou avek *uniform*, ti annan en problem kot i ti annan en *shortage* dan la kantite materyo ki ti'n rode. Or *the wrong* materyo ki ti'n *submit* pou li - par egzanp ler nou *tender* nou fer prosedir zot vin montre nou en *sample* sa materyo ki zot pou servi pou koud sa *uniform*.

E letan *uniform* in konmans koud, zot ti vwar ki ti annan en, komite ti vwar ki poudir i annan en problem avek sa materyo ki sa dimoun pe servi. I pa sa materyo ki i ti'n *submit* letan i ti vin *tender*. E sa in fer ki in annan en retar aköz in bezwen, i ti napa ase in bezwen refer revini e in pran en pe letan pou vini, pou li rekoud. E apre bann letan *COVID* i annan *staff* ki pa ti la, i annan ki ti la, in bezwen esper zot retournen. So sa in fer ki in annan en pti pe retar. Me selman normalman nou napa sa kantite retar dan *uniform*. Tou-le-z-an nou abitye annan nou *uniform*, nou uniform ganny donneren atan.

E la nou'n revwar depi Septanm e tou keksoz in finalize, e *anytime* tou niform ti'n sipoze fini fer. Me pou sa prosen *tender* parey ler nou'n *submit* ki pe vini, sa i bann keksoz ki nou pe pran kont prezan. Ki nou bezwen zet en

pei pe plis lizye lo la. E fer sir ki sa bann keksoz parey pa ganny repete.

Par egzanp letan ou *submit* sa materyo, ler pou ou komans koud ou bezwen vin montre nou *or* nou bezwen vin gete ki materyo ki ou pe servi pou nou fer sir ki i pa pe kon tradwir. E nou pa *end up* ankor annan sa problemn.

Sa i the *first time* ki in arive avek nou, e nou'n fer sir ki dezormen sa bann keksoz parey pa ganny repete. Mersi Mr Speaker.

MR SPEAKER

Mersi Madanm *Registrar*. Onorab Sandy Arissol.

HON SANDY ARISSOL

Mersi Mr Speaker. Bonzour Madanm *Registrar* avek delegasyon. Mr Speaker letan mon pe kout Bidze bann laliny ki'n ganny anmennen. Mwan mon krwar ki i annan en pe labi kot Lakour, nou bezwen rekonnet ki i annan en pe labi kot Lakour. Letan i konsern *fuel*, transpor, elektrisite, e ou a krwar Minister Finans pa rantre kot Lakour pou gete en pti pe parey zot fer lezot landrwa.

Mon pe dir sa parske letan nou pe get size sekirite ki'n monte, i annan size sekirite

apre i annan osi size *Board fees* ki plizyer manm in koz lo la. Ou konnen letan nou tou nou dan en moman difisil kot pei pe fer fas avek problemn ekonomik tou dimoun in ganny dir anmare, sere, tenir.

E nou annan dimoun la deor ki napa en lasyet manze parey in ganny servi dan Lasanble Nasyonal. Nou tande poudir ki i annan *Board fees* ki'n ganny aprouve par Minister Finans ki pe ganny peye depi 2020 si mon pa tronpe pou ban dimoun ki asiz lo *Board*.

Ou konnen mon, mon krwar danm sa sityasyon kot nou ete, Minister Finans ti kapab koz ek sa bann dimoun pou dir get sa, al kot pei i ete pou le moman nou kapab met en *hold*. Parske nou tou nou dan problemn.

Me malerezman Lakour li pou li in sape in ale e ozordi nou tande poudir *Board fees* pe ganny re peye. Pe ganny redonnen akoz ti annan en fot lo lafason ki *Board fees* ti devret ganny *allocate* ek bann dimoun laba.

Ki mwan mon menm mon en pti pe konsernen parske letan nou pe dir anmar bato, tou dimoun i devret anmar bato. E letan nou plizyer manm travayer pa ti ganny Trezyenm mwan Saler, bann Ziz ti

gannyen parske zot, zot ganny kouver anba Lalwa e n ou respekte sa.

Be selman mon santi ki pour, si ti annan lezot depans Mr Speaker, an relasyon avek bann Lakour, Minister Finans zot ti kapab antre, koze, negosye pour ki nou kapab ganny sa larzan pou asiste lezot dimoun ki dan bezwen ozordi dan pei. Sa i mon premye pwen.

Mon dezyenm pwen i an relasyon avek sekirite ki ou'n tann koz lo la ankor sorti 9milyon pou vin 11milyon. Ou konpran? E letan mon get sekirite kot Lakour Mr Speaker mon pe zis demann mon lekor, si ozordi letan nou pe viv 2021 si nou bezwen sa bann *firm* sekirite kot Lakour ozordi?

Parske letan ou antere dan bann Lakour e letan ou antere dan *Court A* ou pe al ekout en zizman. Ou war en Zofisye Lapolis i asize dan Lakour Mr Speaker, e nou tou nou'n vwar sa. E mon pe zis demann mon lekor si ozordi nou pa ti kapab servi bann Zofisye Lapolis pou zot et lo *compound* Lakour par egzanp.

Parske deza zot, zot pe ganny peye atraver en saler ki zot gannyen atraver en Bidze ki nou menm nou, nou vote.

Dezyenmman i an relasyon avek sekirite kot bann Ziz kot zot Lakour. Dan distrik Bel Ombre Mr Speaker, mon annan plizyer Ziz mon pa bezwen mansyonnen kot zot reste. Mon annan en Ziz ki'n retire i la, i reste dan en kominote antoure avek zabitan Bel Ombre.

Personn pa fer li naryen. Tou le Sanmdi mon frot zepol avek Sef Ziz dan bazar. Sir Selwyn Clerk, i pe aste son legim, i pe aste son pwason. Personn pa fer zot naryen sa bann dimoun. Konmsi mon pe demande an mezir keksoz i pli evolue Seselwa i vin pli sivilize, Seselwa i vin pli konsyan, eski nou devret pe kontinyen depans sa kantite larzan avek bann lakonpanyen sekirite? Pou ki Bidze Lakour li osi i a kapab redwir parey Onorab *Leader* Lopozisyon in dir pou nou pa pe fer sir nou pa pe anpes Lakour, bann Ziz bann *Rezistrar*, bann Avoka, nou pe anpes zot fer zot louvraz.

Nou donn zot, zot Bidze adekwat. Me selman mon santi i annan keksoz ki ou kapab fer. Par egzanp kot bann rezidans bann Ziz akouz nou pa servi sa ki nou apel bann *PSSW*? Ki deza en lafors dan nou pei, e zot deza pe ganny en saler atraver pei dan Bidze ki nou vote.

Me parkont si i fer en pti *extra time*, i ava antre en pti larzan an plis as *extra time*. Annou pa bliye poudir dan Lakour zot fer en kantite, e nou annan en kantite depans ki nou fer avek Lakour. E nou bezwen konsyan ozordi ki mannyer pei pe ale avek difikilte ki nou annan.

Me selman parkont pou nou zis pa enterfer avek zot travay ki zot pe fer. Me selman mon santi Mr Speaker i annan en kantite zefor ki kapab ganny fer kot Lakour. E mwan mon krwar finans pa pe rantre kot Lakour parey i rantre kot Lasanble Nasyonal. Sa i mon kontribisyon Mr Speaker. Mersi.

MR SPEAKER

Mersi. PS Finans eski ou anvi fer serten komanter avan nou pas kot Madanm Rezistrar?

PS DAMIEN THESEE

Mersi Mr Chair. E bonzour tou Manm Onorab. Ler nou get zesyon finans piblik pandan sa dernyen 10an, enn nou *challenge* i avek bann antite endepandan, ki zot apel zot lekore endepandan. Apre bann antite konstitisyonnel. E nou ganny bokou *challenge* avek sa bann antite aköz zot konfiz zot rol teknik al avek zot fonksyon

ki zot ganny Bidzete par, ki ganny finanse par Gouvernman.

So nou'n annan bokou diskisyon dan lepase kot tou sa bann antite i demann ou lotonomi finansyel. E alor sa i enn nou *challenge*, i *up to* Gouvernman osi ennler ki mannyer i siport sa diskisyon oubyen sa deba lo *how*, ki *extent* otononm ou ale.

So mon pou dakor avek Onorab *to certain extent* ler i pou dir nou pa antre ek Zidisyer, i pa zis ek Zidisyer i detrwa lezot landrwa ankor. Aköz sa *issue* mon otononm pa vin demann mwan kestyon.

So sa en keksoz ki nou bezwen sanze, e bann antite i bezwen konpran ki, nou, nou pa enterfer avek son fonksyon ki mannyer administre son Lakour. Nou pa antre dan zizman, nou pa antre dan son Lalwa. Solman ler i vin finans sa antite se Gouvernman, Minister Finans i bezwen fer en diskisyon ek li.

I annan serten fleksibilite ki ou bezwen donn Zidisyer ek Lasanble Nasyonal lo son zesyon servis piblik. E nou'n fer sa pandan sa dernyen 3an ler noun donn li son loperasyon pou *operate* dan en Labank Komersyal. E nou ti osi *extend*

sa pou bann serten antite endepandan.

Me nou'n war ki nou bezwen *pull back* sa bann antite endepandan dan Trezor, e nou pou kontinyen avek zot. So nou'n komanse en diskisyon avek Rezistrar kot nou'n dir li nou bezwen fer en konversasyon lo serten keksoz. Par egzamp lo drayver. Eski nou pou kontinyen donn traver bann Ziz?

Akoz I en pe diferan li avek en Minis. En Minis i bouz bokou lo bann landrwa so ou bezwen *provide li* sa servis. Me sa Ziz pa neserman pe bouze bokou li. Ou kapab servi bann travayer administrativ si i bezwen bouze *in the tre ka rar* ki i fer sa. E bokou zot i dray zot loto dan bomaten pou al travay.

Nou annan *fuel cost* osi sirtou ki ganny donner. Nou pa neserman annan en Polisi lo *fuel*. Solman ler nou'n gete dan lepase nou pa'n neserman war gran labi.

Sekirite osi in ganny *extent* dan bann lannen pase resaman ki mon kwir i kouver *even* bann Mazistra. *Rent* osi i en *issue*, nou annan sa zafer *housing allowance* pou Ziz osi ki tou kou i monte sansib. E mwan mon sizesyon lo sa rent bann Ziz se zis transform sa *into* en *inducement* pou sa bann

Ziz. Akoz i pou touzour sansib ler nou pou dir Ziz i ganny *housing allowance* R25 mil.

Nou bezwen rekonnnet osi ki petet sa louvraz ki sa bann Ziz i ganny fer, ou bezwen *remunerate* zot byen. E mwan mon napa problem si en Ziz i ganny li 100 mil, 80 mil, 60 mil. I sa louvraz ki i pe fer. Me solman petet nou bezwen re transform sa kalite *allowance into* en *inducement* pou zot. E la i a vin pli kler nou ava arete sa *sort of largiman* ki nou gannyen ek zot ler nou dir zot fer en zefor.

Me selman nou admet osi nou pa war neserman Zidisyer i fer sa zefor ennler. Akoz tou kou i *come back* avek son Lalwa, oubyen i dir ou i otononm. Osi petet la nou annan nouvo *Management*, nou war petet en diferans. So nou ava servi sa lannen pou gete ki zot pare pou fer. Mersi.

MR SPEAKER

Mersi. Madanm *Registrar*.

THE REGISTRAR JULIANA ESTICOT

Mersi Mr Speaker. Lo kote labi mon pa pou vremen apel li en labi, akoz tou bann keksoz i ganny limite kontrole eksetera. Me selman parey, menm si, *PS Thesee* in nonm otononm. Nou

annan Oditer Zeneral ki fek sorti kot nou Desanm, Desanm 2020. E i annan bann *query*, ou konnen ler zot sorti kot ou i annan papye ki zot anvoye i ou bezwen reponn bann *query* eksetera.

I annan bann larepons ou bezwen donner ale vini, avan ler i finalize pou met dan rapor Oditer apre pou vin devan FPAC. So zot in sorti kot nou. Toulezan zot vini e letan zot vini zot, pa nou ki dir zot kot pou ale. Zot ki deside ki bor zot pou gete, kwa ki zot pou gete ki zot war zot kestyonnen eksetera.

So ler mwan mon pe get li mon war poudir menm si Minister Finans son Oditer pou li i pa vin souvan. Me selman Oditer Zeneral in la. E i annan en *sort of check and balances* mon pa konnen si mon pou apel li koumsa. Kot i annan dimoun ki pe gete ki nou pe fer. Pe gete kote i annan sa labi. E si i annan ki bor ki'n annan, ki kantite ki'n annan. E ki manner i bezwen ganny re drese eksetera.

So mwan personnelman *as accounting officer*, mon *feel* konfortab letan sa bann dimoun i vini, aköz se zot ki von dir mwan kote mon'n al mal e kote ki mon bezwen redrese. E ki bor ki mon bezwen kontinyen fer or pou amelyore eksetera.

So nou annan sa bann dimoun ki vini. So nou dimoun ki vin vwar si nou annan labi, si nou napa. E la nou pe esper rapor sorti pou nou gete *how good it was*. Ouswa *how bad it was*. E pou nou gete kote ki nou bezwen amelyore eksetera. So mon santi ki si i annan labi i pou ganny sorti dan rapor oditer. E nou pou vwar kote ki annan e pou nou kapab re drese. Ki *next time* ki oditer i vini aköz ler zot vini zot kit ou rapor ek ou.

E ler zot vini *next time* zot *follow up* lo ki ou'n fer baze lo sa rapor, *the previous report*. Sa i pou ed nou pou nou pouse aköz ler i pou vin dir nou poudir ti annan labi dan *fuel* or dan transpor, *then* i pou ed nou pou nou dres nou pou ki lannen prosenn letan i vini sa pa ganny reflekte ankör lo nou dokiman.

E definitivman ler nou aparet devan zot kot FPAC, mon konnen zot pou vin demann mon personnelman kestyon lo la. E mwan *as much as possible* ki mon dan sa *post*, *so long* ki mon la, mon sey mon mye pou mwan sey gete ki manner nou kapab aranz keksoz, pou ki letan mon vin kot zot mon napa bokou kestyon pou reponn.

So lo kote sekirite parey ou pe dir letan ou ti antre Ankour, ti annan Zofisye Lapolis pe

asize. Nou napa ase Zofisye Lapolis akoz Ankour - nou pe koz Ankour la en? Akoz tanzantan nou demande e nou repons ki nou ganny dir zot napa ase *manpower* pou donn nou donn nou. Nou ti a swete ki dan tou Lakour nou annan Zofisye Lapolis ki la. Normalman zot vey dan Lakour zot, zot pa vey an deor Lakour.

Zot vey dan Lakour, akoz dan Lakour i annan en kantite keksoz ki pase. I annan par egzant kot en Ziz ti ganny balans en savat avek li ziske ozordi i ankor annan mark deryer son latet, kot sa savat ti tape. E sa ti ariv pandan letan ki Lakour ti pe *sit*. Letan sa Ziz ti'n donn en desizyon pou sa dimoun al prizon.

So se pou sa rezonn ki nou bezwen Zofisye Lapolis dan Lakour, me non pa pe vey *premises* an deor. Lo *premises* an deor nou met lezot sekirite. Akoz zot letan zot annan *issues*, zot kapab *always call* ek Lapolis pou ganny en *back up*. Me dan Lakour nou bezwen Zofisye Lapolis ki annan sa pouvwar pou fer arestasyon, e detenir sa bann dimoun eksetera.

So i vreman enportan ki nou annan Zofisye Lapolis Ankour. E ki nou annan lezot sekirite lo *premises*, pou osi

kontrol *crowd* e kontrol ki i pase. Par egzant *even* sa bann zofisye sekirite ki nou annan i pa ase, akoz nou annan dimoun ki pe met drog dan po fler e en lot dimoun i vini deteni i pran i mont avek Montagne Posee. In arive sa bann ensidan.

Nou'n annan dimoun kot deteni ki pe rimann Montagne Posee i vini, madanm i donn li pti baba e i pran drog anba lenz pti baba, i rann pti baba e i al avek. So tou sa bann keksoz i pe pase kot Lakour, i zis en keksoz ki pa, *like* mon kapab dir, oplenner ki tou dimoun i konnen. Me i annan sa bann lensidan ki pe arive kot nou bezwen *maximum* sekirite pou kapab ed nou pou sa bann keksoz redwir.

Akoz *otherwise* ou konnen nou bann dimoun pa vreman santi zot anba sekirite pou travay. Me selman nou ti a swete parey ou pe dir sa PSSW, nou ti'n swete partou kot tou Lakour pou annan, akoz enn zot kou i pli ba ki lezot *security firm* bann prive. E zot en pti pe pli an sekirite letan zot pe vey kot ou. Ou konnen pa neseserman fizikman *fit*, me selman ou konnen ou, zot kapab fer arestasyon. Zot annan bann kontak bann keksoz zot kapab fer.

Me nou napa ase sa bann dimoun *PSSW* pou asiste nou pou nou kapab met zot travay. E parey ou pe dir ou frot zepol ek Sef Ziz, i annan Ziz ki reste Bel Ombre eksetera.

Wi nou'n annan lensidan kot, pa neserman tou Ziz in ganny atake *or* tou Mazistra in ganny atake. Parey *PS Thesee* in dir Mazistra pa ti ganny sekirite avan. Nou'n vwar li neser pou donnen letan enn en voler ki i ti pe zize ti vin kot li, ti vin atak li lannen pase. En Mazistra nou ti napa swa nou ti bezwen ekrir e demann permisyon pou nou donn zot sekirite.

So nou pa kapab toultan anpes lensidan arive apre pou nou sey kouver. Nou bezwen fer sir toultan par devan zot aköz ler i ariv kot enn nou konnen *anytime* i kapab ariv kot 2, kot 3, kot larestan. So se pou sa rezon ki ou war nou kontinyelman met sekirite kot sa bann Ziz.

Menm si pa kot zot tou kin arive. Me selman nou kapab esper ariv kot sa enn, mete. Epi ariv kot sa lot mete. Aköz avan nou ti annan Ziz ek Mazistra ki ti fer zis sivil. Apre nou ti annan bann ti fer zis *criminal*. Be la zot tou zot pe fer tou. So nenport ler i vin en *case* drog devan ou, sa dimoun ou kondann li apre i

annan son tim par deryer li. Li i pa pe vini aköz i Montagne Posée li. Son bann dimoun dan son tim ki pou vin revanze.

So nou pa kapab esper sa arive. Se pou sa rezon ki nou'n ensiste ki pou lemoman sekirite in ganny mete kot lakour sa bann zofisye Lakour ki pe Ziz sa bann zafer. Mersi Mr Speaker.

MR SPEAKER

Mersi. Bann Manm nou ava aret en pe bann komanter sirtou for antre zot laba silvouple. *PS* ou anvi kontinyen?

PS DAMIEN THESEE

Permet mwan de minit Mr Speaker. Aköz mon kwir sa i en size enportan. Ler Oditer pou vini la, i pa pou neserman war gran *issue*. Aköz? Aköz ou'n fini formaliz sa ladministrasyon sa ka dan sa fason. Ou'n dir ki i normal pou donn sekirite, i normal pou donn *fuel*, i normal pou donn loto, i normal pou donn drayver, i normal pou donnen *housing allowance*.

So i pou vini i pou dir ou *ok* sa bann keksoz ki ou pe donnen i anliny. So pou napa en *audit report* ki pou vreman mal. *Issue* is pli ou mwen parey mon krwar Onorab in dir kantite *incentive* ki pe donnen. E sa kou

lo Bidze. So mon krwar sa ki nou pe demann en revi. Nou, nou napa problem dan asir sekirite bann Ziz.

Nou napa problem dan pey Ziz en lapey ki *remunerate* son *risk* ek son louvraz ki i pe fer. Me solman mon krwar i sipoze annan bann serten revi lo serten *incentive* ki pe ganny donnenm an zour avek nou difikilte ki nou ladan. E menm si nou ti pou sorti dan sa sityasyon la. Kwa ki zot sipoze *entitled*. Mon krwar sa ki i enportan. Mersi.

MR SPEAKER

Mersi. Onorab Arissol wi ou.

HON SANDY ARISSOL

Mersi Mr Speaker, non mon ti a kontan premyerman remersye PS Thesee pou larepons. Madanm *Registrar* pou bann lesplikasyon kler e bref ki ou'n donn nou. E mon krwar Mr Speaker, sa ki mon ti a kontan refer resorti se ki i pou bezwen annan ankor sa kontinyasyon, sa diskisyon ant Finans avek *Registrar* e osi Lasanble Nasyonal.

Be selman par kont parey pou bann Ziz kot zot rezidans parey mon'n dir. E mon kontan ou'n servi sa term ki PSSW i pli bonmarse ki lezot. Me selman par kont parey ou'n dir napa

ase. Ti pou preferab si i annan sekirite kot bann lakour bann Ziz, se sa ki nou pe rekomande parske premyerman i redwir sa kou lo zot Bidze. E lo Bidze pei.

E sa i a fer an menm tan ki i annan en rannman. Be selman mon krwar Mr Speaker avek larepons ki mon gannyen avek PS Thesee *plus* Madanm *Registrar* mon krwar nou ava kontinyen annan sa lantant lo Bidze Lakour, pou asire ki bann Ziz zot an sekirite e zot kontinyen fer zot louvraz byen. Mersi bokou Mr Speaker.

MR SPEAKER

Mersi. Onorab Pillay ou ok ou? Pa soz. Ou le, pa bliye poudir nou pe al ziskan 10er edmi e mon annan lezot Manm lo lalis, so nou pou bezwen soz lo la. Ale si ou bezwen.

HON SEBASTIEN PILLAY

Tre bref Mr Chairman. Mr Chairman mwan mon konpran lesansyel ki ou'n koz lo la, me selman ou'n *raise* serten *issue* ki pou mwan i trakasan. I trakasan si drog pe pas atraver Lakour. En landrwa ki sipoze sekirite. So mon pa konnen si bann lotorite konsernen pe pran sa an konsiderasyon.

Me Lakour i bezwen annan en lot laform sekirite. Pa neserman fizik me ki pe

monitor kwa ki pe pase. Akoz i serye e i danzere. Zis an pasan ler ou pe koz lo sekirite pou bann Ziz, fodre pa ki sa i vin en *entitlement* e dimoun i santi li *entitled* pou ganny sa.

Mwan pat egzantp personnelman si ou al lo rezo sosyal, mon non kot mon ganny maltrete, *threaten*. Ou osi parey Mr Speaker. Nenport bann *Leaders* dan Lasanble. Nou pas atraver sa. *Ok?*

Sa ki enportan se ki si nou pe met n konponan sekirite nou bezwen fer sir poudir i efikas. E *at the same time* i *cost effective* osi. Sa ki enportan. So mon ti le zis fer sa pwen Mr Chairmen Mersi.

MR SPEAKER

Mersi. Madanm Registrar mon sipoze ou'n note.

THE REGISTRAR JULIANA ESTICOT

Wi Mr Speaker mon'n note. E mon apresye ki in dir, dan lafason ki in dir li akoz wi *unfortunately* sanmenm sa ki mon pe ensiste ki toultan nou ganny Zofisye Lapolis kot Lakour. Me pou en rezon ou en lot zot dir nou zot napa ase *manpower*. E sa se sa ki pe ede pou sa bann drog antre. Akoz

nou annan sekirite ki pe fer *screening* eksetera.

Me nou napa ase dimoun dan *building* ki pe monitor sa bann keksoz letan pe pase. Par egzantp en sel kou nou annan en dimoun ki vini lo *one on one application for the first time* i vin Ankour. Tou son fanmir i le antre Ankour. E ki mannyer nou kontrol sa? I difisil. Sa dimoun ti'n ganny arete depi *weekend* i dan *custody* Lapolis. Manm fanmir i dir ou i bezwen vin vwar son pros.

E ler i vini i konnen i annan posibilite ki sa dimoun pou rimann e ler i vini i anmenn son drog avek li e i donn sa dimoun. *Zot hug*, ler ou *rewind camera* pli tar ki ou al verifye. Lapolis i dir ou zot annan soupson, la ki ou war in pase i met dan son pos in larg dan son triko. Tou sa bann lensidan i arive. Erezman nou annan *camera* pou *rewind* pou nou vwar.

Me wi nou ti ava apresye *even* kot lakour bann zofisye Zidisyer. Nou ti ava apresye nou ti annan *PSSW*, akoz definitivman parey Onorab in dir i pou redwir lakantite larzan ki nou annan dan Bidze. E i pou ede pou fer desann kou lo nou Bidze. Mersi Mr Speaker.

MR SPEAKER

Mersi. *LGB* eski mon kapab donn ou priyorite a se pwen la.

HON BERNARD GEORGES

Mersi Mr Speaker. Annefe i lo sa pwen ki mon ti demann laparol e mon remersye ou. Mr Speaker pou *panel* mon annan 3 kestyon. Enn se sa zafer sekirite kot Lakour ki vre mwan mon en dimoun ki servi Lakour toulezour e menm mwan mon pa okouran tou sa bann keksoz.

Be mon krwar i annan 3 keksoz la ki nou devret focus lo la. Premyerman, i pa posib ki dan 21enm syek, nou pa kapab kontrol en dimoun ki vin *hug* en lot e ki pas en drog atraver sa. I bezwen annan en fason pou nou dil avek sa kalite keksoz sirtou ler nou konnen i ki arive.

E mon konsyan, e mon pa kapab blanm Lakour la. I pa devret ki drog i antre prizon avek tou sa bann sekirite ki zot annan *still* i antre. I pa devret ki i en prizonnyen i kapab pran *mobile call* ou ozordi, me nou konnen i arive. Sa bann keksoz mon krwar nou devret pran li en pe pli o serye olye zis koz lo la.

E mon krwar dan konteks *Supreme Court* i en landrwa kot sekirite i bezwen ganny ranforsi. E mwan mon siport propozisyon Onorab Sandy Arissol ki otan ki posib nou

devret pe servi Lapolis koman sekirite olye bann *private security firms*.

Akoz? Akoz Lapolis i annan *training*. I annan keksoz ki i kapab fer anba Lalwa ki en *private security firm* pa kapab fer. E i kout mwens. E mwan mon ti ava plito kontan war en Zofisye Lapolis pe mars avek en Ziz, olye en dimoun dan en semiz karo an deor son kannson. I annan en nivo *gravitas* ki nou bezwen fer. Mon konpran ki *manpower*, kapasite i en problenm me mon krwar nou bezwen fer fas avek sa.

Dezyenm keksoz ki'n *arise* la ozordi se sa kestyon *financial autonomy*. Tou le zan nou koz lo *financial autonomy*. E nou pou koz lo la ankor taler ler nou regard, oubyen demen ler nou pou regard Bidze Lasanble.

Once and for all PS, eski nou pa kapab met en sistenm an mars kot e Lasanble, e Zidisyer sel keksoz ki nou, nou pou fer dan sa Lasanble se pas zot Bidze. Ki mannyer zot, zot administre zot Bidze *will be their issue. Subject to audit, internal and external*.

Me mon krwar ki nou devret kapab donn sa 2 lenstitisyon, pou ki nou kapab reponn a legzizans nou Konstitisyon. Ki dir ki nou devret annan brans

Gouvernman endepandan. Endepandan i vin osi avek son lendepandans finansyel. E mon krwar ki *once and for all* in ler pou nou kapab fer sa.

Pou ki nou pou kapab lannen prosenn vin demann avek Madanm Esticot, akoz ki son sekirite i en *private firm* e non pa Lapolis. Sa i ava son problem. E i pa pou kapab vin isi e dir nou ki dimoun i met drog dan po fler, akoz sa i ava son problem pou li rezourd. Eski nou kapab *once and for all tackle* sa zafer *financial autonomy*?

E ariv la kot sa Lasanble in demande lannen apre lannen ki i kapab arive. *Let us devise the system* kot nou kapab fer li.

Mon ti'n annan en trwazyenm pwen, me mon krwar ki in bezwen ganny abzorbe dan sa 2 ki mon'n fer sorti Mr Speaker. Mon remersye ou.

MR SPEAKER

Mersi mon ti a envit *PS* avek Madanm *Registrar* pou adres sa 2 pwen briyevman ki zot in ganny adrese.

PS DAMIEN THESEE

Mersi Mr Chair. Parey mon dir sa *issue financial autonomy* nou war li en keksoz sansib. Nou annan gran dezakor lo sa *issue*

financial autonomy. Akoz napa en Minister Finans dan lemonn ki rekonnet *financial autonomy*.

Me parkont parey mon'n dir nou bezwen *allow* serten fleksibilite avek sa 2 lebra Gouvernman Zidisyer ek Lasanble Nasyonal *only*. Parkont ou *still* bezwen vin kot Minister Finans pou negosye en Bidze. Akoz napa okenn antite ki pou kapab dir mon bezwen tel sonm, e i vin en fe akonpli ki ou donn li sa tel sonm.

Alokasyon Bidze i baze lo kantite resours ki ou annan, e ki mannyer priyorite i ete. So ou bezwen annan sa diskisyon ek sa bann antite. Selman i pou vin en keksoz pli fleksib ki ou donn li en pe plis fleksibilite dan negosyasyon son Bidze. Konpare avek en Minister.

Akoz en keksoz osi ki nou fer 2an pase lo sa size, nou ti anmenn *IMF* avek nou. Pou etidye nou sityasyon. Nou ti'n osi komans travay lo en *framework* pou bann *constitutional appointees* pou zot annan zot prop *financial sort of Act*.

Be *advise* ki nou ti gannyen sete nou pe zis *duplicate* nou *current legislation* ki nou annan. Nou annan *PFM Act* avek nou annan *PFM Regulation*, ki nou pe zis

duplicate li pou donn sa bann antite. So i pa vo lapenn.

E trwazyenmman osi rol odit osi, nou konfiz rol odit. Akoz nou krwar ler nou donn en Bidze en antite, odit i vini i *ok*. Me non. Ou bezwen annan en lankadremman ki dir ou ki manner ou depans ou larzan. Ki manner ou kolekte ou reveni. Ki manner ou zer ou *asset*, ki manner ou zer ou bann *inventories*. Ki manner ou annan sa lankadremman fiskal.

So sanmenm sa ki i annan dan *Public Finance Management Act, Regulation e Accounting Manual*. E i *up to* sa *accounting officer* pou swiv li. Akoz nou, nou pa vreman *babysit* okenn antite nou. Nou pa la ler i depans son larzan. Nou donn ou, ou Bidze, nou met sa framework ek ou. Nou dir ou swiv li.

Ler ou fer ou depans nou pa la. Nou pa ni konnen kwa ki al Trezor *most of the time*. Akoz sa *accounting officer* i pran son responsabilite, dek ki i siny sa *voucher*, Trezor i fer *minimal checks* avek en *voucher*, i pou zis gete si son *accounting treatment* i korek. I pou gete si i annan en Bidze.

To the most i kapab zis verifie pou gete si ou'n fer en *procurement process* kot fodre.

Me se tou. E apre odit, sanmenm sa ou war nou'n annan en odit tou le lannen ki war bann defayans. Akoz nou pa vreman neserman *babysit* okenn antite nou.

So nou bezwen realize ki odit i annan en rol, me solman sa Minister Finans osi i responsab pou met sa lankadremman avek sa antite. Mersi.

MR SPEAKER

Mersi. Madanm *Registrar* ou annan komanter pou azoute.

THE REGISTRAR JULIANA ESTICOT

Sel keksoz mon kapab dir Mr Speaker, mon totalman dakor avek sa ki Onorab Georges in dir. Tou lede lo kote sekirite avek lo kote *financial autonomy*, e mon krwar in plis ki ler pou nou kapab rezourd sa bann problemm enn fwa pou tou. Ki parey i pe dir *next time* ler mon vin dan Lasanble, sa bann tel kekyon parey pa ganny repete. Mersi Mr Speaker.

MR SPEAKER

Mersi. Mon a termin deba la. E nou a vot lo Bidze Zidisyer. Sa Bidze ki nou pe vot lo la i lo paz 73 ziska 78, pou en Bidze total R80milyon 893 mil.

Manm ki an faver silvouple lev lanmen?

Mersi. Okenn ki kont?

Mersi Madanm Clerk. Bidze pou Departman *The Judiciary* paz 73 a 78, pou en total R80milyon 893mil in ganny 27 vot Pour, 0 vot kont, e 3 abstansyon.

Alor Lasanble in aprouv sa Bidze. Mon a dir zot mersi. Onorab Pillay vitman silvouple akoz nou pe *adjourn*.

HON SEBASTIEN PILLAY

Mersi Mr Chairmen. Mersi pou donn mwan permisyon pou fer sa. Vitman an traver ou lofis mon le sey rod klarifikasyon lo en size ki mon pe ganny mesaz lo la. I konsern bann dimoun ki ti sipoze *travel* lo en *chartered flight Air Seychelles* Lenn.

Me i paret poudir ki sa *flight* pa'n ganny sans dekole akoz *something regarding* permisyon. Atraver ou lofis mon ti a kontan demann en klarifikasyon lo ki pe arive. Ki prosedir ki pe ganny atame pou *sort out* sa size. Akoz i annan zanfan ladan aparaman ki bezwen tretman, *overseas treatment* ki ti pe *rely* lo sa *flight*. Mersi Mr Chairman.

MR SPEAKER

Mon a sey rod lesplikasyon pandan poz si mon kapab

gannyen. Nou'n a dir zot mersi e nou ava *adjourn* la pou 30 minit. Nou a rebran 11:05. Mersi.

(BREAK)

CONSTITUTIONAL APPOINTMENTS AUTHORITY

MR SPEAKER

Lo kestyon ki *Leader* Lopozisyon ti demande mon'n demann mon *staff* pou ganny klarifikasyon i pa ankor gannyen. Mon sizere ki manm piblik i telefonn *Air Seychelles* direkteman zot menm pou lemoman. Mersi nou pou al lo size Bidze pou *Constitutional Appointments Authority*. E dan lasal avek nou ozordi pou sa peryod, nou annan Mr Michel Felix *Chairperson*, e Mr Iqbal Ebrahim *Executive Secretary*.

Alor Bidze ki nou pe pran *Constitutional Appointments Authority*. paz 98 ziska 100 e pou en Bidze R1milyon 719 mil. *Chairman* Felix, ou a konmans ou lentrodiksyon Onorab Pillay wi ki pwen?

HON SEBASTIEN PILLAY

Mr Speaker pa lo en pwen me selman lo en lo sa ki ou'n dir mon krwar rezon akoz bann dimoun pe kontakte bann Manm Lasanble se zisteman

akoz zot pa ti pe ganny sa *feedback from Air Seychelles*.

MR SPEAKER

Nou osi nou pe ganny menm difikilte.

HON SEBASTIEN PILLAY

So fotespere nou kontinyen pouse pou nou kapab ganny sa *feedback*.

MR SPEAKER

Nou pe ganny menm difikilte. Mersi Onorab. *Chairman, Chairperson* ou a fer ou lentrodiksyon pou Bidze.

CHAIRPERSON - CAA - MICHEL FELIX

Mr Chairman e tou Manm Lasanble bonzour. Si mon a konmanse zis pou mon dir *Constitutional CAA* an prensip Lapwentman Konstitisyonnèl ti ganny etabli an 1993 anba Konstitisyon.

E anba sa Konstitisyon CAA dan son bann performans i annan son lendepandans i pa pou anba okenn direksyon kontrol ek Lotorite okenn dimoun.

En manm ki kapab ganny apwente i ganny mete anba Lartik 141, e okenn sitwayen Seselwa avek ki dan Zidisyer ouswa nenport dimoun ki annan lentegrite enparsyalite

ki'n servi lofis dan Gouvernman ouswa anba sa Konstitisyon dan en profesyon menm avokasyon.

Anba Lartik 142 Konstitisyon CAA i kapab fer son prop regilasyon - son prosedir ek regilasyon. Son fonksyon i fer bann propozisyon bann kandida anba Konstitisyon, pou bann *Constitutional Appointees* ki Prezidan i apwente.

Aprè son lot fonksyon se ki i konsider bann i konsider en deliber lo konplent ki ganny anmenn kot li anba Lartik 134 ek 165. Prezan nou Bidze ki nou'n fer ki nou'n prezante pou sonm R1milyon 719mil i annan en rediksyon 126mil *net* lo lannen presedan ki ti 1milyon 845 mil apre ki i ti'n revize. Mon pa konnen si mon ava aret la apre mon a pran kestyon.

MR SPEAKER

I a byen Onorab *Chairperson*. Nou pou annan 45 minit pou sa peryod la e de *Leaders* i kapab asire ki si zot pa'n pas zot kestyon, mon a rezerv detruwa minit a lafen pou zot. Nou a konmans avek Onorab Henrie.

HON GERVAIS HENRIE

Mersi Mr Chair. Bonzour tou dimoun. Mr Chair mon kestyon i konsern premyerman dan zot

priorite stratezik 2021 – 23, sa premye *statement* ki zot in mete sa. Apre i anliny avek zot endikater performans lo latab 3, i sa tour i mon kiryozi en pe. Pou la senp rezon ki dan mon larepons lo SONA e dan mon larepons lo Bidze, mon ti koz bokou lo *public service*. E mon annan en problem mon avek *public service*, akoz *delay* pou reponn sa bann keksoz ki ganny anmenn kot zot par bann *constituent* ki mon reprezante, e souvandfwa mon vwar mon pe tay deryer zot pou bann senp pti keksoz.

So prezan zot, zot in met bann sa de keksoz la i vreman ankourazan. Akoz zot *set* zot lekor dan en dele letan, pou fer en latas ki zot annan pou fer.

E mon anvi zot eksplik nou en pe zot rezondet pou fer sa, konman en mezir zot performans. E ki ava probableman ankouraz lezot ki pe ekoute dan servis piblik sirtou pou *sorry* pou pran sa lapros. Mersi bokou.

MR SPEAKER

Mersi Onorab. *Chairman*.

CHAIRPERSON - CAA - MICHEL FELIX

Donn en legzanp bann en lapwentman ki nou fer. Nou pe aktyelman fer lapwentman Ziz

pou Lakour Siprenm an se moman la.

Son prose i ase long. Ler i annan en *vacancy* pou Lakour Siprenm, nou ganny dir poudir i annan en *vacancy* konman sa prose. I pran en pe letan se ki nou bezwen pran en *advert* mete pou 30 zour, pou donn ase letan tou bann dimoun ki enterese e ki kalifye pou fer sa aplikasyon.

Anmezir sa bann aplikasyon i antre, nou bezwen get tou sa bann dokiman si i byen *according to* nou reg ki nou'n met an plas. Ler tou sa bann dokiman nou'n vwar in byen in fini, kekfw i annan de pozisyon nou ganny apepre en ven tenn aplikasyon.

Nou pran tou sa dokiman prezan nou anvoy tou kot Lakour Siprenm, nou anvoy kot *PCA* apre kot *Bar Association*. Pou zot get tou sa bann dokiman, donn nou zot komanter lo la. 14 zour zot gannyen pou zot fer sa apre en mwan apre 14 zour.

Sa bann dokiman apre 14 zour i retourn kot nou ek komanter. Nou bezwen get tou sa dokiman. Prezan nou fer nou *shortlist*. Akoz nou pa kapab *interview* tou dimoun.

Apre ki nou'n fer sa *shortlist within 7 days*, nou'n konnen lekel nou pran sa

lenformasyon nou fer konnen *PCA, Supreme Court and Bar Association* poudir *this is the shortlist* ki zot ti'n deza gannnen.

Apre sa nou, nou konmans fer aranz bann *interview* annan ler i annan bann dimoun *overseas* ki ladan ki'n *apply*. Nou bezwen aranz *interview* ki pou 9 dimoun nou fer li *over 3 days*.

Ler sa bann *interviews* in fini, prezan nou asize tou dimoun i bezwen vini nou asize nou fer en *selection report* nou deside *which is the appropriate candidate*, pou al sa plas. Sa deza i fini pran 2 mwan savedir en lapwentman en Ziz i pran ou en 2 mwan pou fer.

MR SPEAKER

Tre byen. Onorab Henrie ou pe swiv?

HON GERVAIS HENRIE

Wi, mersi pou ou lesplikasyon Mr Felix. Me solman sa ki mwan mon ti pe demann ou spesifikman se aköz zot, zot in vwar li nesese ki zot donn zot lekor sa dele letan, pou zot azir lo en aksyon ki devan zot?

Ou vwar dan ou priyorite stratezi ou'n dir ou pou donn en larepons lo en *email* ouswa en let dan 24 erdtan. E mon enterese aköz zot in vwar sa

lapros, aköz parey mon pe dir ou mon problem ozordi avek *public service* se ki zot tarde pou azir. So aköz zot in vwar li sa i enportan? Mersi.

MR SPEAKER

Mersi Onorab. *Chairman*.

CHAIRPERSON - CAA - MICHEL FELIX

Wi Onorab i enportan aköz ler en dimoun in anvoy en mesaz in demann ou keksoz ou bezwen reponn li. Mwan personnelman mon vin dan lofis *every single day* - toulezour. Kantmenm mon en *Chairman*. E mon fer sir mon bann *mail* i ganny lir e si i annan aksyon pou fer mon pas avek sekreter mon fer li fer.

I enportan aköz mon konnen bokou dimoun ler zot fer bann sa apre zot pe esper en mwan de mwan pa ganny larepons, apre i vin en problem, zot vini zot kritik ou. Nou pa bezwen sa nou. Nou pa bezwen ganny sa bann zafer koumsa nou.

MR SPEAKER

Mersi *Chairman*. Nou ava al lot Onorab Labonte.

HON ANDY LABONTE

Mersi Mr Speaker. Bonzour Mr Felix avek Mr Ebrahim avek *PS Thesee*. Bon parey nou kapab

vwar poudir zot Bidze li menm i pa en gro Bidze, i annan en rediksyon par 126mil parey ou'n dir ou menm ou. Me selman ki mon ti le ganny en leklersisman ler mon pe get lo '*transport and travel cost*' i annan en pti ogmantasyon lo la. Me selman an gro ler ou gete kote i annan rediksyon lo preski tou anba sa *heading*, me solman kot '*other transportation cost*' son total i 252 mil ki i deza *over* son *total transportation and travel cost* ki ti pou lannen presedan. Petet nou kapab ganny en klarifikasyon ki vremen sa akoz nou'n vwar poudir n ganny koup '*overseas airfares, charge for vehicles*' e kwa ki'n fer sa ogmantasyon ki tousala in tonm anba la?

E dezyenmman se ki nou osi vwar en rediksyon anba '*other uses of goods and services*,' kot '*government building and infrastructure*, petet ou kapab dir nou akoz sa rediksyon ki'n sorti 85mil pou vin 33mil ?

E an gro petet mon ti a kontan zis petet demande, parey mon'n vwar poudir kot '*current challenges*' ou'n dir poudir i annan en mank konesans de lapar piblik pou konnen ki vre rol CAA. Me selman anba ou '*strategic priorities*' mon'n vwar poudir

dernyen pwen lo la se ki ou pe travay lo la pou fer pou endik dimoun en pe ki vre rol CAA.

Petet dan ki fason ki ou pe mazin fer sa e kote anba Bidze ki petet sa in ganny kouver? Mersi.

MR SPEAKER

Mersi Onorab. Chairman.

CHAIRPERSON - CAA - MICHEL FELIX

Sorry pou sa ki konsern sa '*transportation cost*' an prensip i pa vremen en ogmantasyon akoz depi lannen pase sa *figure* ti'n ganny revize ki nou, nou ti vwar en nesesite ki bann *Board members* ti *bring forward to me*, pou mon latansyon pou dir travay ki zot pe fer i bokou plis ki oparavan. Se ki i annan bann tou bann lapwentman Konstitisyonnèl apre an 1917, '18, '19 i annan bann nouvo bann nouvo Komisyon ki ganny kree, e tousala i ganny anvoye kot CAA pou fer bann propozisyon pou lapwentman par Prezidan.

Be parey mon'n dir sa prose li osi i long e nou, nou bezwen nou'n bezwen *meet* depi 2017, '18, '19 omwen 2 a 3 fwa par mwan pou nou *deal* ek sa. *Sorry* pa par mwan. Nou'n *meet* preski tou le semenn.

Prezan la in redwir akoz laplipar keksoz pe vin an plas. Be in donn bokou plis travay pou fer ki bann dimoun in bezwen monte desann vin lir papye. Parey mon fek dir lapwentman Ziz i pran bokou plis letan e i annan bokou, bokou dokiman, pou bezwen asize lir pou fer sir i ganny sa bann keksoz i ganny fer dan sa *prescribed time*.

Be nou, nou pa'n fer sa zafer transportasyon. Nou'n fer reprezantasyon dan Lofis Prezidan, pou nou eksplike e zot ti dakor ki nou kapab fer sa *subject* ki dan nou Bidze i annan lespas pou fer sa.

Prezan an se ki konsern '*uses of goods and services,*' sa *government building and infrastructure*' nou ti pou apwent anploy en dimoun *full-time* pou travay dan lofis konman en *cleaner full-time*.

Aprè nou'n deside nou'n vwar poudir i napa en nesesite nou a kit li *full-time* se pou kwa sa in desann nou'n fer redwir par sa, i pa nou pa pou bezwen, i pa enportan.

E lo se ki konsern '*rent,*' '*rent*' definitivman akoz i annan en lanons ki'n dir sey fer desann par 5poursan. Nou'n fini koz avek *the landlord* e nou'n ekrir let nou pe atann en larepons. *I hope* ki nou kapab

ganny en bon mezir. Sel keksoz se ki sa *rent* oparavan lannen avan i ti anler, akoz nou ti prezimen apre 3an i ti pou annan en *increase*, me solman i pa'n arive ki i annan sa *increase* nou pa'n bezwen fer sa.

An se ki konsern *knowledge about the CAA*, i vre pandan bokou, bokou letan bokou dimoun pa konnen ki CAA i fer. E nou nou'n pran en desizyon apre bann sa ki nou pou bezwen konmans fer met dan bann zournal poudir CAA i egziste. Nou annan en *website* ki nou met tou nou keksoz lo la si dimoun i anvi al regarde i pou konn tou keksoz *about CAA* tou keksoz ki annan *about CAA* depi son kreasyon, son bann lartik son bann *regulation and rules*, tou i la. Mon pa konnen si mon'n reponn tou ou kestyon.

MR SPEAKER

Oule klarifikasyon Onorab Labonte?

HON ANDY LABONTE

Yes Mr Chairman mon santi poudir mon premye kestyon i pa'n ganny reponn direk dan term Kreol senp, nou vwar poudir anba '*transportation and travel cost*' i annan *fuel vehicle fuel for vehicle* ki ti 17 mil non, non wi 17 mil in vin in redwir

15mil, *overseas airfare* i ti 50 mil i napa i zero. *Charge for vehicle* ti 3mil i zero, *overseas subsistences allowance* ti 50 mil i zero.

Be anba *other transportation cost* i ti 84 mil in vin 252mil. Dan term Kreol senp kwa vreman sa 252 mil? Mersi.

MR SPEAKER

Mersi Onorab. *Chairman* mon krwar sa pwen i spesifikman sa enn dernyen pwen. Sa *increase*.

CHAIRPERSON - CAA - MICHEL FELIX

Wi sa *allowance 'other transportation cost'* i en *allowance* ki donnen pou tou manm. ki i ariv sa sonm koumsa. 4 manm i R3500 par mwan sakenn, apre *Chairman* i 5000 i fer 21mil par mwan i 252 mil pou 1an.

MR SPEAKER

Tre byen. Onorab ou *ok*? Mersi. Nou a kontinyen. Onorab Michel Roucou.

HON MICHEL ROUCOU

Mersi Mr Chair. Mr Felix bonzour avek ou koleg ou delegasyon. Mr Chair mon kestyon Onorab Labonte in demande, selman mon pou

redemann Mr Felix lo sanmenm sa kestyon, lo kote al ver piblik pou fer konnen ki vre rol CAA ou dir poudir zot pe ganny difikilte lo la. Be selman mon'n al get en pti pe lo zot *website*, mon'n vwar poudir lo zot *website* i eksplik vreman byen zot rol lekel zot bann manm, ki bann keksoz zot *deal* avek, bann Lalwa ki zot ganny gouvrenen anba la.

Me selman eksplik nou en pti pe ki zot pe mazin fer an plis ki sa, pou zot kapab edik Lepep Seselwa lo rol CAA? Eski zot pe mazin atraver medya ki zot pe mazin fer pou piblik konnen li menm li? Mersi.

MR SPEAKER

Mersi Onorab. *Chairman*.

CHAIRPERSON - CAA - MICHEL FELIX

Mersi Onorab. Mon'n toultan remarke dan Sesel ki nou dir medya i la. Me medya osi i annan en rol i devret zwe. Zot kontan dimoun i anmenn tou lenformasyon devan zot pou zot ekrire. Zot toultan fer sa. Be sa medya li osi i kapab lo sa *website*, get sa lenformasyon ekrire keksoz, edik Seselwa en pti pe. Akoz zot pa le fer sa. Zot le ou anmenn manze lo zot lasyet pou zot manze. Ki pa normal. I pa byen.

(laughter)

CHAIRPERSON - CAA - MICHEL FELIX

Me selman nou ki nou pou fer nou pou konmans fer en *series of leaflets pamphlets*, ki nou kapab sey sirkile met en pti pe dan *NASYON* dan bann *newspapers*, ki pou nobou ariv sa bann lenformasyon i ariv kot bann Seselwa an zeneral. E i en proze ki petet nou ava konmans get sa *during the course of this year*.

MR SPEAKER

Mersi *Chairman*. Onorab Ghislain.

HON CHANTAL GHISLAIN

Bonzour tou dimoun. Mersi Mr Speaker. Bonzour tou dimoun. Mr Speaker Mr Felix dan son prezantasyon in koz lo lendepandans CAA. Mon kestyon i eski sa Bidze i permet zot kapab osi fer bann bon resers, lo bann dimoun ki pou ki ganny prezant zot kandidatur devan zot, pou fer sir pou okenn bann pos Konstitisyonnèl? Pou fer sir ki sa bann kandida i vremen endepandan e ki zot napa okenn latasman politik avek zot. E ki zot kapab osi desarz zot responsabilite pou ki zot osi zot kapab vin obzektif

enparsyal e osi avek lentegrite bann mo ki Mr Felix in servi.

E mon dezyenm kestyon i an se ki konsern transpor, eski CAA konman en antite ki ganny zot osi zot bann manm i bann dimoun ki Konstitisyonnèl, eski i annan okenn transpor ki zot ki Gouvernman i donn zot, loto? Eski zot a ganny sa loto ki Gouvernman i ofer zot osi? Mersi Mr Speaker.

MR SPEAKER

Mersi Onorab. *Chairman*.

CHAIRPERSON - CAA - MICHEL FELIX

Mersi Onorab. Ler nou fer sorti bann *advert*, i annan son *job description* pou tou dimoun. E bokou fwa nou ganny bokou difikilte pou dimoun *apply* akoz zot pa santi ki zot kapab *meet* san bann kriter.

Nou, nou toultan kit *advert* la. Bokou i *apply* zot vini nou fer bann *interrogation*, me selman nou rod referans lo sa bann dimoun tou letan, pou fer sir poudir zot dimoun lentegrite. E akoz si nou ganny bann referans ki en pti pe advers, nou bezwen pran sa konsiderasyon avan ki sa bann dimoun i ganny apwente.

Lo se ki konsern zot pozisyon politik, mon pa kapab al demann en kestyon nenport

sa bann kandida ki parti ou siporte, akoz i pa dan nou lareg pou nou fer sa. Nou pa pou kapab fer sa. Akoz CAA mon dan mon lopinyon i *apolitical* i napa nanryen pou fer ek bann politik ki par deor.

Lo kestryon transpor, i annan en transpor ki *available* pou ganny servi par sekretarya e pa pou bann manm servi sa loto. Zot pa kapab vin servi sa loto ki la i zis la pou sekretarya.

Sa loto ti ganny aste an 2018 e mon kapab dir zot son *mileage* pou lemoman i zis 3000 kilomet ki'n ganny servi pandan sa peryod. I pa pou bann manm servi sa loto, i pa, *it's get nothing to do with them*, se pou sekretarya servi, pou li servi fonksyon.

MR SPEAKER

Mersi Mr Chairman. Nou a kontinyen Onorab Andre.

HON CLIFFORD ANDRE

Mersi Mr Chair. Mr Chair letan mon gete parey *Chairman* in dir in annan en rediksyon dan zot Bidze, me selman in annan en logmantasyon dan saler. Si i kapab saler in sorti 574 in vin 627, so *in sorti* 574 mil i vin 627. Sa i enn.

Apre mon konnen Mr Felix in dir ki poudir zot pe travay lo edik pep Seselwa lo zot rol. Me

eski dan sa konteks zot pe osi edik bann dimoun lo kalite konplent ki zot kapab met anndan? E eski zot ozordi zot annan konplent ki *outstanding* lo bann dimoun ki ti pe okip bann pos Konstitisyonnèl, e ki'n fini sorti dan sa pos Konstitisyonnèl e akoz sa bann *case* pa'n ganny adrese e kan i pou ganny adrese? Mersi.

MR SPEAKER

Mersi Onorab. *Chairman*.

CHAIRPERSON - CAA - MICHEL FELIX

Premye pwen, senpleman i annan en travayer ki ti travay dan bann zafer finans, i pe pran son retret e son konpansasyon R93 mil pou li ganny peye. I zis en *one-off* apre Bidze i pou retourn son soz normal.

An se ki konsern konplent, nou'n ganny detrwa konplent dan lannen presedans, se ki nou'n *deal* avek o sitan ki posib ki nou devret fer. Bokou bann konplent ki'n anmenn kot nou ki'n vini an ekrir annan an personn, zot pe fer konplent lo bann zizman ki'n ganny donner Ankour. Be nou, nou pa pe kapab al fer okenn naryen konsernen sa bann konplent. Akoz si en zizman in ganny donner ou pa dakor avek, ou

annan zis pou al kot Lakour D'Apel pou al met ou ka laba.

Si sa i ganny egzoste apre ou *still* pa dakor, *then* nou pou re regard li dan en lot konteks se ki si i vreman bezwen ki nou *proceed* dapre nou lareg ki la son *process* i bezwen fer. Akoz dan Lalwa pou zafer konplent *and removal of Judges* i en keksoz en pti pe konplike, dan lesans se ki i pa i napa en ase lespas poudir ou kapab fer sa, sa, sa. I dir ou, ou kapab apwent en Tribinal apre ki ou'n sa i pa dan ou lespas poudir ou kapab fer en sanksyon fer en lot keksoz en lot keksoz.

Petet dan lefitir si sa Konstitisyon i ganny amande, i kapab *broaden* sa soz en pti pe pou nobou donn ou sa soz pou nou *deal* en pti pe pli byen ki sa.

MR SPEAKER

Mr *Chairman*, mersi. Onorab Gabriel.

HON CONRAD GABRIEL

Mersi Mr Speaker. Mon ti a zis kontan demann Mr Felix petet si zot ganny vi ki zot ki apwent bann dimoun. Si zot ganny plis ki en kandida eski zot pou tou le de zot pou konsiderasyon? E lekel lorganizasyon ki get kredibilite sa bann kandida?

E an pasan mon a zis refer lo kestyon Onorab English

River ou'n nonm dan '*other transportation cost*' i annan en *allowance* 250mil petet Mr Thesee ti a elabor nou e dir sipoze *allowance* petet ti a bon i dan '*wages and salaries*' pa konnen. Zis gid mwan silvouple? Mersi.

MR SPEAKER

Mersi Onorab. *Chairman*.

CHAIRPERSON - CAA - MICHEL FELIX

Eskiz mon *ok*. Ou pa kapab sey dir mon sa premye kestyon si ou pa *mind*.

MR SPEAKER

Oule repet premye kestyon Onorab?

HON CONRAD GABRIEL

Yes lefe ki zot fer apwentman Konstitisyonnel, eski si zot ganny plis ki en endividi ki *reply* pou sa pos, eski zot konsider tou le de?

Epi lekel ki get kredibilite sa bann dimoun ki zot pe apwente? Mersi.

MR SPEAKER

Mersi Onorab. *Chairman*?

CHAIRPERSON - CAA - MICHEL FELIX

Ok mersi. Parey mon'n dir *the process* ki nou fer ler nou ganny

bann aplikasyon, i bokou plis ki de dimoun ki nou sa nou, nou *interview* 4, 5, 6 dimoun pou en post. Prezan nou asize nou bezwen regarde lekel ladan ki pli, *meet* nou *requirements*.

Be ler nou pe fer sa bann *vettings* sa bann kandida nou'n deza pe fer, nou bezwen rod i depan ki pos nou rod bann referans lo sa bann dimoun.

E nou fer sir sa bann referans zot donn nou bann non nou, nou menm nou al rod referans pou nou gete pou fer sir poudir sa i sa. E apre nou fer deliberasyon nou gete lekel kandida pli apropiye, ki ganny ki nou fer sa propozisyon kot Prezidan.

MR SPEAKER

Tre byen. Mon krwar son dezyenm pwen ti lo *transportation* ankor.

CHAIRPERSON - CAA - MICHEL FELIX

Well 'transportation cost' mon'n dir taler mon'n eksplike poudir pou bann manm, e sa nou ti rod lotorizasyon through Biro Prezidan, Former President, Office pou laprouvasyon.

MR SPEAKER

Tre byen. Mersi *Chairman*. Onorab oule klarifikasyon kwa?

HON CONRAD GABRIEL

Yes Mr Speaker, petet Mr Thesee ti a kapab elabor lo la en pti pe i 250mil i ti dir i pou *allowance*. So eski i pa ti sipoze *feature* anba '*wages and salaries?*' Petet, mersi.

MR SPEAKER

Mersi Onorab. Wi *Chairman*.

PS DAMIEN THESEE

Permet mwan Mr Chair.

MR SPEAKER

Wi, wi *PS*.

PS DAMIEN THESEE

Bann manm dan *Constitutional Appointment Authority* zot ganny peye anba seksyon 5 zot. Apre zot *Constitutional Appointees*.

Wages ki nou pe vwar la se pou administre Bidze sa lofis, savedir son bann *technical post*. Sa *allowance* anba son' *goods transportation cost*' i pe ganny peye pou sa bann manm. So i vin en *recurrent expenditure* i pa lo son saler. Akoz i *allowance* an plis ki son *Act* i *dictate*. Mersi.

MR SPEAKER

Mersi *PS*. Onorab Cosgrow.

HON WALLACE COSGROW

Mersi Mr Chairman. Mr Chairman CAA i en lorganizasyon ki ganny konstitye dan nou Konstitisyon. I en lorganizasyon tre, tre enportan e zot apwent bann, pozisyon tre enportan anba nou Konstitisyon.

Taler Mr Felix in dir ki poudir CAA *apolitical*, mon vwar li difisil pou kapab separ sa politik avek louvraz CAA, an prenon kont ki lapwentman Manm CAA 5 an tou, i ganny fer par Prezidan ki dan en parti politik e *Leader* Lopozisyon ki dan en lot parti politik. Petet an terori zot *apolitical*, me mon vwar li difisil pou separ sa.

Alors mon kestyon ki mannyer, eski zot dan zot *practice* toulezour dan zot travay zot sey separ sa eleman politik? Ki bann *SOPs - System Operating Procedures* ki zot, zot annan pou kapab separ sa zafer politik?

Aprè ankor an term ledikasyon piblik petet eksplik en pti pe piblik ki zot fer? Akoz parey ou'n eksplike taler, ou dir letan en apwentman i vin kot zot, me eski zot esper zot lapwentman, demann apwentman ouswa zot annan bann louvraz toulezour ki zot fer ki kit *the Authority* bizi?

Aprè dernyen Mr Speaker, lekel ki *oversee* ki annan

responsabilite *oversee* CAA? Eski i annan en *oversight* lo zot ki get zot bann *practice* ki mannyer zot fer? Eski sa bann pozisyon ki zot in fer i byen? Eski in ganny fer san konsiderasyon politik, e tou sa? Mersi.

MR SPEAKER

Mersi Onorab. *Chairman*.

CHAIRPERSON - CAA - MICHEL FELIX

Public education, e nou sipoze kefwaw nou bezwen fer en pti pe plis zefors, pou nou anmenn lenformasyon kot medya pou, pou nobou pas sa avek bann piblik pou zot konnen egzaktaman ki nou fer. I en pwen ki mon ava anmenn kot bann manm e nou travay lo la.

An se ki konsern zafer politik, par ou kestyon ki ou'n demande ou annan lenpresyon ki nou diskite politik dan biro CAA, ki i pa leka. I pa leka ditou. Fodre Konstitisyon i ganny sanze poudir sa 2 dimoun ki ganny apwente par Prezidan, e lot de dimoun ki ganny apwente par *Leader of the Opposition cannot be politically affiliated*.

Pou lemoman i zis mansyonnen poudir sakenn i apwent de dimoun. Mon pa kapab, Konstitisyon i koumsa.

MR SPEAKER

Yes Onorab mersi. Ou'n fini *Chairman*, akoz i annan en dernyen kestyon lo lekel ki *oversee* zot loperasyon?

CHAIRPERSON - CAA - MICHEL FELIX

Well of hand an prensip mon pa kapab dir ou. Selman mon konnen Oditer Zeneral i kapab tyek Finans sa mon konnen, be ...

MR SPEAKER

Savedir zot otononm. Napa ... ?

CHAIRPERSON - CAA - MICHEL FELIX

Mon pa kapab - Wi nou otononm definitivman nou otononm.

MR SPEAKER

Mersi klarifikasyon Onorab Cosgrow. Wi

HON WALLACE COSGROW

Wi Mr Speaker mersi. Rezon ki mon'n demann sa zafer politik. Akoz nou konnen in annan Manm lo CAA, ki nou vwar i direkteman afilye avek parti politik. E se sa ki mon'n demann sa kestyon.

(Interruption)

CHAIRPERSON - CAA - MICHEL FELIX

Non i enportan sa kestyon. I enportan sa kestyon. Kantmenm zot pou kriye lot kote. I enportan lendependans sa lenstitisyon i enn ki ganny ki devret ganny garanti, akoz zot apwent zot apwent bann pozisyon, bann pozisyon ki sitan enportan ek bann pozisyon kot par egzanp Ziz pa devret annan okenn *political conservation* dan zot bann zizman.

So se sa ki mon pe sey dir sa separasyon politik dan loubraz - *sorry* CAA, ki mon vwar li difisil pou zot vin *apolitical*. Akoz par egzanp la i annan Manm ki form parti politik. So se sa ki mon pe rode ki mannyer nou separ sa bann zafer. Mersi.

MR SPEAKER

Silvouple nou a les Onorab demann son kestyon silvouple. Onorab *yes* mon krwar nou'n konpran *Chairman* ou a pare?

CHAIRPERSON - CAA - MICHEL FELIX

Difisil pou mon reponn sa kestyon akoz ler nou pran desizyon lo nenport keksoz ki ganny fer, nou ganny nou fer sir bann desizyon i *unanimous*.

E tou le 4 manm i dakor pou bann desizyon ki ganny pran. E mon pa krwar mon pa kapab konpran kote politik i vini. Mon konpran ki ou pe sey dir me solman, *until such time* ki sa lpolitik i ganny sanze dan Konstitisyon ki dir pa met dimoun politik pa apwent bann dimoun ki afilye ek politik fodre sa i ganny sanze. *And then* petet sa bann kestyon pa ava *crop up*. Mon krwar dan mon lopinyon.

MR SPEAKER

Mersi *Chairman*. Wi Onorab LOTO avek LGB, zot bezwen sinyalman si zot annan kestyon, koumsa mon a donn zot. Me selman la pou lemoman mon a pas dernyen kestyon avek Onorab Uranie, apre ou a vin lo *Leader* Lopozisyon.

HON ROCKY URANIE

Mersi Mr Chairman. Mr Felix akoz CAA ler i konsider bann aplikan pou bann pos Konstitisyonnèl, zot konsider plis bann aplikan aze zot, tant pou defavoriz bann zenn profesyonnel? Mersi.

MR SPEAKER

Mersi. *Chairman*.

CHAIRPERSON - CAA - MICHEL FELIX

Mersi pou ou kestyon. Petet i ti a bon ou donn enn de ka, selman avan mon al lo la mon a dir si sa bann zenn dimoun pa *apply* pou sa bann pos, nou pa kapab ganny apwente.

(laughter)

CHAIRPERSON - CAA - MICHEL FELIX

Akoz i difisil pou bokou dimoun pa zot, mon pa konnen si zot annan en lafreyer pou *apply*, me selman i pa vedir ki zot pa kapab ganny apwente. Me zot pa *apply*.

Apre i annan ki *apply - they don't* i annan ki *apply*. Mon pa - i pa vreman leka. Se ki petet kriter pa ganny *met*.

MR SPEAKER

Mersi *Chairman*. LGB ou annan kestyon avan mon fini avek LOTO?

HON BERNARD GEORGES

Mon ti anv mersi Mr Chair. Mr Chair mon pa ti ou pran laparol, pou bann rezon ki zot ki evidan, akoz mon madanm i en manm lo CAA.

Me san al dan okenn polemic, mon krwar kekfwa ti ava enportan pou mon met devan *Chairman* pou vwar si i dakor avek mon.

Akoz sa size i en size delika. E tanzantan i souleve menm par bann dimoun ki ti zot menm zot drafte sa Konstitisyon.

E i kler ki CAA e mon toutafe dakor avek tou bann tou sa ki'n ki son bann manm i ganny apwente par de politisyen, i pou annan en persepsyon ki pou annan en *link* en lyen politik.

Me fodre nou regard son konteks Prezidan Larepublik i osi i en politisyen. Me ler i Sef Deta i *rise above* son parti *politics* e nou'n vwar sa e nou konnen ki i kapab arive. E i arive dan bann pei.

Sa ki nou fodre realize, se ki sa Konstitisyon ti ganny drafte par de parti politik. Ganny *lead* par de zonm, ki ti konnen ki enn zot ti pou vin Prezidan e lot ti pou vin *Leader* Lopoziyon. Sa ti kler.

E zot in drafte, en Konstitisyon pou sibvenir a zot dezir. E se pou sa rezon ki zot in fer sa, akoz zot ti anvi annan en kontrol lo lapwentman bann Ziz prensipalman. E sa i pa en keksoz nouvo ki mon pe dir.

E pandan tou sa bann lannen okenn sa bann Prezidan ki'n la, pa'n zanmen anmenn en lamannman pou sanz sa Konstitisyon dan sa fason. Pou

fer annan en lot fason pli *quote unquote*'endepandan.'

E zot pa'n fer sa ekspre akoz i ti marse pou zot, *it worked for them* alor se pou sa rezon ki zot in gard sa CAA.

E ozordi wi i kler e mon ava dir zot akoz. Mon ava donn zot mon pa ti pou al donn legzanp, me mon a donn zot legzanp.

Premye *Chairman* CAA ti Mr France Bonte ki ti non selman en manm *CC Member*, me i ti en Ziz i ti Avoka ki ti pe *appear* devan Ziz. Ti arive sa.

E fason ki in ganny fer, sa CAA se ki si sa manm sa lepok ti annan 3 la prezan i annan 5 si sa manm ki ti'n ganny apwente par Prezidan, ek sa manm ki ti'n ganny apwente par *Leader* Lopoziyon pa ti'n tonm dakor lo *Chairman*, se Prezidan Larepublik ki ti pou apwent *Chairman*.

E toultan i ti 2 kont 1 an faver *SPPF/ SPUP/ Parti Lepep*. Toultan. E sa ki ti *worse* se ki e nou, nou konnen, nou bann dimoun ki ti travay avek, se ki Prezidan Larepublik ki ti soufle avek CAA lo lekel i ti a kontan ganny apwente e CAA ti apwente.

Sa se pa bann keksoz ki nou pe evante. E nou pa anvi retourn an aryer. Me selman mon krwar dan konteks

politizasyon dan CAA nou bezwen konnen kote CAA i sorti, e la mon bezwen donn kredi a Prezidan Danny Faure.

Akoz se li ki'n *channel* en lamannman, pou fer sorti 3 pou vin 5, pou tir bann dimoun ki ti la avan e pou fer ki sa nouvo CAA ti ava rekonmanse anba *at least* en *Chairman* ki mon krwar personn pa kapab montre ledwa, pou dir ki li i annan en afilyasyon politik oubyen en lot.

E tousala i ganny rezimen; tousala i ganny rezimen dan parol Sef Ziz aktyel, zour i ti ganny sermante *State House*. Sef Ziz Govinden ti dir sa parol. I ti dir "Msye Prezidan sak fwa ki mon'n fer en *case* mon'n fer en *case* kont ou. Sak fwa ti annan en *case* devan Lakour, mwan mon ti azir kont ou. E mon ti ava' – (atan ki *Attorney Zeneral* avan.)

E mon ti ava konpran si ler CAA ti anvoy mon nominasyon devan ou, ou ti'n dir non anvoy mwan en lot non. Me ou pa'n, ou'n swiv konsiny CAA."

E mon krwar sa parol i montre egzakteman ki mannyer CAA in *evolve* e ki mannyer dan lespri dimoun ki anvi servi zot lespri zot vwar ki napa okenn mannev politik, ni dan CAA ni dan lapwentman. Me kan keksoz i ganny fer parey i ti

devret dan en pei Souvren e demokratik. Mersi Mr Chair.

(APPLAUSE)

MR SPEAKER

Mersi. Onorab *Leader* Lopozisyon ou kapab antre la.

HON SEBASTIEN PILLAY

Mersi Mr Chairman. Mr Chairman, mon koleg *LGB* lo lot kote latab, tou konman sa bon Avoka ki i ete in fer tou lemeyer tou le posibil pou li fer meyer largiman pli elokan ki'n kapab fer.

Me larealite i devan nou e Konstitisyon i la devan mwan. *Ok?* Mr Felix mwan mon vwar li inakseptab, ler ou dir nou poudir ou pa kapab reponn kestyon Onorab Loze si ou konman *Chairman CAA*, ou kapab montre ou enparsyalite aköz ki tou Manm CAA pa kapab fer parey?

Akoz ki i annan manm CAA ki li i pou bezwen akt dan en kapasite politik, dan tou moman politik ki kapab gannnen, e ki larestan ou bann Manm pa bezwen fer li? Sa mon krwar i en kestyon ki depan lo CAA li menm, se ki Onorab Loze ti pe dir ou - Onorab Cosgrow ti pe dir, ki ou bezwen annan en serten *SOP*. Aköz Konstitisyon i kler lo la. I dir ou koumsa 141

(B) “*is of proven integrity and impartiality.*” Savedir up to CAA to stretch on the impartiality. Sa dimoun in fini ganny apwente li. Kestyon se ki mon pa pou kapab *revoke* son lapwentman - i pou 7an.

Me selman ler i ganny apwente nou bezwen dir be gete mon ser mon frer ou ganny apwente la ou bezwen fer parey mon. Si i annan *PPB* laba reste an deor *PPB* akoz i donn en move limaz lo mon lorganizasyon.

Prezan si nou swiv Konstitisyon Mr Speaker, e pou benefis *Chairman*, ou vwar ou Konstitisyon malgre nou koz lo in ganny ekrir par de zonm, Konstitisyon pa bet ditou, nou Konstitisyon i malen.

Ou konnen akoz i malen? Akoz i fer kler kote enparsyalite i bezwen vini. Ou konnen ler nou dir par egzanp Lofis Speaker i bezwen enparsyal. Mon pa pe refer lo Speaker Mancienne, mon pe refer lo Lofis Speaker.

Ou konnen akoz i dir ou Lofis Speaker i bezwen enparsyal? Akoz la i dir ou koumsa poudir ‘kot *Leader* Lopozisyon’ e Onorab Georges pa’n dir nou sa bout ‘kot *Leader* Lopozisyon e Prezidan pa apwent en manm’ ou konnen

lekel ki apwent manm CAA? Se Lasanble Nasyonal, e Speaker.

E se pou sa rezon ki enportan ki sa lofis i reste enparsyal, e non atase avek okenn parti politik, akoz zisteman pou asire ki Lartik 141 i ganny zwenn.

(APPLAUSE)

HON SEBASTIEN PILLAY

Se sa lesansyel ki devan nou. So nou pa kapab fer tou bann leloz politik e koz lo lepase. Si en keksoz ti mal yer i pa pou byen ozordi. Sa ki devret vin nou *mantra*.

Nou, nou pa pe kestyonn ou enparsyalite Mr Felix, e mwan mon pe kestyonn ou, ou enparsyalite lo ou pwennvi personnel. Pou mwan sa ki mon pe demann ou se ki pouvwar i la.

So sa mon krwar i devret reste baz ki nou konsider okenn largiman CAA i enportan. San en CAA nou pa kapab apwent Ziz, nou pa kapab apwent en *Chairman SBC*, nou pa kapab apwent plizyer lezot apwentman, ki nou’n santi ki plito met li dan lanmen en lenstitisyon enparsyal, i ava donn nou bann apwentman ki anmenn serten enparsyalite dan aksyon sa bann antite i fer.

So ou Bidze i enportan pou nou. Me en kestyon ki'n monte ki petet ou pa'n reponn Mr *Chairman* ki mon ti a kontan met devan ou.

To souvandfwa nou vwar ki lapwentman i ganny fer lo baz en kandida ki ganny anvoye avek Prezidan Larepublik. Me Lalwa parfwa i kler i dir *“from candidates propose by the CAA.”*

Petet sey dir nou, si i posib akoz, oubyen ki bann kontrent ki zot rankontre dan en fason pli senp posib, pou zot kapab prezant petet 3 kandida, pou en post avek Prezidan. *What is the constraints* ki zot, zot rankontre ki ava montre nou petet kote ki nou annan defayans akoz par egzans pou SBC, SBC mon vwar in met *“from 3 candidates”* i dir *‘the Chairperson Vice-Chairperson and one member shall be appointed by the President.’*

E CAA li *shall be consideration from 3 candidates for each category proposed by the Constitutional Appointments Authority.* “

So i annan serten Lalwa nou'n met li dan Lalwa pou prezant plizyer kandida. So petet dir nou ki kontrent relman ou rankontre, e kote ou santi konman *Chairman CAA* avek ou leksperyans ki i

neseser ki nou annan zis en kandida ki ganny prezante pou apwentman. Mersi Mr *Chairman*.

MR SPEAKER

Chairman mon pe envit ou donn ou kontribisyon dan sa deba.

CHAIRPERSON - CAA - MICHEL FELIX

Me lo sa kestyon politik ankor, se ki mon pran not ou pwen ki mon a sey bezwen anmenn devan Komite pou diskit en pti pe sa konsern. *And then indeed I'll get back to you on that one?* Si i neseser. En lot pwen ki ou'n *raise*.

MR SPEAKER

Wi ou kapab repete. Onorab Pillay.

HON SEBASTIEN PILLAY

Mersi Mr *Chairman*. Mr *Chairman* ki nou'n vwar nou pe bezwen fer konman Lasanble, se *legislate* lakantite kandida ki ou prezant avek Prezidan.

Mon'n toultan konsernen *whether* i annan en kontrent, ki pa permet zot prezant plis ki en kandida or eski i posib pou zot prezant plizyer kandida?

So petet sey dir nou akoz swa nou pou *legislate* li *from now on*, swa nou konpran *from* perspektiv CAA akoz zot bezwen

fer li koumsa. Mersi Mr
Chairman

MR SPEAKER

Mersi *Chairman*.

**CHAIRPERSON - CAA -
MICHEL FELIX**

Ok mon'n vwar ou'n sit *SBC*. Be si ou get pou *Human Rights Commission*, dan son *Act* i dir nou, nou'n bezwen fodre nou donn 3 non, pou sak *Act* pozisyon. E sa nou'n, nou'n seye fer nou'n dan 15 dimoun nou ti nobou anvoy 12. Solman an menm tan dan sa 12 dimoun la nou bezwen donn li - nou fer nou pozisyon dan kwa ki nou krwar lekel ki devret ganny apwente premye, dezyenm ou trwazyenm. Sa nou fer e nou anvoy sa kot Prezidan li ki deside apre.

Be i annan enn de ka oparavan osi ki nou'n fer nou'n anvoy en non ouswa de non. Be ler ou fer detrwa non ou anvoye la, ou dir premye, dezyenm trwazyenm Prezidan i kapab swazir nenport ki i anvi pou li fer.

Dan sa Konstitisyon i mete '*from candidates*.' E mwan mon'n lir en lenterpretasyon ki sa in dir '*it can be read in the singular and the plural*.' Mwan mon krwar si mon'n koumsa i pa vedir ki ou

kapab anvoy zis en non osi. Ou'n lir en lenterpretasyon ki'n dir nou sa.

MR SPEAKER

Mersi. Mersi *Chairman*. Mersi pou ou kontribisyon. Mon napa okenn ankor enterven. Alor nou a vot lo sa Bidze pou *Constitutional Appointment Authority* ki lo paz 98 ziska 100 pou en total R1milyon 719.

Bann Manm ki an faver lev lanmen silvouple, mersi okenn ki kont? Mersi Madanm Clerk.

Bidze pou *Constitutional Appointment Authority* paz 98 ziska 100 en total R1milyon 719 mil in ganny 29 vot pour, 0 vot kont e 6 abstansyon. Alor Lasanble in aprouv sa Bidze.

Avan mon *dismiss* bann zofisye, mon a zis repas lo nou program nou'n al pti pe pli long lo sa sesyon lo sa peryod la, me i tonm byen. Akoz apre midi enn bann zofisye ki ti pou vini i pa kapab vini, alor nou'n *move* sa de sesyon ki reste. Sa de antite ki reste tou le de pou apre midi e nou a rebran 2er apre midi.

Alor mon a remersye *Chairman CAA* e son *Executive Secretary* pou zot prezans e *Chairman e PS Thesee of course* e mon a remersye zot pou zot kontribisyon. Alor nou a *adjourn*.

(BREAK)

ELECTORAL COMMISSION

MR SPEAKER

Bonn apre midi tou dimoun. Nou pe pran Bidze *Electoral Commission*, avek nou dan Lasanble i annan Mr Danny Lucas *Chairman Electoral Commission*, Mrs Manuella Amesbury, *Chief Electoral Officer*, Mrs Rose-Marie Richard *Finance Manager* e Mrs Lynn Bilal *Chief Registration Officer*.

Bidze pou *Electoral Commission* i lo paz 101 ziska 104 pou en total R12 milyon 30 mil. Mrs Amesbury oubyen *Chairman* ki pou fer prezantasyon, *Chairman* silvouple fer ou prezantasyon. *Yes go ahead Mr Chairman*.

CHAIRMAN - EC - DANNY LUCAS

Mr Speaker bonzour mersi. *Leader of the Opposition, Leader of the Government of Business*, tou Manm Onorab Manm Lasanble bonzour. Lasanble manda *Electoral Commission* i ganny konstitye anba Lartik 115, 116, 117 ek 118 Konstitisyon.

E anba Konstitisyon *Electoral Commission* i en *body* ki endepandan. I en *electoral*

management body. Ki konsernen avek fer sir konmkwa ki la demokrasi i ganny met an plas isi Sesel.

E sa prensipalman atraver Eleksyon Prezidansyel, Eleksyon Lasanble Nasyonal atraver fer bann *referendum* kot i neser.

E bann lot fonksyonman anba Konstitisyon se pou asire ki bann *electoral boundaries* i ganny definir e i ganny met annord e azour.

Osi anba nou manda, se pou fer sir ki rezis voter i ganny met annord e azour. E nou osi annan sa manda pou fer bann devwar konman *Registrar of Political Parties*.

Mr Speaker lendepandans *Electoral Commission* i garanti anba Lartik 115(2) e ki efektifman i vedir konmkwa ki dan performans nou bann devwar, nou pa *subject to* okenn direksyon ouswa kontrol lo okenn Lotorite.

Mr Speaker parey ou'n refer sorti, nou Bidze ki ou'n vwar nou'n in ganny propoze pou sa lannen se en Bidze R12.03 milyon lo lannen 2021. E sa Mr Speaker i montre en ogmantasyon 3.437 milyon konpare avek Bidze ki ou vwar ti ganny *allocated* avek *Electoral Commission* lannen 2020.

Mr Speaker zis pou fer resorti ki, tou sa bann ogmantasyon ki ou vwar nou pe koz lo la, i reprezant logmantasyon dan *rent* e osi dan bann peyman pou elektrisite. Mersi Mr Speaker. Mon krwar mon ava poz lanmenm la e donn Lasanble son loportinite pou li met kestyon lo sa Bidze ki devan nou Lasanble Nasyonal. Mersi Mr Speaker.

MR SPEAKER

Mersi Mr Chairman. Nou a ouver lasal pou kestyon Onorab Gill.

HON CHURCHILL GILL

Mersi Mr Chair. Bonn apre midi Mr Lucas avek delegasyon. *Rightly so* ou'n dir ki ogmantasyon i 3.4milyon. E mazorite i dan '*rent*' mon'n rekonnet ki i annan en ogmantasyon 3.8 milyon zis dan '*rent*' konpare avek lannen pase. E sa i reprezant en sonm R319 par mwan, 319 mil pardon par mwan. E ti a bon petet ou enform Lasanble ki bor ki konbyen *building rather* ki ou pe *rent*?

E ki *dimension* sa bann *building*, pou nou kapab annan en konparezon konbyen ou pe peye par met kare? Mersi.

MR SPEAKER

Mersi Onorab. Mr Chairman.

CHAIRMAN - EC - DANNY LUCAS

Mersi Mr Speaker. Mr Speaker wi sa logmantasyon dan *rent* i reprezant lefe ki pou sa lannen nou'n vwar li neseseer atraver konsiltasyon, ki ou'n vwar nou annan avek Minister Finans, e avek bann sa Komite ki ou vwar i *allocate* akomodasyon ouswa *office space* avek bann *bodies*, ki ou vwar i ganny *allocated* avek *funds from* Fon Leta, prensipalman pou bann rezon pratik. A lafen nou bann letan ki ou'n vwar nou ti sipoze reste kot *Electoral Headquarters* ler pou nou fer en mouvman *back* pou nou tourn kot nou sorti kot *Aarti Chamber*.

Nou ti'n remark enn de keksoz ki pa ti fer li fezab pou nou retourn kot *Aarti Building* kot nou ti ete avan. Enn bann keksoz ki ou vwar ti ganny porte a latansyon *Commission* par bann anlwaye, sete nou ti pe zot ti pe remark en problemn avek *mold*. Ti annan en problemn mon krwar ti bezwen ganny rektifye avan ler ki ou vwar nou kapab retourn ladan pou nou re *occupy* sa *building*.

E sa ti ganny natirelman port a latansyon bann dimoun neseseer *landlord*, e nou ti osi

port sa latansyon Minister Lasante, pou regarde si ou atir vremen nesese pou nou pa retourn laba an se moman.

E *at the same time* ki ti'n arive nou ti'n fer osi, aköz parey nou tou nou konnen ti annan Eleksyon Nasyonal Prezidansyel avek Lasanble Nasyonal. E aköz ki nou pa'n kapab servi landrwa labitid Nasyonal *Assembly*, nou ti bezwen a longer dizour al servi kot *building SACOS* anvil.

E pou nou kapab fer bann eleksyon marse an sekirite ti annan en kantite travay ki ou vwar nou ti'n bezwen fer pou fer sir ki tou keksoz i mars byen.

So sa ti reprezant en bokou *investment* ki si nou ti pou sorti toudswit, ti pou nesese ki ou vwar nou *forego* tou sa bann keksoz ki ou vwar nou'n fer.

E nou ti annan osi en probleman ki petet i pa lafet person, me avek legzizans *COVID-19*. Bann *building* se bann lofis ki ou vwar nou bann *registration officers* ti pe servi dan bann rezyon, nou ti'n ganny averti oralman ki ou vwar nou pa pou kapab kontinyen servi sa bann fasilite *ok?*

So ti nesese an se moman la pou nou ti nesese an se moman la pou nou fer en

desizyon lo la, pou regarde si i pou posib pou nou retourn *Aarti Chamber*.

Aarti Chamber son lespas ti i limite aköz *Aarti Chamber* in toultan deservi en *Commission without* en *secretariat*. Avek sanzman Lalwa nou bezwen anploy dimoun dan *secretariat*. E la nou ti vwar nou ki i ti pou nesese osi pou nou petet rebran tou nou bann *registration officers* dan bann rezyon e *house* zot *somewhere*.

SACOS Tower i ti ofer nou sa posibilite, pou nou petet anmenn nou bann dimoun anvil.

Me sa ki pou fer sa se an realite i pou sanz lafason ki ou vwar nou fer biznes anrezistrasyon. Aköz si nou napa fasilite dan bann rezyon, nou bezwen *operate out from the central location*. E sa i annan fason ki ou vwar nou pepanse ki mannyer nou kapab fer li ki nou kapab *carry out* sa bann fonksyonman. Me pou reponn ou kestyon Onorab, i remarkab ki sa *rent* ki ou vwar nou pe koz lo la pou lemoman i an relasyon en pli gran *area*.

Nou pe *currently occupy* dezyenm *floor* ki 240 met kare e sa i prensipalman pou akomod *ek Commission* e avek son bann *senior management staff*. *First floor* osi apepre menm met kare,

li nou pe propoze *house to* nou bann *registration officers* dan sa *area* pou lemoman. Apre osi i pou annan biro *Chief Registration Officer* la avek nou *Legal Officer* ok?

E li osi ki fer se nou'n tir tou bann partasyon so nou pou annan bann *meetings* ki ou vwar nou pou fer kot avek *political parties* par egzanp, avek bann lot *stakeholders*. Nou pou annan osi bann *training session* ki ou vwar nou pou fer, e tousala i pou ganny fer lo sa *first floor* ki ou vwar i ofer nou en pe lespas. I parey sa lannen e lot lannen.

Nou anvi vin proaktiv pou fer nou bann *Electoral Officers*, *Deputy Electoral Officers* avek, nou bann lot *staff* vin azour avek bann amannman ki ou vwar nou'n fer dan lepase. Regarde osi avek zot fer bann *training sessions* avek bann *consultative meetings*, avek zot ki ti dan distrik pe administre eleksyon;- regarde ki mannyer nou kapab pran sa bann leson ki ou vwar nou'n aprann pandan eleksyon, e aranz lafason si i nesese ki ou vwar nou travay.

Me briyevman nou pa'n *breakdown* sa pri, *per square metre* me *1'm sure* ki sa i en keksoz ki nou pou kapab furni apre. Mersi Mr Chairman.

MR SPEAKER

Wi Onorab Gill.

HON CHURCHILL GILL

Mon dernyen kestyon *Chairman*, se eski dan sa Bidze osi i annan bann i annan serten provizyon pou menm bann *training* ki pe fer, bann lezot keksoz pe fer Mahé i annan provizyon ki pou fer avek bann zofisye lo Praslin osi? Mersi.

MR SPEAKER

Mersi Onorab Gill. *Chairman* avek mas nou annan en pti konstrent, ki si ou kapab mon kapab envit ou koz direkteman dan *micro* en pe plis *please*. Mersi.

CHAIRMAN - EC - DANNY LUCAS

Yes Mr *Chairman* mersi bokou. Tou bann levennman fonksyonman tou bann keksoz ki ou vwar nou fer an se ki konsern bann dimoun Mahé nou pou osi *involve* bann dimoun ki ou vwar i sorti Praslin La Digue, akoz zot form par entegral lafason ki ou vwar *Electoral Commission* i marse. Mersi.

MR SPEAKER

Mersi *Chairman*. Onorab Samynadin.

HON KELLY SAMYNADIN

Mersi Mr Chair. Bonn apre midi Mr Lucas avek ou delegasyon. Mon annan de kestyon;- premyerman mon vwar ki parmi zot bann priyore stratezik se pou adopte bann nouvo lapros ek teknolozi.

Mon ti a voudre ganny en lesplikasyon lo sa size. E akoz e osi akoz ki dan Bidze napa alokasyon larzan pou lakizasyon *IT equipments*?

Dezyenmman tout an konsideran bann konsekans ki sityasyon *COVID-19* pe anmennen lo nou pei, e byensir sa i osi kree en lenpak lo bann prosedir lanrezistremman voter dan nou bann distrik.

Mon ti a kontan konnen si dan sa Bidze zot pe travay pou etabli sa bann *regional facilities*, pou lanrezistremman, vi ki sa i enn zot bann *current challenges*? E osi si zot pou annan sifizaman resours imen pou kapab antreprann sa proze? Mersi.

MR SPEAKER

Mersi Onorab *Chairman*.

CHAIRMAN - EC - DANNY LUCAS

Mersi Mr Chairman. Ki nou le bouz anver pou *immediate future*, se vwar en fason pou

nou kapab ganny en sistenm. En *management* sistenm pou vwar i kapab met tou nou bann data anrezistrasyon annord. E pou lemoman nou napa en sistenm koumsa. E i pa zis en kestyon kot i ankadre tou nou bann data anrezistrasyon, me osi ki fer se i kontrol nou *Electoral Management System*. Par egzanp i annan pandan sa bann eleksyon ki ou vwar nou'n fer lannen 2020, i annan bann febles ki ou vwar nou'n remarke, nou pe *gather* bann data *as we go along*. E tousala nou le fer sir ki ou vwar i antre dan sa sistenm *management*, ki apre sa i bann keksoz ki ou vwar nou kapab afilye lo la pou fer bann keksoz mars pli byen, *as we go forward*.

Nou *IT Manager* i eksplik sa tre, tre byen e petet si i nesese apre nou kapab fer li, anvoy serten lenformasyon kot Lasanble lo egzaktman kwa ki nou anvi fer avek sa.

Nou annan osi lentansyon pou regarde avek serten lorganizasyon ki nou deza an kontak avek, si i posib pou nou kapab ganny led avek bann sistenm ki ou vwar in deza ganny prouve, dan bann lot ziridiksyon, kot i konsern *Electoral Management* avek *Registration Management System*.

E sa i en keksoz ki nou pe regarde si i posib pou nou met li an plas. Lot kestyon.

Ok lot pou ou lot kestyon Onorab i deza annan bann serten lekipman ki ou vwar nou'n deza aste e i an plas. E mon krwar ki sa lot konponan ki ou vwar i pou fer li efektiv e fer li mars pli byen i sa konponan ki ou vwar nou pe sey regarde si nou kapab gannyen atraver bann led avek bann Lotorite ki ou vwar zot in edike zot pare pou ed nou avek.

E i sa i pa dan Bidze, akoz i riske vin dan laform en don *ok?* Sa nou kapab gard Lasanble enformen *as and when it happens*. Mersi Mr Chairman. Mr Chairman mon krwar i annan en lot.

MR SPEAKER

Ti annan en bout kestyon lo lanrezistremann annefe avek COVID.

CHAIRMAN - EC - DANNY LUCAS

Yes Mr Chairman mon ava les CEO reponn sa bout.

MR SPEAKER

Tre byen. CEO.

CHIEF ELECTORAL OFFICER MANUELLA AMESBURY

Bonn apre midi tou dimoun. Onorab mersi pou ou kestyon. Kestyon ki ou'n demande lo nou servis vi ki i annan COVID, parey Mr Chair in koz lo la boner, nou pe *occupy SACOS Tower* avek lentansyon pou nou santraliz nou servis. Ler nou pe dir santraliz nou servis i *mean* ki tou nou bann *registration officers* ki dan bann rezyon, zot pou desann zot pou baze dan *Headquarters*.

Prezan letan nou'n koz lo inovasyon teknolozi, nou pe rod en lot lapros kot nou anvi kot dimoun i santi zot responsab pou vin anrezistre. Ki fer ki nou bann program la i pou target dan bann *mobile services* ki nou pou ofer. Sa mwan nou kapab dan en rezyon, lot mwan nou kapab dan a en lot rezyon.

Savedir tou nou bann *purchase* ki nou'n fer i anliny avek sa. E wi i pou annan *training* ki pou ganny donner pou nou bann *staff*.

In terms sa kestyon ki ou'n demande lo *manpower*, pou lemoman nou annan nou 19 *staff* e nou dan *process* pe *recruit* en *outreach officer*, pou sanmenm sa *purpose*, pou nou kapab delivre sa bann program ki nou pe met an plas. E pou mon azout lo sa ki Mr Chair in dir, nou pe pran sa lapros teknolozi sanmenm sa ki

ou vwar nou pe reviz nou servis pou nou kapab, pou nou kapab zwenn plis dimoun. Mersi.

MR SPEAKER

Mersi *CEO*. Onorab Lemiel.

HON SYLVANNE LEMIEL

Mersi Mr Chair. Bonn apre midi *panel* e tou lezot dimoun. Serten bann kestyon li menm ki mon ti pou demande in ganny reponn bout, bout.

Me selman mwan mon pou al dan zot ‘*current challenges*’. Enn, Mr *Commissioner* in koz lo la lo kote *Headquarters* ki zot in dir zot annan en labsans en *permanent Electoral Commission*, sirtou zot *Headquarters*.

E dezyenmman se sa *software system* ki zot ti pe ki zot dir i en problem. Kot zot le moderniz anrezistremman bann dimoun osi apre i annan sa zafer *outreach* ki mon’n tann *CEO* la koz lo la.

E lot mon *issue* ti lo kote sa bann *permanent facilities* akoz mon konnen Anse Royale osi ti annan enn, ki ti vreman deservi zabitan sa rezyon byen. E mwan mon pou demann Komisyon pou zot regard en pti pe byen petet si zot rekonsidere pou zot tourn dan bann rezyon, en lot sa bann fasilite i ganny

plase dan distrik laba pou bann dimoun dan sid, akoz pou sorti laba pou desann anvil i en pti pe pran letan.

So dan sa Bidze ki’n ganny donnen la, eski i annan larzan pou zot kapab rezourd mazorite sa bann *challenges*, ki’n ganny fer sorti? Mersi.

MR SPEAKER

Mersi Onorab. *Chairman*.

CHAIRMAN - EC - DANNY LUCAS

Mr Chairman mersi. Mon a sey reponn donn en repons ki petet i a eklersi sityasyon ki ou vwar nou ladan. Mon toutafe dakor avek Onorab konmkwa ki i pli byen si ou vwar nou dan kominote pou nou deservi sa en rezyon swa en distrik.

Sanzman i vini pa akoz nou, nou anvi sorti. Me depi ler dizon an term Anse Royale, depi ler *COVID* ti frape, e ti annan nesosite pou servi bann fasilite medikal Anse Royale pou serten aktivite pou siprenm *COVID*.

Nou ti ganny demande pou nou sorti dan fasilite ki nou ti pe okipe dan avek distrik administrasyon distrik Anse Royale. E ziska prezan nou pa ankor kapab retournen.

Nou ti’n fer en demars pou nou kapab ganny mon krwar nou ti kontakte Legliz Anglikan

pou nou regarde si i annan en bout laba si nou ti pou kapab servi e nou ti ganny byen akeyir nou ti ganny dir wi i annan posibilite, nou ti al regarde tou.

Me avek mankman finansman i ti pou vin en problem, akoz nou ti pou bezwen *refurbish the whole place*.

Now i annan dan bann lot rezyon osi kot nou baze kot *Local Government* in donn nou lendikasyon poudir nou bezwen sorti. Nou bezwen sorti e i annan serten landrwa kot nou'n ganny dir poudir si nou pou reste nou pou bezwen pey *rent*. Sa an se ki konsern Mahé. Me Praslin/ La Digue nou'n ganny en pe komikman ki nou kapab kontinyen servi bann fasilite laba.

E sa nou pou tre, tre apresye akoz si nou ganny fer sorti Praslin ek La Digue, i pou prezant en kantite problem an term lozistik pou nou fer dimoun desann Praslin, pou al fer bann legzersis anrezistrasyon.

Akoz la pou lemoman ki nou pe sey fer nou pe sey regarde ki mannyer nou kapab fer anrezistrasyon kontinyen marse avek menm Bidze ki ou vwar nou annan.

So off hand la e sa mon dir zot san ki *Commission* zot in fer

en desizyon lo la me kwa ki nou pe panse se tou le *weekend* etabli bann *mobile registration centres* dan serten distrik, serten rezyon sepaman lekel; ki son frekans i en keksoz ki ou vwar nou pou bezwen determinen akoz finansman i pou zwen en rol ladan. Sak fwa nou pou deplase sorti Victoria, i annan en kantite keksoz ki ou vwar nou pou bezwen fer sir an plas.

So sa i pou determinen ki kantite distrik ouswa rezyon ki ou vwar nou *tackle* tou le *weekend*. Ouswa mon pa konnen, mon krwar *weekend* li i pli fasil, akoz dimoun pa pe travay ouswa zot in sorti travay.

Me sa i lozistik nou pe regard ladan. E *hopefully* nou ava annan en *way forward* dan sa sityasyon kot nou vwar nou ete an term bann fasilite dan distrik, *ok?* E osi petet nou bezwen osi konsyan ki avek sa lapel ki Gouvernman in fer pou nou minimiz nou bann depans. Nou bezwen osi e nou'n pran kont osi ki kantite anrezistrasyon nou fer, dan bann peryod letan ki ou vwar nou pa dan en lannen Eleksyon *ok*.

E evidaman anrezistrasyon i pou bes en kantite *ok?* I pou bes en kantite akoz sa *trend* in montre nou ki

ler nou napa en Eleksyon dimoun pa tro, tro enterese pou al fer sa bann legzersis.

Me i pa zis nouvo anrezistrasyon me osi bann transfer eksetera, eksetera ki ou vwar nou bezwen pran an kont.

Me nou ava regarde ki mannyer keksoz i ale, e nou a fer le mye posib pou nou kapab fer sir ki ou vwar en servis anrezistrasyon i ganny ofer.

I parey mon'n dir Praslin/ La Digue ki ou vwar i pou vin en problemn si ou vwar nou absoliman pa kapab ganny sa bann lofis. Akoz nou'n ganny dir ki pou napa larzan pou nou kapab lwe bann *alternative office space*. E nou bezwen respekte sa.

Me an term Praslin/ La Digue i pou vin en problemn akoz, tou nou bann *registration officers* Praslin La Digue i bann dimoun ki ou vwar i reste Praslin i reste La Digue zot an fanmir laba.

E si nou napa biro laba *then* i annan enn de posibilite ki ou vwar i kapab arive. *Ok?* Enn ki nou sey regarde ki mannyer nou kapab fer zot *work at home*, me sa i pa pratik akoz *work at home* ou fer li pou en serten peryod letan. Ou pa kapab fer li konman sa en keksoz permanan.

Lot fason fer se anmenn zot Mahé baz zot dan akomodasyon santral, be *then* la ou vin en problemn avek mon krwar i annan bann *rates* ki ou bezwen pey zot pou zot sorti kot zot reste eksetera, eksetera i pou vin en keksoz ki ou vwar i pa pou soutenab.

Lot fason fer se e sa i en fason ki ou vwar nou pa le zanmen mazine se dir avek nou bann *registration officers* Praslin' La Digue ki nou pa pou kapab tenir zot *in employment*. Ou konnen e sa i pa en direksyon ki ou vwar nou anvi al ladan.

So nou pe espekte ki ou vwar nou kapab ganny en solisyon. Annefe demen nou sipoze pe *meet* avek Minis pou *Local Government*, pou nou regarde ki mannyer nou kapab aranz sa sityasyon. E mon asire nou kapab fer li. Si mon kapab les *CEO* zis koz en pti git lo la, akoz mon krwar i annan en pti lenformasyon. Mersi Mr Chairman.

MR SPEAKER

Wi *CEO* ou pou azoute.

CHIEF ELECTORAL OFFICER **MRS MANUELLA AMESBURY**

Mersi Mr Speaker, mersi Onorab. Zis mon azout en pe lo rezistrasyon li menm. Ler nou

pe koz lo *mobile services*. An se moman la lenformasyon ki nou annan letan nou'n fer sa de Eleksyon, lenformasyon ki nou'n kapab *gathered*. Nou pe travay dan laliny kot nou kapab idantifye, nou konnen nou annan *data* ki kantite dimoun ki sipoze pe ganny 18an, pandan lannen 2021/2022.

Ki nou, nou anvi fer? Nou pa anvi antre dan sa legzersis parey nou ti fer avek dernyen eleksyon, kot nou bezwen met en kantite program an plas kot i kout nou. Alors nou'n konmans nou'n apros Gouvernman pou nou kapab ganny akse avek *MPD*, pou nou kapab travay ansanm. Ki fer ki nou, nou kapab target sa bann dimoun.

Savedir nou bann legzersis pou pe target dimoun ki sipoze pe al vote. Ki fer ki letan nou ariv 2025 pou lot eleksyon la, nou napa sa gran kantite dimoun ki pe vini ki dir ek ou koumsa zot pa lo lalis *and so forth, ok*. Mersi.

MR SPEAKER

Mersi. Mersi *CEO*. *Panel* mon pou envit zot nou annan en kantite kestryonner. Mon pe envit zot sey en pe pli bref e pli direk dan zot repons. Mersi. Mon a pas lo Onorab Monthy.

HON PHILIP MONTHY

Mersi Mr *Chair*. Bonn apre midi Mr Lucas ek ou delegasyon sorti kot *Electoral Commission*. Mon remye kestryon i apropo *legal fees*, pou 2020 ti en lannen Eleksyon me nou pa vwar okenn alokasyon ki ti ganny mete pou ed legal pou 2020. Me parkont i annan 225mil pou sa lannen dan Bidze. Donk si ou ti kapab zis eksplik sa en pti gin.

E en pe lo *training*, enn zot *strategic priority* sete '*establish a cohort of qualified electoral staff, restructure and revamp management of the secretariat*.'

Mon vwar alokasyon pou *training* in reste pli zou mwen parey. Donk eski avek sa alokasyon ki zot annan, zot pou kapab fer tou tousala, avek menm sonm larzan ki zot ti annan dan lannen presedan?

E en lot zot *strategic priority* se pou '*foster local and international collaboration and partnership*.' Mon pe konsantre en pe *local*, akoz dan dernyen Eleksyon in annan serten lorganizasyon ki'n konplent, ki zot pa'n ganny otorize pou obzerv eleksyon. *Ok?* Donk dan lespri *partnership* avek bann *partner local partners* ki mannyer zot pe mazin sanz sa e *tackle* sa problem? Mersi.

MR SPEAKER

MERSI Onorab. *Chairman.*

CHAIRMAN - EC - DANNY LUCAS

Mersi Mr Chairman. Mersi Onorab. I annan dan dernyen Eleksyon bann rekrit ki ou ti vwar i antre pou nou permet serten lorganizasyon vini konman *observers*.

Now observers pou nou permet ou permet en lorganizasyon vini konman *observers*. I annan serten kondisyon ki ou vwar i aplike. Enn sa bann kondisyon se ki sa i form par ou manda.

Dezyenm se ki ou annan *training* pou ou vini konman *observers*. Nou ti annan enn de demann ki a lafen defen ler nou ti demann zot, pou zistifye sa demann *it turns out* ki ou vwar nou pa ti pou kapab permet zot pou vin konman *observers*. Akoz i annan ou pa kapab permet nenport dimoun vin ouswa nenport lorganizasyon vin fer obzervasyon. Obzervasyon i annan bann lareg tre strik ki ou bezwen konnen e ki ou bezwen kapab egzerse. E nou dezole ki sa i pa'n posibil, me i osi leka ki ou vwar a en serten pwen nou riske ofer sa bann *training*.

Aprè sa zot, zot pou bezwen regarde ki mannyer zot

pou kapab met en ladisyon avek zot manda ki i ava *encompass* sa bout la.

Dezyenm an se ki konsern *legal fees* pandan eleksyon nou ti annan serten *fees* ki ou vwar nou ti pe peye avek en *Independent Council* ki ou'n vwar nou ti *retain*.

E sa nou ti servi bann alokasyon si mon pa tronpe *consultancy* wi anba *Election Budget* eskiz mwan. So la ki arive se ki nou annan sa *retainer* ki ou vwar in kontinyen marse, e i pou mars pou en serten letan ziska ler nou *wrap up* tou bann *issues* ki ou vwar i *come from the as* en rezilta of eleksyon ki'n pase. Me sa i akoz ki ou vwar i annan sa la. Mersi.

MR SPEAKER

Mersi. Onorab Pillay ou ti le antre lo sa pwen?

HON SEBASTIEN PILLAY

Mr Chairman avek ou permisyon mon ti a kontan enplor *panel*. Ou konnen ki pou arive, nou pou demann en kestyon nou pa pou tann larepons. *And then* i riske en lot kestyon i retourn ankor.

Try to make an effort pou nou koz en pti pe pli for, pou nou kapab tande. Akoz i la nou'n tann koz lo en *lawyer* prezan nou pe rod nou'n tann

retainer dan bout, konmsi nou pe sey pou nou kapab ganny lenformasyon pou nou pa repet en kestyon e fer sa travay en pe pli difisil. Mersi Mr Chairman.

MR SPEAKER

Parey *Chairman* in dir i pa abitye avek sa *setting*. Esansyel direktman dan *micro* silvouple. Nou a kontinyen mon apel Onorab Aglae.

HON EGBERT AGLAE

Mersi Mr Chair. Bonn apre midi *panel*. Mon krwar avan mon demann mon kestyon, mon krwar mon swiv lenportans zot prezans e zot Lotorite, an menm tan zot travay ki zot annan pou fer akoz si nou tou ki la anndan se i annan en eleksyon ki'n arive.

Alors mon premye kestyon ki mon ti a kontan demande, eski Komisyon Eleksyon li menm li, kot i konsern bann *Political Parties, Registration* li menm, ki petet ou kapab dir eski i obligatwar kan en parti in anrezistre li ki i bezwen partisip dan en eleksyon? Sa i enn.

Dezyenm kot i konsern *printing of bann campaigning material* sirtou *ballot papers* mon pou dir sa, eski zot annan en standar lo kote ki zot pou fer zot bann *printing*? Akoz i annan diferan largiman ki'n ganny fer

dan lepase, ti kapab fer lokal, ti kapab fer aletranze.

Petet *PS* Finans i la petet en pe parey Labank Santral, parey ler zot pou al *print* larzan Roupi eski i annan en *Designated* landrwa ki ganny sertifye par en lorganizasyon bezwen fer li, ouswa zot, zot swazir *as and when* kote ki zot anvi ale ?

E dernyen kestyon, i konsern travay menm kot i konsern *Election Day*, mon ti a kontan demann zot lo la. Kot i konsern *ballot papers* menm an vi ki ti annan serten malantandi mon kapab dir.

Eski zot pe vwar atraver sa Bidze la pou ki a lavenir ler eleksyon i ganny fer kot sirtou bann mankman ki ti annan i pa repet ankor, e tou bann kalkilasyon i ganny fer dapre norm ki zot in *set in advance*? Mersi.

MR SPEAKER

Mersi Onorab. *Chairman*.

CHAIRMAN - EC - DANNY LUCAS

Pou repons ou premye kestyon se non, napa obligasyon dan Lalwa napa obligasyon pou fors en parti pou partisipe.

Dezyenm repons lo *printing of ballot papers ok, now* nou ti pran desizyon baze lo enn

de keksoz. Enn ti fre total, konbyen ti pou ariv nou. Lot ti sa garanti ki nou ti pou annan avek sa *printer* kot ou vwar nou ti ale. E i ti pou *provide* nou avek en *cost*, ki ou vwar i ti pou an son totalite. I ti pou bokou pli ba ki nou ti pe gannyen lokalman.

Dezyenm i ti en *well established printer* ki ou vwar i ti fer *printing* pou bann diferan pei, e i ti en rekomandasyon ki ou vwar nou ti gannyen *from* lordinasyon enternasyonal.

Lo trwazyenm konsiderasyon se ki i ti annan tou sa bann mwayen teknik pou li *provide* nou avek *ballot papers*, dan lafason ki ou vwar nou ti anvi i ete. Pa kestyon nou ti anvi. Ki Lalwa bann lamannman pou vwar nou ti anmennen. I ti fer li nesese pou nou kapab ganny li dan sa laform.

E ler mon a pez koz lo la mon a pe koz lefe ou vwar ek son dernyen to nou ti annan en *stub* kot *ballot paper* ti kole avek son *stub*, e lo son *stub* ti nesese ti annan en nesese pou annan en *serial number*. Zis lo *stub* pa lo *ballot paper*.

So lo nivo teknik ti riske annan en pti problem. Nou ti okouran poudir ti annan en *press* Sesel ki ou ti vwar ti'n

deza *print ballot paper* pou en *by-election*

Me sete sa leka sete pou en *by-election* zis en distrik. E la nou ti pe fer fas pa avek en *simple district election* dan en distrik. Me nou ti pe *print ballot papers* pou 26 distrik, Lasanble Nasyonal. E 26 distrik pou en *Presidential Election*. So sa kantite ki ou vwar ki nou ti bezwen *print*, nou ti panse poudir pou fer sir ki ou vwar nou petet minimiz risk ki keksoz i al mal, i ti pou pli bon pou nou servi en *well established and well recommended printer*. Ki ou vwar i ti annan tou sa bann *technical facilities*. E ki ti'n promet nou poudir sa kantite letan ki ou vwar *printing* pou ale, i pou enn ki ou pou vwar i pou *suit* nou *circumstances*.

Etandonnen ki ou vwar nou ti annan *COVID*, nou ti anvi nou bann dimoun i ale retournen o pli vit posibil. Mon krwar Onorab mon'n reponn kestyon. Sa trwazyenm kestyon mon a les *CEO* reponn.

MR SPEAKER

Mersi. *CEO*.

CHIEF ELECTORAL OFFICER MANUELLA AMESBURY

Mersi Onorab pou ou kestyon. Ou trwazyenm kestyon i annan

pou fer avek konsern lo *ballot*. Pou mwan refer dan en bout konversasyon ki *Chair* in nonmen taler, sa eleksyon in fer nou vwar serten limitasyon.

Premyerman letan nou'n fer amannman dan Lalwa ki annan pou fer avek *stub*, ki sipoze al avek *ballot*. Nou'n vwar poudir letan ou pratik li i annan son difikilte ki vin avek. Sanmenm sa ki nou'n fer rekomandasyon kot nou pou bezwen re revize sa amannman ki'n ganny fer e fer li dan en fason ki pou pli fasil pou nou kapab distribye papye.

I enportan pou mansyonnen selman ki papye ti annan, me selman nou retar ti vin dan parey nou'n dir avan *special station* avek *sorting out*.

Selman *rest assured* poudir Komisyon pou zwenn e nou pe reviz nou striktir, nou pe reviz nou loperasyon nou pe reviz nou vwar ki mannyer i ete osi. Mersi.

MR SPEAKER

Mersi *CEO*. Onorab Mondon.

HON TERENCE MONDON

Mersi Mr Chairman. Mr Chairman mon kestyon i lo sa priyorite stratezik kot ou'n dir ki zot pou met enn zot bann travay priyorite se pou revwar e

met azour delimitasyon elektoral e *voter census*.

An menm tan ler mon pe get zot Bidze mon pe sey rode kote e sa travay kote i pe ganny siporte par lekel Bidze. Mon pe get '*local consultancies*' lannen pase i ti 285mil sa lannen i selman 60mil, me selman zot fer provizyon en prozeksyon pou 1milyon 285mil pou 2022.

Eski sa provizyon prozeksyon ki zot pe fer se pou sa bann travay delimitasyon avek *voter census*? Si non pou kwa ki zot pe anvizaze fer ki pe reflekte dan sa Bidze parey mon'n dir? Selman zis 60mil pou sa lannen, me selman 1milyon 285 pou a 2022. Mersi Mr Chairman.

MR SPEAKER

Mersi Onorab. *Chairman*.

CHAIRMAN - EC - DANNY LUCAS

Mersi Mr Chairman. Onorab mon krwar ki ou a pe ganny li egzaktaman parey ki ou vwar nou ti pe panse. Pou sa lannen nou konnen poudir Bidze i *tight* nou annan en kantite keksoz ki ou vwar i bezwen ganny fer apard bann legzizans eleksyon.

E osi i en fe ki avan ler ki ou vwar nou kapab bouz lo *delimitation* avek *census*, nou

bezwen en legzersis *on the ground* ki ganny *carry out*.

E sa normalman sa legzersis i ganny fer par Biro *Statistics*. *Statistic* i annan en legzersis ki ou vwar in planifye pou si mon pa tronpe *sometime next year*.

Now sa legzersis mon'n ganny fer konpran poudir i *involve* en kantite milyon Roupri pou kapab fer sa.

E nou ki nou pe panse se pou sov larzan. Regarde si nou kapab *piggyback* lo sa *census* ki ou vwar i a pe vini, nou'n konmans etabli relasyon avek Biro *Statistics* evidaman i pou - An prensip zot tonm dakor avek lefe ki ou vwar nou kapab servi zot ler zot pe fer zot bann legzersis.

Me i pou annan en eleman, kot nou pou bezwen ki mannyer mon kapab dir sa partisip ladan finansyerman. So nou pe regarde ki dan sa lannen ki vini, petet i annan serten kontribisyon dan apepre la sonm ki ou vwar nou pe estimen ki nou pou bezwen antreprann ansanm avek *Statistics* pou regarde ki mannyer nou kapab ganny sa bann lenformasyon;- ki ou vwar i pou neser pou nou legzersis *delimitation* avek sa obligasyon pou Biro Eleksyon *carry out* en *census* ki ou vwar ti pe antre

anba bann amannman ki ou vwar ti pase an 2020. Mersi Onorab.

MR SPEAKER

Mersi *Chairman*. Onorab Vidot.

HON AUDREY VIDOT

Mersi Mr Chair. Mr Chair mon kestyon pou *panel* premye. Si en parti politik pa oblize pou partisip dan eleksyon parey in dir. Ki kontrol Komisyon Elektoral i annan atraver zot Bidze pou zot lo Bidze ki bann parti politik bi resevwar?

Dezyenm, eski dan sa Bidze i annan ase resours pou permet zot kapab anplifye zot defi ki zot in gannyen lepase, kot i konsern pou fer plis sansibilizasyon atraver bann *advert*, pou edik dimoun lo lenportans pou anrezistre e akoz i zot drwa e responsabilite pou zot vote?

E mon dernyen kestyon, pou konplimant sa servis *reach out* ki zot in mansyonnen, ki zot anvizaze fer pou amelyor zot langazman pou lanrezistremman voter, ki mannyer Komisyon Elektoral pou anplifye sa lapros dan sa prose pou verifikasyon, ki nou konnen poudir in en konstrent en defi ki bokou bann nouvo voter in fer resorti ki letan zot fer vizit kot bann lakour pou verifye si vremen sa

dimoun i en rezidan dan sa distrik ou non? Mersi.

MR SPEAKER

Mersi Onorab. *Chairman.*

CHAIRMAN - EC - DANNY LUCAS

Am sorry ankor. An se ki konsern parti politik avek kontribisyon ki ou vwar zot gannye avek Biro Eleksyon, okenn kontribisyon ki ou vwar i sorti dan sa fon, se fodre ki sa parti politik in partisipe, dan en Eleksyon Lasanble Nasyonal.

Si napa partisipasyon napa fon. Ki ou vwar ki zot gannye. Pardon, eski sa i reponn ou keston?

MR SPEAKER

Ou annan problem mikro?

HON AUDREY VIDOT

Non. Par egzant dan sa laliny ki ou pe eksplike la en, i annan diferan parti politik ozordi ki anrezistre e zot annan ki pe resevwar serten resours par Leta. *Ok* si zot pa pe partisipe dan okenn aktivite eleksyon ki rol e lenportans zot, zot kapab zve? Pou fer sir ki si ou pe partisip dan en eleksyon ou pe ganny larzan avek Leta *so then* si ou en parti politik ki anrezistre ou pe resevwar larzan ek Leta, ou bezwen pe

partisipe montre ki ou rol ki ou zot, zot Komisyon i kapab antre ladan? Mersi.

MR SPEAKER

Mersi. *Chairman.*

CHAIRMAN - EC - DANNY LUCAS

Mersi. Mr Chairman Onorab nou si en bon demokrasi se kot nou annan sifizaman parti politik ki ou vwar i anrezistre.

Me pli enportan osi se partisipasyon ki ou vwar zot antre ladan enn fwa ki ou vwar zot ganny anrezistre.

Anba Lalwa *Political Parties* nou toultan ankouraz bann parti pou partisipe. E ki manner ou pou partisipe dizon si ou pa'n ganny elekte dan Lasanble Nasyonal? Nou annan en Polisi kot nou anvi ki i an latransparans dan tou keksoz ki ou vwar nou fer ki konsern bann parti politik.

So throughout the year ki ou vwar nou pe al ladan la e lannen swivan. I pou annan serten linisyativ ki ou vwar nou pou *come up* avek, akoz nou bezwen *come up* avek.

E dan tou son bann ka koumsa nou pou envit tou bann *political parties* pou partisipe, pou nou kapab ganny zot bann pwennvi pou nou kapab ganny pwennvi zot bann siporter.

Akoz zot pou annan en serten siporter enn fwa ki ou vwar zot anrezistre.

E osi pou sa bann parti ki ou vwar a mon a pe koz prensipalman pou bann parti ki ou vwar napa en *seat* dan Lasanble Nasyonal. Me osi bann parti ki ou'n vwar in partisip dan eleksyon Lasanble Nasyonal e ki ganny serten alokasyon *from State Fund*.

Sa bann parti nou pou bezwen *monitor* zot e fer sir ki *at least* ot pe mentenir zot lekor konman en parti. E pou sa nou pou demann serten aksyon sorti kot bann *political parties*. Par egzanp bann zot bezwen fayle zot bann *audited accounts* ki ou vwar i montre nou poudir zot pe fonksyonnen. Nou bezwen regarde si zot pe mentenir zot lalis zot bann siporter ki pou fer nou vwar poudir zot aktiv.

Nou pa pou kapab enpoz lo zot ki kantite *meetng* ki ou vwar zot pou bezwen fer avek zot bann *members*. Me selman zot pou bezwen donn nou en lendikasyon konmkwa ki ou vwar zot annan *Office Bearers* zot aktiv, e ki zot pe kontinyen konman en parti politik. Mersi.

MR SPEAKER

Mersi. Mon ti ava envit bann Manm pou *focus* zot kestyon Lo

Plan Bidzeter Komisyon. Kwa ki san siprim zot drwa lekspresyon, sa bann size i enteresan me i annan en travay la pou nou konpran Bidze e pou nou kapab aprouv li. Onorab Vidot eski ou kestyon i lo Bidze in ganny reponn? Ale silvouple met li direkteman vitman.

CHAIRMAN - EC - DANNY LUCAS

Wi ti annan son dezyenm kestyon ki ou vwar i ti *out reach*. *Outreach officer* e *outreach programme* i en keksoz ki ou vwar nou panse ki i esansyel *as we go forward* dan 2021.

Sa *outreach programme* i ganny lye avek *dissemination of information* i en - i pa selman edikatif. Me osi i konsern letablisman en *database* pou Biro Eleksyon. E sa i en keksoz ki ou vwar nou'n remarke poudir nou kouraman nou napa bokou dokimantasyon, nou bezwen *build up* en *document centre*. Nou bezwen osi fer sir ki ler sa *outreach officer* i vini i pou *liaise* prensipalman avek bann lenstitisyon parey Minister Ledikasyon, akoz i annan serten program ki ou var nou pou le, endikatif ki ou vwar i *go on*.

E i osi i pou akt konman sa lyezon avek bann parti

politik avek tou bann lot *stakeholders* ki ou vwar nou annan enkli bann group ki ou vwar i annan pou fer avek obzervasyon. Mersi.

MR SPEAKER

ki pwen oule klarifye Onorab Vidot?

HON AUDREY VIDOT

Mr Speaker, mon le fer resorti ki mon kestyon lo sa size *out reach* mon konnen zot in zot eksplike lo la pli boner. Sa i kler sa.

Mon konsern se ki pou zot anplifye sa travay ki zot pe mazinen pou fer, ki sa prosesis pou verifikasyon, kot bann nouvo ka lanrezistreman ki mannyer pou zot adres sa bann defi ki ti annan kot en nouvo voter i al anrezistre sa bout kot pou al verifeye kot son lakour, sa kantite presyon ki zot lofis baze lo kantite resours imen ki zot annan atraver sa Bidze ki zot annan la, ki mannyer zot pe anplifye sa travay avek sa program *outreach*? Sa i enn *ok*?

Ape dezyenm ki pa ankor reponn, lo sa size sansibilizasyon voter atraver bann *advert*, zot bann dele letan ki zot annan sa lannen ek sa resours ki zot annan eski sa resours i ase, i pou ed zot pou

zot kapab donn sa ledikasyon kantite zot anvizaze al anmennen avek piblik?

MR SPEAKER

Mr *Chairman* si ou kapab adres sa de kestyon vitman mon krwar lo dezyenm pwen ou'n fer en ladres deza.

Me lo premye pwen kekfwa verifikasyon Manm ti a kontan ganny en lesplikasyon.

CHAIRMAN - EC - DANNY LUCAS

Wi, wi sa bout, sa size sansibilizasyon premye se k ise sa ou vwar ki nou pe koze sa *outreach programme* e sa i pou ganny fer atraver bann *various programme*, ki ou vwar sa *outreach officer* i pou ansarz, i pou fer sir i met devan piblik avek voter.

Verifikasyon i diferan i en diferan keksoz ki i pa konsern *outreach* vreman. Verifikasyon ki pou fer se ki anba bann provizyon anrezistreman, i annan sa nesesite ki ou vwar i verifikasyon i ganny fer.

Avan sa, verifikasyon ti ganny fer par en group dimoun ki ti annan en sistenm *retainer* avek Biro Eleksyon, e *at the same time* ti annan en peyman ki ti ganny fer *per head*.

Nou'n ganny avize avek Minister Finans, e avek bann

lorganizasyon ki nou annan en problemm avek sa kantite, ki ou vwar nou pe depanse lo bann zafer verifikasyon.

E osi nou'n verifeye osi ki verifikasyon i form par of devwar bann zofisye anrezistrasyon.

So la ki nou pe sey fer, pou tonm anliny avek bann *requirements* ki ou vwar i ganny met devan nou, e lefe ki ou vwar nou dan en sityasyon ekonomi parey i ete, nou pe retourn *verification* kot i ti devret ete; savedir avek bann nou bann *registration officers*.

Now nou pa ankor totalman met an detay lafason ki ou vwar i pou ete. Me zeneralman nou pe kalkile ki ler serten negosyasyon i ganny fer dan bann serten rezyon , nou pou annan en sistenm kot bann lot bann lot *registration officers* i ale i fer verifikasyon lo bann tranzaksyon.

Me sa i en keksoz ki ou vwar nou pe travay lo la fortman pou etabli.

Me nou, nou panse ki dan sa premye lannen ki ou vwar nou fer sa, i pa pou sitan en problemm akoz nou konnen egzaktaman konbyen anrezistrasyon i pou annan e nou konnen poudir nou bann *registración officers* i pou annan ase fasilite ek letan pou zot

kapab fer sa. Mon'n espere mon'n ...

MR SPEAKER

Mersi Mr *Chairman*. Nou a *move on*. Onorab Labonte.

HON ANDY LABONTE

Mersi Mr Chair. Mr Chair premyerman mon a dir byenveni Mr Lucas avek ou lekip. Premyerman mon ti a kontan al lo bann '*major achievement* pou 2019/ 2020.' Kot *bullet* 3, 2 annefe kot ou'n dir e *achievement* se ki ou'n kapab delivre pandan sa *Presidential and National Assembly Election*.

Alor de lapar Lasanble mon krwar i enportan ki nou rekonnet e *congratulate* ou avek ou lekip pou sa bon travay ki zot in fer, ki in anmenn en bon rezilta dan sa eleksyon. So nou *congratulate* ou pou sa. E malerezman.

MR SPEAKER

Move lo kestyon, *move* lo kestyon silvouple Onorab.

HON ANDY LABONTE

Wi mon pe al lo kestyon Mr Speaker. Lo '*building and rent*' ki taler ou'n donn en pe lesplikasyon mon en pe dezapwente, akoz vi ki ou'n dir poudir ou pe desantraliz ou

bann servis dan plas ou pe santraliz dan plas desantraliz servis, e nou vwar pou dir i annan en ogmantasyon sibstansyel par 2.8milyon. E petet avek lespri ki nou dan en letan difisil, petet ou pe mazin en dan lefitir pou zot petet kapab annan zot prop *building* ki ava anpes nou depans sa sitan kantite larzan lo *rental*.

E mon osi vwar poudir anba *electricity* ki'n sorti 241 mil in vin 742 mil ki en osi en gro ogmantasyon ladan.

E osi mon rekonn poudir kot '*wages and salary*' in sorti 4.7 milyon ki'n vin 5.3 milyon, i annan en ogmantasyon R611 mil e menm lo *overtime* in sorti 34 mil pou vin 76mil, petet si ou ti kapab donn en pti klarifikasyon lo sa de pwen? Mersi.

MR SPEAKER

Mersi Onorab. *Chairman*.

CHAIRMAN - EC - DANNY LUCAS

Lo sa *issue increase* dan Bidze mon a les *CEO* koz briyevman lo la. lo ou *congratualtion* nou aksepte li avek gran ker. Nou osi anvi nou prop *building*, sa i toultan nou swe e nou'n toultan koz avek bann lorganizasyon konsernen lo la.

E nou osi dakor avek ou ki sa *rental* ki ou vwar nou pe peye avek sa elektrisite ki nou pe peye i e norm e i pa en keksoz ki ou vwar nou swete. Me la, la i pa nou ki aktyelman swazir kot nou ale. Ou konnen mon krwar i annan en zafer *Office Accomodation Committee* ki si en lorganizasyon pe bouze, se li ki ansarz e ki donn direktiv final lo kot nou kapab ale si i annan okenn lot landrwa ki ou vwar i vin *attend* en *lower cost* e tousala.

Me i parey mon dir sirkonstans ki mon'n eksplike taler, i rvdi ki nou bezwen sibir sa bann kot parey i ete ziska ler nou kapab ganny bann *premises* ki ou vwar i meyer marse. Mersi Onorab mon a les *CEO* reponn sa trwazyenm.

MR SPEAKER

Mersi wi *CEO* ou a reponn sa bout.

CHIEF ELECTORAL OFFICER MANUELLA AMESBURY

Mersi Onorab. Logmantasyon dan *wages and salary*. Ou pou vwar sa logmantasyon akoz an 2020 ver milye lannen nou ti *recruit* de nouvo dimoun. E pou sa Bidze ki la zot saler i kouver en lannen antye *instead* ki sa bout lannen ki ti pou 2020. Sa i en rezon.

Aprè sa *increase* osi i enportan pou nou fer resorti, ki letan nou'n fer tonbe sa laranzman ki nou ti annan avek sa bann *field officers* e gro kopo nou larzan ki ti pe sorti dan *goods and services* ti pe al dan pey sa bann dimoun pou fer sa bann legzersis verifikasyon.

Prezan vi ki nou pa pe fer sa *anymore*, nou'n regard nou striktir manner i ete loperasyon en bout sa larzan la in al dan '*wages and salary*' an realite nou pa pe demann larzan an plis pou '*wages and salary*' sanmenm sa ki'n fer ki nou'n kapab anploy en drayver permanan ki nou ti napa. Aprè la nou'n kapab anploy sa *outreach officer*, lo *saving* ki nou'n fer par koup sa bann Lagreman ki nou ti annan avan. Mon krwar mon'n reponn tou kestyon. Mersi.

MR SPEAKER

Mersi *CEO*.

HON ANDY LABONTE

En pti keksoz Mr Speaker. Lo kote *overtime please?*

CHIEF ELECTORAL OFFICER MANUELLA AMESBURY

Eskiz mwan mon'n mank sa bout, nou'n fer provizyon pou *overtime* sa bann *mobile programmes* ki nou pou annan.

Akoz sa i pou ganny fer, dan *weekend* nou vwar poudir sa servis ki nou annan la pou lemoman e Lasanble in deza fer sorti sa avek nou, i pa target dimoun, dimoun i travay 8er 4er.

E nou sa servis anrezistrasyon i 9er-3er ki dimoun pa kapab al anrezistre. E vwala i annan sa *increase*. Mersi.

MR SPEAKER

Mersi. Onorab Gabriel.

HON CONRAD GABRIEL

Mersi Mr Chair. Bonn aprè midi Mr Lucas avek ou delegasyon. Vi ki nou'n ekoute, ou'n dir nou *voter census* i vremen enportan i byen esansyel.

Zis mon a demann ou akoz ki ou pa'n ogmant ou Bidze pou reflekte sa bout vremen esansyel Mersi.

MR SPEAKER

Mersi. *Chairman*.

CHAIRMAN - EC - DANNY LUCAS

Mersi Mr Speaker. nou annan nou en sityasyon ekonomi la kot i nesese mon krwar ki tou bann Bidze i ganny koupe, dan bann serten *areas*.

Me Onorab nou osi annan en *website* e nou, nou pe prezimen ki ler nou ganny nou *outreach officer* enn son bann boulo so pou manage *website Electoral Commission*.

E i sipoze osi ansarz en *document centre* ki ou vwar nou pe propoze pou nou fer, kot nou kapab ganny tou bann dokiman kot i konsern bann Eleksyon ki ou vwar in pase lokalman e menm nou pe koz bann eleksyon ki ou vwar i al dan listwar anba bann peryod kolonizasyon *as far as we can get*. Nou prezimen nou bezwen koz avek bann lenstitisyon parey *SBC* ki ou vwar i annan bann *archive* e i osi annan bann program *YouTube* bann zafer koumsa.

So nou pe mazine keksoz global ki a lafen dizour parey i devret etc. *Electoral Commission* i a vin sa repozistrwar - sa *knowledge* kot i konsern eleksyon, pa zis senpleman lokal me osi enternasyonal bann rapor eksetera.

So nou ava kapab *build up* en *unit*, kot i pou annan ase lenformasyon pou nou kapab *disseminate* ou konnen? I tre posibil osi pu nou kapab fer bann analiz *comparative*. Nou sistenm avek bann lot sistenm eksetera.

Ou konnen tou sa bann i bann keksoz ki ou vwar nou anvi fer a la lonterm. E bann keksoz ki nou anvi apre pas avek pou popilasyon, dan en fason ki zot *build* zot pli *aware* of lenportans pou ou angaz ou lekor dan eleksyon;- lenportans swazir lekel dimoun, lekel parti ki ou anvi i govern nou pei. Mersi.

MR SPEAKER

Mersi *Chairman*. Onorab Woodcock.

HON WAVEL WOODCOCK

I *ok* la. Mersi Mr Speaker. i annan isi i annan en lobligasyon legal pou zot antreprann parey Onorab Mondon in koze a pli boner *boundary delimitation*. Ki pou anpes debransman popilasyon dan bann diferan *electoral areas*.

Ou'n fer sorti osi poudir sa pa'n ganny fer pou en bon pe letan dan lepase. E mon kekyon *is* ki dernyen fwa sa ti ganny fer? Eski i annan en *time frame* ki ou merit fer sa *boundary delimitation*?

E mon lot kekyon i osi konsern bann *electoral boundary* dan lepase nou konnen ki in annan ban mannigans ki'n ganny fer par bann Gouvernman avan, pou

sanz bann *electoral boundaries* pou rezon politik. Eski zot anvizaze reget sa bann *electoral boundaries* pou re aranz li dan en fason ki pou fer li pli ekitab parmi dan tou bann distrik? Mersi bokou.

MR SPEAKER

Mersi *Chairman*.

CHAIRMAN - EC - DANNY LUCAS

Mersi Mr Chairman. Sa legzersis *delimitation, demarcation* i pa paret mwaan i en keksoz ki'n ganny swivre. Parey ti'n devret ganny a swivre dan lepase.

Mon konnen poudir in annan pa en *deal relation as such*, me kreasyon en nouvo *electoral district* Perseverance. Me nou krwar poudir *delimitation of boundaries* i tre, tre enportan e i en keksoz ki ou vwar nou bezwen met *for* latansyon lo la.

E deza nou'n konmans donn lo *Commission* nou pe esper bann propozisyon, ki ou'n vwar nou'n demann nou sekretarya pou prepare, pou anmenn devan nou. Pou nou kapab gete ki kalite opsyon ki ou vwar nou annan.

Kwa ki kler se ki premyerman i pa pou arive sa lannen. Akoz *delimitation* i en

proze ki ou vwar ou bezwen fer sir poudir i ganny fer byen e i bezwen ganny fer dan latransparans *ok*.

E osi i depan i pou depan lo *recent census* ki ou vwar nou pou *rely* lo bann lenformasyon ki ou vwar i sorti ladan. Ki mwan personnelman mon a pe mazin. Se i pou bezwen annan konsiltasyon avek bann *stakeholders*, parti politik avek bann *NGOs*, ki ou vwar i konsernen avek sa; bann lorganizasyon spirityel, relizyez, tou sort kous dan lasosyete ki ou vwar i anvi fer en kontribisyon.

Kwa ki ou pa ankor vwar nou pa ankor determinen, se eski nou pou fer bann *public meetings* avek popilasyon avan ki nou'n *set out* kwa ki nou anvi an term diplikasyon, ouswa si nou pou fer bann *public meetings* apre ki ou vwar nou'n ganny sa bann lenformasyon? Sa i en keksoz pou *Commission* asize diskit lo la.

E en keksoz osi ki ou vwar mwan mon a pe panse personnelman se, si i annan sa nesesite pou nou etabli sa *Board, Commission* ouswa sa Komite ki pou aktyelman ale al fer a bann travay teknik.

E fer zot rekomandasyon avek *Electoral Commission* lo ki

fason ki ou vwar i pli bon pou nou bouze.

Lo sa *Board* nou'n natirelman ouswa Komite, sa ki nou deside e nou pe pans prensipalman bann dimoun sorti kot *Electoral Commission* avek pirman teknisyen.

Nou pa pou anvi *involve political parties* lo en tel *Board*. Akoz nou anvi *ki* en tel desizyon ki ou vwar i ganny pran i ganny pran pirman lo en nivo teknik. E sa bann teknisyen zot, zot a fer zot louvraz zot a evalye bann data. *Zot a come back to the Commission e Commission* i a fer apre ki in konsilte avek parti politik avek sepa lekel, sepa lekel, nou gete ki kalite *proposal* ki ou vwar zour osi zot annan. E enn fwa nou ganny tousala i pou neser pou nou al dan distrik. Al dan distrik koz avek bann dimoun dan distrik bann distrik ki ou vwar i viv bann *boundaries*, pou regard zot problem e pou regarde osi si sa bann keksoz ki ou vwar ki nou pe propoze, si pa pou kree plis problem ouswa si pou ez sa bann problem. *Ok?*

Me sa i an gro lafason ki ou vwar personnelman mon a pepanse, e i en keksoz ki ou vwar *Commission* i a bezwen *meet*, koz lo la, e regarde ki manner nou pou bouze *going forward*.

Me i en keksoz ki ou vwar nou pou bezwen fer li vit akoz sa i pa en *process* ki ou vwar i pou pran en mwan de mwan. I bezwen ase bokou letan. E *hopefully* nou fini li *at least* 1an ou plis avan sa lot Eleksyon ki ou vwar i ganny programen. Mersi .

MR SPEAKER

Mersi Mr *Chair*. Onorab Cosgrow.

HON WALLACE COSGROW

Mersi Mr *Chairman*. Mr *Chairman*, mon annan en senp pti kestyon konsernen zot '*strategic priorities*' nimer 1 i koz lo *registry framework* nouvo teknolozi.

Kan eski zot anvizaze konplet bann louvraz lo nouvo *framework*? Akoz mon santi petet i ava ed zot en bon pe.

Mon pa konnen si zot, zot ava endike ki zot pou enkli nouvo teknolozi dan rezistrasyon. Nou konnen ki mazorite group ki pa neserman anrezistre parey nou ti a voudre se bann zenn. Me parkont nou konnen bann zenn i annan enn sa dan zot lanmen, mazorite. E petet si i posib rezistrasyon elektronik si i posib, so zot ava koz en pti pe lo la.

E osi lekel ki pe travay lo zot bann *legislative framework*? E si zot annan en *in house Legal Advisor*? Mersi.

MR SPEAKER

Mersi Onorab. *Chairman*.

CHAIRMAN - EC - DANNY LUCAS

Mersi Mr Chairman. Kouraman nou annan en *Legal Advisor*, ki ou vwar i anploye *full-time* avek *Electoral Commission*.

Nou'n pas dan sa eleksyon la nou'n vwar lefe bann e enplimantasyon a sa bann amannman ki ou vwar nou'n anmennen resaman an 2020. Nou'n vwar an pratik ki mannyer in marse sa ki'n mars byen, e sa ki i bezwen devlop li en pe ouswa rafin li en pti git pou fer ki ou vwar keksoz i mars pli byen dan lefitir.

E tousala i en keksoz ki ou vwar mon'n dir avek *CEO* ki fodre nou *build* lo sa bann zafer kot i annan *areas* pou nou *improve* fodre nou fer sa bann *improvement*.

E kouraman nou *legal officer* pe travay lo la. E ler i travay lo la i travay lo la an se ki konsern dan en lapros kot i baz li l osa bann pratik ki'n arive e ki'n donn nou en pti git difikilte.

I pa neserman bann gran, gran zafer me selman i par egzanp nou pa nou me bann zofisye eleksyon ti pe ganny en pti git retar en pti git problem pou met ansanm sa bann form, an se ki ou vwar neser akoz bann amannman ki ou vwar nou ti fer pou entrodwir *stubs*. Ou konnen i pa ti en keksoz ki ou vwar ki nou ti'n ganny fer avan. E sa amannman ki mannyer ti'n ganny drafte dapre 20 2017 ok nou bezwen anmenn li parey i ti ete.

E ler nou'n anmenn sa an fors nou ti met li pratikman petet ti kapab vin mon ti kapab fer li dan en fason pli fasil, kot i ti pou elimin en kantite letan ti'n ganny *spend* lo la.

Me sa i bann i bann legzanp bann keksoz. En lot legzanp se parey *nomination day* ou konnen, i pa en keksoz ki ou vwar in *arise per se* dan sa eleksyon.

Me en keksoz ki ou vwar i fer nou reflesir se eski, eski i pa ti pou pli bon si nou annan en sistenm kot ler en dimoun i pa met bann *procedure requirements* pou son nominasyon ganny aksepté?

Instead of dir li be tyonbo en kou Lalwa i dir ou pa kapab *proceed further*. Eski nou kapab annan bann provizyon ki

ou vwar i donn en pe letan, pou sa kandida ouswa sa dimoun ki anvi vin en kandida, ganny sa fleksibilite pou li al aranz sa sityasyon?

Ou konnen se bann keksoz koumsa ki ou vwar nou pe regarde ki pou fer sir ki tou nou bann dimoun ki ou vwar i anvi *get involve* dan *public life* i ganny otan posib sa loportinite.

En keksoz ki ou vwar nou ti dir avek Lasanble an 2020 ler nou ti anmenn bann lamannman ki nou pou regard ladan si i posib, se sa bann manrmay zenn manrmay ki ariv 18an, ant sa peryod kot rezis voter i frenmen avek sa dat eleksyon, *ok?*

Sa osi nou pou bezwen get ladan, ki mannyer nou kapab aranze ki zot drwa r pou zot vote i ganny *uphold*. Ou konnen? i bann keksoz koumsa ki ou vwar nou bezwen la ou annan sa letan la. nou bezwen *tackle* regarde ki mannyer nou kapab met sa ... legal pou nou kapab fer sa bann zafer arive. Mersi.

MR SPEAKER

Mersi *Chairman*. Nou napa bokou letan. Eski nou kapab demann *LGB* avek *LOTO* si zot le entervenir? *LOTO* wi. Si mon ganny letan mon a pas lo bann Manm ki'n ...

HON SEBASTIEN PILLAY

Mersi Mr Chairman. Bonn apre midi *panel from Electoral Commission*. Mon note ki mon vwar *Chairman* pe reponn en kantite kestyon, me Bidze i en Bidze pe rasyonnel e *CEO* ki *involve with the day today running of administration registration* pa pe donn nou ase - pa pe donn nou serten lenformasyon. Kekfwa sa i dinamik ki zot in etabli, petet nou kapab konsidere ki pou nou ganny serten lenformasyon pou nou konpran ki mannyer sa Bidze i enpakte lo zot travay.

Premye kestyon *straight forward*, ou dir nou ou pe koup Bidze so ou napa ou pa'n ogmant ou Bidze pou fer *advert* pou fer *advertorials*, bann lenformasyon ki bezwen pou ledikasyon voter.

Me selman ou *rent* in monte, ki ou'n sey eksplik nou me, mon *still* pa konpran sa lesplikasyon. Akoz ou'n dir poudir ou'n fer en reparasyon lo sa *rent* ek sa *rent*. Me *rent* i parey preski parey pou 2022.

So akoz ki Minister Finans i la so petet sey eksplik nou akoz ki nou pe pey sa 3 pwen ekek milyon Roupri pres R4 milyon pou *rent* pandan sa bann letan ki pe vini? Eski nou pa'n kapab renegosye pou fer desann sa *rent*? Konbyen ki

nou pe peye *per square metre*? i vremen enportan akoz sa i en kestyon standar ki nou demann tou antite ki vin dan Lasanble, e tou mon koleg lo lot kote latab zot rapel sa tre byen. Sa i mon premye kestyon.

Mon dezyenm kestyon. Ou'n koz lo anploy en lot *outreach officer*, be ler nou pe get ou fonksyonman e Bidze pou gannye ou CRO i sipoze pe fer *outreach* lo sa program.

So akoz ki nou pou bezwen anploy en lot *outreach officer* e nou pa *Chief Registration Officer* ki sipoze ansarz son *outreach programme* akoz sa i tonm anba son domenn? Sa i mon lot kestyon.

Ou'n nonm nou en *lawyer* ki lo *retainer*. Lekel sa Avoka ki lo *retainer* avek zot? Nou ti a kontan konnen. E mon dernyen kestyon i konsern lefe ki ou *rent* in monte, ou depans pou elektrisite in osi monte par *about* R500 mil. So petet mon ti ankor petet demann Minister Finans Mr Chairman atraver ou, pou eksplik nou ki mannyer nou pou *tackle* sa sityasyon sa *high cost of maintaining the Commission* kot i ete? *But at the same time the Commission* bezwen larzan, pou li fer lezot aktivite ki petet i ti a kapab gannye si nou ti napa sa *high*

cost of the rent ki nou pe peye? Mersi Mr Chairman.

MR SPEAKER

Mersi *CEO* ou ti a kontan adres sa bann kestyon, *rent*, *Lawyer* lo Bidze direkteman?

CHIEF ELECTORAL OFFICER MANUELLA AMESBURY

Mersi Mr Speaker, mersi Onorab. Lo kote *rent* parey nou'n eksplike boner i pa en desizyon ki nou ki'n pran pou reste la. i en desizyon ki'n ganny pran an kolaborasyon avek *Office Accommodation* apre avek Departman Finans Minister Finans.

Nou napa en *Headquarters*. I pa nou lentansyon pou nou reste laba, me selman lefe i reste ki nou napa en landrwa en kantite renovasyon in ganny fer, pou *convert* sa *building* ki mannyer i été la. E mon ava lans sa lapel la ankor pou dir Gouvernman tret li konman en priyorite pou nou kapab ganny en *Headquarters* o pli vit posib. Ki fer ki nou ava kapab *save* en kantite larzan.

Ou dezyenm kestyon i annan pou fer avek *outreach*. Sa *outreach officer* i pou travay i annan son eleman *PR* osi ki pou vin avek. Wi CRO i annan sa bout *outreach*. *Me selman* ki

nou'n fer pandan lannen eleksyon nou ti letan Eleksyon nou ti pe pran en konsiltan pou *oversee* sa bout *PR*.

So sa *outreach* i pou osi annan son eleman *PR* ki pou vin avek. Apre i pa pou *extend* zis lo kote anrezistrasyon nou'n koz lo delimitasyon nou'n koz lo *voter census*. Delimitasyon lo li menm i en legzersis ki en gro legzersis. Kot nou bezwen sansibiliz popilasyon avan. Ou bezwen eksplik dimoun ki savedir delimitasyon. E la nou pou annan bann program, kot nou pou bezwen zwenn avek bann dimoun dan bann distrik pou eksplik sa program delimitasyon so sa i eksplik en pe li.

Regarding elektrisite, ankor i annan pou fer avek *rent*. Parey sa semenn ki la Vandredi nou sipoze zwenn SACOS pou en *meeting*. Pou nou nou'n fini konmans antre dan diskisyon redwir *rent* avek li. E nou sipoze pe al formaliz sa semenn ki. So *hopefully* nou a ganny en bon repons akoz mon konnen poudir Gouvernman in lans lapel avek tou biznes pou redwir *rent*.

E lo kote nou *legal fees* i PTL nou sa *retainer* pou *legal* i PTL. Mersi.

MR SPEAKER

Mersi *PS* i annan en bout ki'n adrese pou ou.

PS DAMIEN THESEE

Mersi Mr Chair. SACOS Tower ti deza ganny *allocate* avek SNYC. Mon krwar i ti annan 4 *floor* apre *Revenue Commission* ti annan en *floor*. E ler nou ti pe *access* nou ti vwar ki i annan tro bokou lespas pou SNYC. So nou ti fer li redwir son alokasyon e sanmenm sa nou ti kapab bouz *Electoral Commission* ler i ti annan Eleksyon pou li antre la. E apre ek son bann defayans *Aarti Chambers* nou'n kontinyen *provide* li avek sa akomodasyon, e i pey li R138 mil par mwan par *floor*.

I annan 3 *floor*, sanmenm sa ki ariv sa kantite larzan. So ti deza la en keksoz ki Gouvernman ti'n pran nou'n zis *better allocate* sa bann lespas ki i annan. E nou'n sirkil sirkiler ek tou bann antite ozordi pou zot konmans sa negosyasyon avek zot bann *landlord* pou redwir zot *rent*. Mersi.

MR SPEAKER

Mersi. Dernyen pwen silvouple Onorab.

HON SEBASTIEN PILLAY

Mersi Mr Chairman. Mr Chairman, si mon ti pou vot ek

lemosyon mon ti pou dir donn ou, ou Bidze. Akoz lenportans lorganizasyon.

Me mon pa pe fer me mon pa kapab fer sa louvraz avek lemosyon. Ou bezwen fer li avek en serten regar serye. Tou antite ki pe vin devan nou, nou pe rod tou fason pou koup larzan ki fer ki sa larzan i kapab kouver saler en lot dimoun dan Gouvernman. Sa i nou bi.

R138 mil par mwan 300 ekek mil Roupie pou 3 *floor*, i en kantite larzan ki nou pe peye. So eski mon kapab demann avek Minister Finans parey ou'n fer ek lezot antite kot ou'n demann zot pou fer koupe en pe partou. Pou nou rod fason pou nou *deal* ek sa sityasyon? Akoz i pou soutenab dan long term pou nou kontinyen pey sa kantite larzan ki nou anvi donn sa Komisyon plis larzan pou li fer bann lezot travay.

En dernyen pwen ki mon le fer Mr Chairman, mon krwar ki *CEO* annou pa melanz delo ek diven. *CRO* son *outreach ii baze* lo rezistrasyon. E nou tou nou'n vwar problem ki arive konsern ki ganny eksprimen ki napa ase lenformasyon ki'n ganny donneren avek piblik.

Ou Bidze i pa parey sa lannen ek lannen pase. Mon kapab konpran *COVID* in fer ki nou pa pe bouz sa kantite. So

kestyon ki nou ti pe sey konpran, se eski nou ofer bann *advertorials* lo pey bann stasyon televizyon, bann stasyon radyo pou kapab fer bann program pou zisteman *reach* bann voter pou zot konpran ki zot pe pase. Sa larzan i ase, oubyen ou ti'n demann plis ou pa'n gannyen, oubyen ou krwar ou devret ganny plis? So se sa ki mon ti le ki mon ti pe kalifye. Mersi Mr Chairman.

MR SPEAKER

Mersi Onorab. *PS*.

PS DAMIEN THESEE

Mersi Mr Chair. Mon krwar mon'n donn garanti ki parey mon'n dir nou'n *issue* sirkiler. Ki pe egzekt sa ladres Minis Finans ki nu *initiate* rediksyon dan *rent*. So sa in fini ganny fer. *Nou'n issue ozordi*.

E parey nou dir sa 3.7 i ler nou konsider sa 25poursan *rent reduction*. So mon napa okenn garanti ki nou pou neseserman gannyen selman mon pe met devan nou annan difikilte pou pei. Alor bann *landlord* i bezwen fer zot faver.

Dezyenman osi nou bezwen note ki nou napa lezot lespas pou antre. So si en antite i egziste nou pou bezwen donn li sa rekomandasyon napa

building vid ki Gouvernman i annan. So nou pe donn langazman ki nou pe fer sa legzersis. Mersi.

MR SPEAKER

Mersi. *CEO* ou ava adres sa pwen *outreach* vitman silvouple.

CHIEF ELECTORAL OFFICER MANUELLA AMESBURY

Mersi Mr Speaker. Onorab ou'n dir nou Bidze i parey pou *advert* pou lannen avan. Lannen nou ti dan en lannen Eleksyon.

Nou'n koz lo lafason inovativ, servi teknolozi parey nou'n mansyonnen bomaten boner en kantite *actually* nou an retar par 2 mwan aköz i annan keksoz ki nou tin merit fini fer, avek *COVID* lot, lot nou'n ganny retar.

Me selman i annan en kantite keksoz en kantite aktivite ki nou pou fer, ki nou'n vwar nou menm poudir nou target zenn espesyalman pli byen par *Facebook*. Oubyen petet par nou *website*.

E so a sa pwen nou pe re regard nou bann aktivite e nou pe modifie nou pou nou kapab *meet* bezwen nou lodyans. Mersi mon *hope* mon'n reponn ou kestyon.

MR SPEAKER

Mersi *CEO*. Avek sa nou a bezwen termin deba aköz nou *overdue* pou nou lot group e mon a remerisi tou dimoun pou zot partisipan zot partisipasyon.

Nou pe vot lo Bidze *Electoral Commission* lo paz 101 ziska 104, pou en Bidze R12 milyon 30mil. Manm ki an faver lev lanmen silvouple, wi mersi okenn Manm ki kont? Mersi Bidze *Electoral Commission* paz 101 ziska 104 pou en total R12milyon 30mil in ganny 22 vot pour 0 vot kont e 7 abstansyon. Alor Bidze in ganny aprouve. Mersi *Chairman* ek lezot zofisyè *Ectoral Commission*. Nou apresye zot kontribisyon. E nou ava *adjourn* la e nou a rebran 4er. Mersi.

(BREAK)

TRUTH RECONCILIATION AND NATIONAL UNITY COMMISSION

MR SPEAKER

Mersi. Nou pe pran Bidze *Truth Reconciliation and National Unity Commission*, lo paz 128 ziska R131 pou en Bidze 12 milyon 70mil 178mil. E avek nou, nou annan plezir annan Mr Michael Green

Commissioner, e Mrs Marie-May Leon en *Commissioner*.

Nou ava envit Mr Green pou fer en reprezantasyon son Bidze *please*. Konmanse Mr Green.

COMMISSIONER – TRNUC – MICHAEL GREEN

Mersi Mr Speaker. Bonzour tou bann Onorab. Mon pou al direktman lo nou Bidze lo *TRNUC* pou lannen 2021. Nou Bidze pou sa lannen i pou R12 milyon 378mil ki en rediksyon R906mil an konparezon avek nou Bidze 2020.

Lo la i annan R7milyon 543 mil pou lapey, 4 milyon 635 mil pou *'goods and services.'* sela kot i annan nou pli gran rediksyon R1milyon 8 mil.

Tandis ki lo lapey i annan en logmantasyon R102mil. Sa i vin logmantasyon lo lapey i annan en 5poursan *supplementation allowance*. Epi i annan en lapey ogmantasyon ankor, pou bann ki'n ganny lan servis. Epi i annan gratwite pou travayer, sa in desann par R134 mil.

Lo *'goods and services'*, nou annan en rediksyon parey mon'n dir en milyon ekek Roup. I prensipalman lo rediksyon ki nou'n nobou gannyen avek *provider IT*

service, pou *audio visual recordings*.

I annan en rediksyon osi ki'n *build-in* lo *rent*. E sa i pou depan lo negosyasyon avek *landlord*.

'Minor capital outlays nou annan en rediksyon R12mil. Sa i aköz nou pa pe aste meb ki nou'n fini aste an 2019 ek 2020. Me nou pou depans en pe lo lekipman pou sekirite dimoun ki vin dan *building*. Dimoun ki travay dan sa *building*. E nou pou annan en pti depans pou en lekipman pou ed nou fer tradiksyon.

An gro, se sa nou Bidze pou sa lannen. Mon krwar mon a les li la prezan si i annan kestyon mon a sey donn otan lenformasyon ki nou kapab, ki tou Onorab i le konnen. Mersi Mr Speaker.

MR SPEAKER

Mersi Mr Green. Mon a demann bann Manm ki'n lev lanmen o konmansman, silvouple zis re-lev lanmen ankor enn fwa. E Onorab Bistoquet en lanmen i sifizan ou pa bezwen lev paviyon! Zis tenir en pti kou. *Ok* mon krwar mon'n ganny tou. Mersi e mon rapel bann Manm pou gard zot kestyon *focus* lo Bidze silvouple, menm si i annan en kantite kestyon enteresan ki zot ti

kapab leve pou travay son Komisyon. E mon a konmans avek Onorab Aglae.

HON EGBERT AGLAE

Mersi Mr Chair. Bonn apre midi *Panel Truth and Reconciliation*. I annan konponan pou *rental* mon ti a kontan Mr Green i eklersi Lasanble lo zot kou, an vi ki ti annan en oponan pou sa *housing rental*, eski dan sa negosyasyon i osi pe ganny fer pour annan bann rediksyon? Akoz ti annan sonm ki ti ganny mete mon pa pe war. Eski sa *rental* pou lakaz in ganny sorti e ti pour lekel sa *rental*?

Dezyenm, i konsern sekirite – *ok*? Si ou kapab donn nou en leksplikasyon, akoz mon war en Bidze kot i konsern sekirite, akoz nou war akoz Lapolis osi i ede dan zot travay, eski sa sekirite ou pe dir nou, poudir i konsern lezot *additional securities* ki an deor sa travay ki *Truth and Reconciliation* pe fer? Mersi.

MR SPEAKER

Mersi Onorab. Mr Green.

COMMISSIONER- TRNUC - MICHAEL GREEN

Bon nou *component rental*, lakaz ki ti pe lwe R48mil par mwan, nou'n ganny en rediksyon, in desann in ariv

R44mil par mwan. Sa i pour *chairperson* e i anliny avek son Kontra ki i ti negosye ler i ti vini an 2019.

Rental lo nou *building*, lo nou biro nou an negosyasyon avek *landlord*. Nou *landlord* in fer resorti ki dan sa *building* i annan en *gymnasium* ki'n fermen. I annan en bann magazen ek bann landrwa vann manze anba ki pa pe fonksyonnen, ki labank pa'n donn li okenn *break* lo son *repayments*.

Alor ziska prezan nou pa ankor kapab ganny en reaksyon pozitiv avek li.

Sa *rental* ki mon'n mansyonnen i pou le moman i R179mil 975 par mwan. I pour en siperfisi 520met kare. Ki fer nou si mon pa tronpe R346 par met kare.

Lo ou dezyenm kekyon pour sekirite, nou annan en dimoun ki travay koman *security guard* avek nou, ler nou annan bann *hearings* i annan Lapolis ki ed nou.

Me selman nou napa okenn lekipman pou *screen* dimoun, oubyen pou annan okenn lot proteksyon dan *building*. Letan nou pe fer en *hearing* i annan en kantite dimoun ki antre.

E mon krwar i neserer ki nou annan en serten lekipman

pou *screen* pou vwar si napa okenn *metal detectors* ensidswit. Se sa lekipman ki nou pe rode.

MR SPEAKER

Onorab Aglae.

HON EGBERT AGLAE

Mersi Mr Green pou ou larepons. Zis fer levanter, an vi ki i annan en lapel ki Gouvernman li menm li in fer pou annan bann rediksyon *at least* 25poursan. E ou'n nonmen poudir zot in sorti 48mil pou desann 44mil.

Mon krwar zot ankor *still* en pe lwen ek 25poursan, akoz si ti ganny 25 ti pou ariv apepre en R36mil.

Eski zefor in ganny ase fer pou zot *achieve* sa? E dezyenmman kot lozman li menm kot ou ti pe dir mwan ou *chairperson* pe reste, eski sa laspe sekirite i osi laba pe ganny kouver anba sa Bidze kot son lozman? Mersi.

MR SPEAKER

Mersi Onorab. Mr Green.

COMMISSIONER – TRNUC – MICHAEL GREEN

Kot lakaz Chairperson napa okenn gard sekirite, i annan en sistenm *camera* ki *landlord* in enstale. Lo kestyon son *rental*

pou desann, pou sa ki mwan mon konpran sa 25poursan i en *target figure*, i pa obligatwar. E i depan lo sa *landlord* pou gete si zot pou fer desann ki kantite zot pou fer desann.

Mon pa kapab enpoz naryen lo zot, mon kapab negosye. Mersi.

MR SPEAKER

Mersi Mr Green. Onorab Bistoquet.

HON ROSIE BISTOQUET

Mersi Mr Chair. Mon kestyon i vize ver son '*constraint*.'

MR SPEAKER

En pe pli for Onorab.

HON ROSIE BISTOQUET

Kestyon vize ver kontrent kot i letan mon pe regarde i dir i annan '*delays challenges*,' *delays*' dan '*investigation cases due to limited investigation resources, in terms of Human Resource*.'

Me selman letan mon get lo sityasyon ki'n pase ti annan 3 travayer kot *Truth* laba, ki ti ganny, mon pa konnen *redundant* oubyen swa, *whatever it is*, e i ti arive boner Desanm e parmi ladan i annan en *investigators as well*.

E letan mon get sa Bidze ki'n mete pou *recruitment*, pou

recruitment resource. I annan en, zot pe regarde pou gete zi zot kapab ganny *interns overseas*.

Mon kestyon ki mon ti a kontan demande, konbyen i pou kout zot *in terms of airfares accommodation, GOPs, local expenses*, si zot pe fer vini sa 3 *interns*. E konpare ek sa 3 ki'n ganny pouse zot 3 Seselwa e parmi mon dir ladan in *investigators*.

E lot keksoz ladan letan premye dimoun ki'n koze, in koz lo *rental*, ki nou trouve ki i ase o, eski ou krwar i napa konfli lentere *in terms of the landlords* ki zot pe lwe sa *building* avek? Mersi Mr Speaker.

MR SPEAKER

Mersi Onorab. Mr Green.

COMMISSIONER – TRNUC – MICHAEL GREEN

Bon, an premye sa kestyon lanplwa 3 dimoun ki'n ganny aret travay, i en keksoz ki pa afekte nou Bidze.

Dezyenmman *interns* ki nou pe fer vini ki nou pe demann permisyon pou zot vini sa bann *interns* i pey tou zot depans. Nou pa pey lakaz nou pa pey *airfare*, nou pa pey naryen. Zot oule ganny leksperyans travay dan en

transitional justice system. E se pour kwa zot in ofer zot servis.

Pour le moman i annan en kontrent lo *investigation* akouz nou annan 5 *investigators*, i reste nou ankor apepre 230 ka.

E sak ka ki ou bezwen kontakte temwen ou bezwen rod dokiman ou ganny rezistans annan fwa i pa fasil. I pa en keksoz ki ou pez en bouton ou ganny son larepons.

Lo kestyon *rent* parey mon fek dir i en keksoz ki negosye i pa en keksoz ki nou pa kapab enpoze. Mersi.

MR SPEAKER

Mersi Mr Green. Onorab Gill.

HON CHURCHILL GILL

Mersi Mr Chair. Bonn apre midi Mr Green ek ou delegasyon. Mr Green mwan mon pour viz ou latansyon ver latab 3 kot i met *heading 'performance measures for programme*. ‘

Anba sa latab pou 2020 ou'n ekout 90 ka. Me selman pou 2021, ou pe prozekte 189 ka anba kantite *case* ki'n ganny fayle. 2020 ti 55, e 2021 - 247.

Kantite *witness* ki ou'n tande 2020 ti 30, an 2021 ou'n prozekte en sif 663. E *number of hearings* 2020 ti 50, 2021 ou'n met 210.

Me selman an menm tan ler ou'n dir nou ou annan

kontrent avek lenvestigasyon apre ou *human resource*.

Mon kestyon se ki rasyonnal ou'n servi, pou ou kapab *come up* ek sa bann groser sif pou 2021? Mersi.

MR SPEAKER

Mersi Onorab. Mr Green.

COMMISSIONER – TRNUC – MICHAEL GREEN

Bann sif ki mannyer in ganny mete i paret ki i pou 2021. Me i en sif kimilatif; savedir ki a lafen 2021 ou antann sa kantite ka, nou ava'n ekout sa kantite temwen. I pa vedir ki nou pou ekout tou sa bann ki anba 2021 an 2021. I enkli bann ki nou'n ekoute an 2019 e 2020.

MR SPEAKER

Onorab Gill, wi.

HON CHURCHILL GILL

Baze lo ou larepons sa bann sif still pa *add up*. Annou pran zis en legzanp avek *witness*, sa 2 lannen ou'n war 50, me selman ou a pe dir nou 663; en gran diferans.

Sa larepons ki ou'n donn mwan definitivman i pa pe *add-up*. Petet nou ti a ganny en pli bon leksplikasyon pou sa bann kalite sif, sa groser sa bann sif i ete. Mersi.

MR SPEAKER

Mersi Onorab. Mr Green si oule pas sa kestyon pou lot *commissioner*, i kapab reponn osi li en. Ou'n demann li reponn? Yes madanm.

MRS MARIE-MAY LEON

Mersi Onorab pou ou kestyon. Letan nou pe get sa bann *figures*, parey 2019. 2019 nou ti, letan ki nou ti komans *hearings* ti *nearly fourth quarter*. E la nou ti ankor pe komanse, e nou *process* ti en pe pli lant. *That's why* nou *figure* ti pli ba. Apre 2020 nou ti'n *schedule* en bon pe *hearings*. Me avek *COVID* ki ti vini, nou tou bezwen aret en pe, konmsi nou pa ti, nou ti komans an Me.

Prezan tou nou bann *case* ti akimile. Ou pou vwar poudir *by the time* ki nou ti pe fer sa legzersis, nou ti deza dan mwan Out, Septanm.

So most of nou bann *cases* prezan i pou akimile, akoz nou pou *catch up* dan letan nou ti *resume* an Septanm/Oktob/Novanm, kot sa bann *figures* pa'n ganny *fractor-in into* sa *target* e i pou ganny kouver dan nou *target* 2021. *So that's why* ki ou vwar i annan sa *disparities* dan nou *figures*.

MR SPEAKER

Wi, silvouple terminen wi.

HON CHURCHILL GILL

Ou leksplikasyon ki ou'n onn *mean*, la 2021 nou ankor dan *COVID*, alors definitivman sa sif i annan en problemm avek.

Akoz ou pou *still* pa kapab fer bann *hearings* pou ou kapab *achieve* sa bann kantite sif. Petet i en *overlap*, me selman i definitivman i pa zistifyab. Mersi.

MR SPEAKER

Wi, madanm.

MRS MARIE-MAY LEON

I parey mon pe eksplik ou, akoz parey ou pe dir letan nou pou fer nou, letan nou pou *review* nou *target* ou pou vwar poudir i pou annan en *amendment* dan nou *target achieved*.

Epi nou pou *review* so i en sif ki parey nou dir i pou aziste *as we go along*, akoz nou espere *catch up* avek nou *backlog hearings as we resume*, akoz nou pe antisipe fer plis *hearing* ki nou'n *plan already*.

So by the end of the year, nou kapab *catch up* avek nou *hearing*, me i pa pou reflekte dan nou *mid-year review*.

Kekfwa letan nou pou vini lannen prosenn, nou pou vwar poudir nou *target* i pou'n sanze osi. So en pe koumsa ki nou pe fonksyonnen. Mersi.

MR SPEAKER

Mersi. Mr Green oule azout keksoz – wi?

COMMISSIONER – TRNUC – MICHAEL GREEN

Zis pour mansyonnen ki ordinerman nou fer 10 *hearing* tou le mwan. Be nou'n programmen ki komansman le 12 Avril ler nou rebran, nou pou fer plis *hearing*, omwen 15 par mwan pou nou *catch up* ek sa *backlog*.

MR SPEAKER

Mersi Mr Green. Onorab Zialor.

HON NADDY ZIALOR

Mersi Mr Speaker. Mr Speaker mon zis anvi retourn lo 'recruitment' si permet mwan. Apard ki *the Chairperson* li menm eski zot annan okenn *expatriate* ki pe travay kot zot? Eski zot annan en *Perpetrator Unit, Support Unit*?

Epi eski sa *unit* pe resevwar en saler? Apre konbyen drayver ki zot annan kot zot pe anploye? E ki lo zot *payroll*? Mersi.

MR SPEAKER

Mersi Onorab. Mr Green.

COMMISSIONER – TRNUC – MICHAEL GREEN

Mersi pou ou kestyon Onorab. Mersi Mr Speaker. I annan zis nou Chairperson ki pa Seselwa kot *TRNUC*, tou lezot travayer i Seselwa.

Nou annan lo kestyon *drivers* i annan 2 *drivers*. Enn ki an konformite avek Kontra lanplwa nou *Chairperson*, i son drayver *allocated* pou li. Nou dezyenm sa dezyenm *driver* i atase avek biro e i prensipalman fer *dispatch*.

Nou prefere pran en prensip delivre let pou enform dimoun kan zot bezwen vini, i pli, nou annan plis konfyans ladan ki si nou met lapos nou pa konnen kan i pou arive.

Se pour sa rezon ki nou annan en drayver ki fer *dispatch* toulezour. Mersi.

MR SPEAKER

Mersi Mr Green. Onorab Henrie.

HON GERVAIS HENRIE

Mersi Mr Chair. Bonn apre midi tou dimoun. Mr Chair mon annan 2 kestyon ki vize lo Bidze me zis en pti sizesyon avan pou Mr Green. Mon pe get zot *website*, tre byen, me selman mon ti ava apresye si zot ti kapab fer en *link* lo zot *website* avek zot bann *YouTube video* ki fasil pou dimoun si i anvi re *catch up* avek.

Lo kestyon Bidze, dabor mon war poudir zot in, dan zot priyorite stratezik zot in mete ki zot anvi devlop Polisi lo kote konpansasyon, lo kestyon preparasyon, e osi *amnesty procedure*.

E mon osi war lo zot *website* zot in fer en kestyonner pou demann piblik, e mon ti'n war en reportaz lo televizyon vizavi sa size.

Donk mon anvi demann zot si dan Bidze zot in fer okenn alokasyon spesifik pour sa e kote i ete? Mon premye kestyon.

Dezyenm kestyon an se ki konsern tradiksyon. Eski zot pe peye pou tradiksyon e si wi, akoz zot pe tradwir sa bann temwannayaz *from* Kreol pou Angle silvouple? Mersi.

MR SPEAKER

Mersi Onorab. Yes, *Commissioner* Green.

COMMISSIONER - TRNUC - MICHAEL GREEN

Mersi Mr Speaker. Mersi Onorab. Premyerman mon *welcome* ou sizesyon ki nou met en *link* lo nou *website* avek *YouTube*. Nou ava koz avek sa *service provider* pou li fer sa.

Ou dezyenm parti ou kestyon lo konpansasyon ek reparasyon. Nou pe formil en Polisi ki pou kapab ganny servi

dan bann ka ki similer. Par egzanp si en dimoun in ganny arete in ganny detenir, san ganny sarze, san ganny akize, nou pe sey gete ki mannyer ou kapab determinen;- si par egzanp ou kapab dir pou sa ki zour ki in ganny fermen, i ganny en montan tan. Oubyen i annan en ka par egzanp ki nou kapab mansyonnen ki nou pe komans swiv li koman en *case*. Ki mon krwar bann Avoka i konnen;

Se Fanchette en nonmen Fanchette ki ti pourswiv Gouvernman, akoz son msye ti'n ganny touye. Ki mannyer ou kalkile ki domaz ou pou donn en dimoun, ler son msye oubyen son papa, oubyen son frer in ganny touye? Sa i bann kot nou pe formil sa Polisi.

Sa Polisi pa pe kout nou pou le moman pou formile. Akoz nou pe servi bann dimoun, bann spesyalis dan *Human Rights Laws* ki annan leksperyans enternasyonal. Zot in ofer nou zot servis *pro bono*, ki i annan apepre en kenzenn zot.

Trwazyenmman lo -

MR SPEAKER

Eskiz mwan Mr Renaud sa? Eski ou pe dir i pa dan ou Bidze? Akoz mon krwar kestyon

Onorab ti kote i trouve dan ou Bidze?

COMMISSIONER- TRNUC - MICHAEL GREEN

I pa dan Bidze.

MR SPEAKER

I pa dan ou Bidze. Tre byen, mersi.

COMMISSIONER - TRNUC - MICHAEL GREEN

Trwazyenmman lo prosedir *Amnesty* parey mon ti eksplike lo sa program lo televizyon, i fer ki i en keksoz ki premye fwa i ariv dan sosyete Seselwa sa kestyon *Amnesty*.

Nou'n fer en kestyonner nou pe anvoy kot bann ki'n konplenan, bann temwen, bann ki pa konplenan nou'n met kopi en pe partou, i lo nou *website*. Pou nou konnen ki Seselwa i oule vizavi *amnesty*.

Eski Seselwa i pare pou pardonnen, pou al devan; pou fer rekonsilyasyon? Se sa ki nou pe sey etabli.

Katriyenmman lo *translations*, bann tradiksyon nou bezwen fer tradiksyon sorti an Kreol pou vin an Angle. Akoz dapre sa Lalwa ki'n etabli, *TRNUC* i dir nou *English is the working language of the commission*.

Dezyenmman nou *Chairperson* pa koz Kreol, nou annan tou *audio visual recordings*, parey in arive nou gard li an Kreol sa nou pa tradwir.

Me nou fer transkripsyon sa ki sa dimoun in dir, e se sa ki nou tradwir. E ler nou tradwir li, nou tradwir li lo menm paz ki'n ganny enprimen, oubyen ki'n ganny antre lo *computer* an Kreol. Nou fer li en paragraf Kreol, deswit apre nou met en paragraf Angle.

Nou pa pe pey person pou fer sa. Pou le moman nou annan apepre 6 volonter, i annan 2 zot Langleter, *Seychelloise*. E i annan lezot isi ki ed nou fer sa ban tradiksyon. Me napa, i pa kout nou naryen.

MR SPEAKER

Mersi. Mersi Mr Green. Onorab Ghislain.

HON CHANTAL GHISLAIN

Mersi. Bonn apre midi tou dimoun. Mon kestyon i vize lo zot bann *spending* en? I annan en *spending*, sa fon ki ou'n eksplike sa R200milyon pou *travel* pou sa madanm *Australienne*, R200mil wi *sorry* pou madanm *Australienne* ki sipoze al kot li.

Mon kapab konnen anba sa R200mil konbyen fwa i pou

travel pou li al kot li? E eski i pe *travel first class*? And osi anba bout kot '*housing*', nou pa vwar dan ki par Bidze i ete, menm si ou'n dir nou poudir in sorti 50mil in desann 44mil.

Eski ou kapab montre nou ki anba ki kote i tonbe anba Bidze akoz mon pa war okenn par. Apre sa madanm li menm, sa madanm *Australienne* li menm, mon kapab konnen kekfwa *PS* i ava kapab eksplik nou en pti pe, apepre konbyen nou pe depanse dizon lo sa madanm *Australienne*, lefe ki i annan en drayver pou li, nou pe lwe en lakaz R44mil.

Selman nou bann lezot Ziz isi zot kapab desann ziska R30mil? So pou son vwayaz 200mil ki monn mete avek tou ban lezot ki zot annan. Mersi Mr Chair.

MR SPEAKER

Mersi Onorab. *PS* ou ava al avan, premye. Mr Green les *PS* adres sa pwen.

PS DAMIEN THESEE

Mersi Mr Chair. Petet mon ava klarifye sa *housing rent*, ki ti 54mil ki mon krwar tar lannen pase zot in negosye pou ariv 43mil,320 par mwan pou Komisyoner.

Sa malerezman ou pa pou war li dan Bidze, akoz i en

omission ki nou'n aktyelman fer dan alokasyon, so sa nou pou bezwen korize *midyear*. So sa i lo lapar Minister Finans.

E apard sa *housing* ki ti *previously* 54mil, Komisyoner osi i ganny li en *package* R87mil R164, apre i ganny li sa *monthly entitlement* pou *travel* ki enkli son fanmir.

Mon krwar i annan en konpanyy avek zanfan. E osi i annan son lasirans medikal ki sipoze peye osi dan Bidze. Mersi.

MR SPEAKER

Mersi. Mr Green ou ava adres lezot pwen si ou'n pare.

COMMISSIONER – TRNUC – MICHAEL GREEN

Pour vwayaz pou al *Australie* depi in vini an 2019 i pa ankor ale, kekfwa sa lannen i ava ale.

MR SPEAKER

Ti annan lot pwen.

COMMISSIONER – TRNUC – MICHAEL GREEN

Mon krwar *PS* in adres bann lezot pwen. Mersi.

MR SPEAKER

Ou annan, wi Onorab Ghislain ou kapab dir nou.

HON CHANTAL GHISLAIN

Mersi Mr Chair. Mr Chair lefe ki nou pe regarde ki sa madanm *Australienne* i, konmsi i ser pou nou.

Letan nou pe regard menm son kou lakaz, menm si in desann in ariv R44mil, kan nou annan, dan nou dernyen sityasyon la, kot i annan Seselwa ki ni menm R15mil nou pa kapab donn li pou asiste li pou pey son lakaz.

And Ziz, nou bann Ziz ki nou dir nou bann Ziz zot bezwen ganny proteze *and all*, sa in sa, zot, zot pe lwe lakaz zis R30mil.

Eski napa bann lezot lakaz ki nou kapab tir sa madanm ladan al met li? Parske mon asire i annan bokou bann lezot lakaz la dan sa bann moman, ki ti a voudre kapab ofer en *package* bokou pli ba, ki sa R44mil pou nou kapab ofer pou sa madanm kapab al reste dan en lot lakaz. Mersi Mr Speaker.

MR SPEAKER

Mersi Onorab. Mr Green ou ava adres sa.

COMMISSIONER – TRNUC – MICHAEL GREEN

Mersi Onorab. Mersi Mr Speaker. Si i annan enn sa bann lakaz ki disponib, nou ti a kontan konnen. Mersi.

MR SPEAKER

Onorab mon konpran sa ki Mr Green pe dir, in fer son mye lo kote Komisyon, so nou ava bezwen aksepte sa. Ok, klarifikasyon ankor?

HON CHANTAL GHISLAIN

Yes Mr Chair. Akoz Mr Green in dir nou si nou annan montre nou. Eski i pe dir nou ek piblik Seselwa la deor ki annan lakaz pou lwe ki kapab ofer bokou pli ba ki R44mil, i kapab vin kot zot ozordi dir be ok, mon vin prezant komisyon avek sa, la mon lakaz mon pe lwe pli ba ki R44mil? Mersi Mr Chair.

MR SPEAKER

Mersi. Mr Green.

COMMISSIONER – TRNUC – MICHAEL GREEN

Parey mon'n dir si i annan nou ti a kontan konnen. Mersi.

MR SPEAKER

Tre byen, mersi. Onorab Esparon.

HON REGINA ESPARON

Mersi Mr Chair. Mr Chair anba 'goods and services', anba 'goods and services,' anba 'services agreement' i annan en alokasyon 1milyon 182mil, ok? Nou ti ava kontan konnen dan

ki fason sa 1milyon 182mil pou ganny depanse silvouple?

E dezyenmman Mr Chair, Mr Green in dir nou i annan 7milyon R543mil ki'n ganny mete a dispozisyon Komisyon pou saler.

Eski i annan en disparite dan kad saler ban travayer? Par egzanp *receptionist*, i annan *grafter*, *investigator*, drayver e lezot?

Eski zot pe swiv *PSO* e bann *norms* ki ganny etabli par *DPA*, kot zot travay i ganny ankadre dapre klarifikasyon e leksperyans? Oubyen eski zot konsider zot komisyon endepandan e otononm? Mon ti a kontan ganny gidans *PS* lo la.

Parski demen si sa travayer i *aggrieve*, i a konnen kote i pou ale? *PSAB* oubyen Tribinal Lanplwa?

Parske i paret ni enn, ni lot. Par lefe ki i annan zot travayer ki pe rod rekour ki'n vin vwar nou e in eksprim sa konsern. Mon ti a kontan en leksplikasyon Mr Speaker.

MR SPEAKER

Mersi. Nou annan en bout pou Mr Green en bout pou *PS*, e lekel ki ti ava kontan pran premye? Mr Green, ale.

COMMISSIONER – TRNUC – MICHAEL GREEN

Lekel bout ki pou mwan?

MR SPEAKER

Onorab lekel pwen ki oule Mr Green i adrese la? Mikro silvouple.

HON REGINA ESPARON

Mersi Mr Chair. Mr Chair *panel* i ava deside zot menm lekel ki pou reponn. Lo kote ...

MR SPEAKER

Hold on en pti kou, si mon kapab klarifye Mr Green. So son premye kestyon ti lo ‘*goods and services*’ ki mannyer i pe ganny depanse. Dezyenm pwen son kestyon se kondisyon diferan travayer si zot pou tonm anba *PSAB* oubyen sa, si mon konpran byen. Alor Mr Green petet sa premye bout lo ki mannyer Bidze ‘*goods and services*’ i ganny *allocate*. Wi, madanm pou adrese?

MRS MARIE-MAY LEON

Mersi Onorab pou ou kestyon, lo kote anba ‘*goods and services*’ sa *budget line* ‘*other service agreement*.’ Nou se sa ki nou pey nou *audio visual services*, i sarz nou, i *visually* i ti *R80 thousand per month, which is R8000 per day*, pou cover nou session.

E nou *sit 10days per month that’s on average*, so nou

ti budget li at R80 thousand per month. E la parey Mr Green in dir dan son *introduction*, nou’n ganny en *reduction in that* ki prezan i *R7000 per day which is R70 thousand per month*.

E osi nou ti annan *IT services* ki nou ti’n *budget on average, R30 thousand* ki ti devan *Procurement*. Me selman sa ankor i annan bann lezot travay ki nou pe fer, *so that*, se sa ki nou’n servi pou nou ganny sa *amount*. So it covers *audio visual and IT Services* anba ‘*goods and services*’. Mersi.

MR SPEAKER

Mersi Madanm Komisyoner. Nou ava, *PS* lo parti lo travayer?

PS DAMIEN THESEE

Mersi Mr Chair. Lo kad saler *Truth Commission* mon krwar sa i pou kontiny konversasyon bomaten lo sa *issue* lotonomi. Bann kalite komisyon koumsa ki swadizan endepandan, zot fer zot prop kad saler. E napa okenn *sort of proper framework* ki regulariz zot saler.

E sa in touzour enn nou konsern lo ki mannyer bann Komisyon endepandan ki *meet* zot saler. Akoz ou pou war par egzant bann drayver i ganny R15mil. E ler ou’n konsider en drayver, bann Drayver Minister

Finans ti pou kontan ganny R15mil zot osi.

So nou annan serten *sort of* defayans, lo fason sa bann saler bann komisyon endepandan, oubyen antite endepandan i ganny administre. Akoz mon war i annan de pwa, de mezir dan tretman saler.

E petet osi zis permet mwan pou reponn sa kestyon lakaz, mon krwar in annan zefor pou redwir sa *rent from* 54mil to 40mil.

Me solman *challenge* sete sa Kontra ti ganny negosye pou ganny sa kalite lakaz, sa nivo. So mon krwar i annan lakaz ki *available lo market* ki annan pri rezonnab, me selman son Kontra ti ganny negosye pou sa kalite lakaz sa nivo. Mersi.

MR SPEAKER

Mersi PS. Wi Mr Green si ou ti ava kontan azoute wi.

COMMISSIONER – TRNUC – MICHAEL GREEN

Mersi Mr Speaker. Mon ti a kontan azoute poudir nou *driver* par egzanp lo R15mil. I pa zis en *driver*, i osi ede fer lezot travay par egzanp i, sa ki nou apel en *perpetrator support officer*.

Tou bann *perpetrators* li i rankontre zot, i sey koz ek zot, i

sey konvenk zot vin devan, vin dir sa ki'n pase, sa ki'n arive e mon kapab dir Lasanble poudir ziska prezan in mars tre byen.

MR SPEAKER

Ok, mersi Mr Green. Onorab Uranie.

HON ROCKY URANIE

Mersi Mr Chair. Mr Green mon war ki an zeneral '*office expenses*' pe kontinyelman monte. Me selman pou delo mon vwar an 2020 ti 32mil, apre pou sa lannen mon war li 7mil apre i pe ganny prozekte pou vin 34mil.

Prezan mon ti a kontan ou donn mon en klarifikasyon lo la? Sa gran *fluctuation please*. Mersi.

MR SPEAKER

Mersi. Mr Green oubyen ou, akoz mon war Madanm Leon pe adres bann size spesifik lo Bidze.

Repet son kestyon *office expenses* e spesifikman lo *Bill* delo ki ti o, in desann apre in remonte. Korek Onorab Uranie?

HON ROCKY URANIE

Wi Mr Chair.

MR SPEAKER

Korek. *Yes Commissioner*.

MRS MARIE-MAY LEON

Yes, mersi Onorab pou ou kestyon. *When it comes to* delo letan nou ti *move in*, dan sa *building* an 2020, nou pa ti vreman konnen kwa ki ti pou nou *Bill* delo.

So nou ti met en *amount*, e letan *during* 2020 nou'n vwar poudir nou *Bill* delo ti vreman *little*, me selman mon mazin en i en *oversight* lo nou par pour 2022 pour sa kantite so nou ava koriz sa avan.

MR SPEAKER

Mersi *Commissioner*. Kote isi ti Onorab Labrosse? Ou ti annan kestyon? Wi.

HON RICHARD LABROSSE

Good afternoon Mr Speaker. *Good afternoon* Mr Green ek ou *panel*. Dabor nou ava felisit ou pou sa travay ki ou pe fer pou anmenn linite ek rekonsilyasyon dan pei.

Me selman mon annan en pti pe konsern lo sa *Bill rent* ki zot pe peye. Mon pou plito adres mon kestyon ver *PS Thesee* la en.

Eski dan Minister Finans zot annan en *unit* ki *monitor* bann lagreman ki bann antite parey ki nou annan ozordi?

Nou'n annan enn pti pe pli boner kot zot satisfè avèk lafason ki nou pe depans nou

larzan konmsi avèk bann lagreman ki nou pe fer?

Dezyenmman mon ti a kontan konnen si sa prosedir lakaz lwe, avèk sa prosedir *rent* ki zot pe peye, se si ki mannyer prosedir *procurement* ti pase? Mersi.

MR SPEAKER

Mersi. *PS*.

PS DAMIEN THESEE

Mersi Mr Chair. Pou akomodasyon bann lofis i annan 2 *Accommodation Committee* ki plizoumwen fer sa *vetting*. Me solman dan bokou fwa *challenge* se ki ou napa bann akomodasyon ki *available* pou ou kapab vreman swazir.

Ou napa, ou plizoumwen annan *scarcity* dan plas konpetisyon, pou annan bokou. Mon pa pou rapel si Komite ti donn laprouvasyon pou petet Mr Green ti ava klarifye pou zot lespas oubyen non.

Me solman lo bann akomodasyon lakaz, sa i plizoumwen ganny *delegate* avèk bann Minister zot menm pou fer. Napa vreman *procurement processes* oubyen Polisi lo ki mannyer bann Minister i rod bann akomodasyon lakaz.

Zot sipoze zot, zot menm fer zot resers, gete ki kantite, ki

kalite akomodasyon ki annan dapre zot bezwen. Mersi.

MR SPEAKER

Mersi *PS*. Ou'n terminen kestyon? *Ok*, Onorab Michel Roucou.

HON MICHEL ROUCOU

Mersi Mr Chair. Bonn apre midi Mr Green avek ou koleg.

Mr Green ou'n dir lo komansman poudir se ki sa alokasyon kot zot baze i annan en laboutik e i en landrwa ki vreman bizi; toulezour ou war bann dimoun pe *roam about* la, e i en landrwa rezidansyel.

Pour sa zafer *rent* ki nou pe ganny dir poudir i vreman o i pe kontinyen pe monte, eski zot santi poudir i en landrwa ki an sekirite, pour vi ki zot pe dil ek bann *case* ki vreman sansib, i an sekirite pou zot ban kliyan ki vini.

Eski zot annan okenn plan pou zot bouze, rod en lot lokasyon ki petet i ava an sekirite? Mersi.

MR SPEAKER

Mersi Onorab. Mr Green.

COMMISSIONER – TRNUC – MICHAEL GREEN

Mersi Mr Speaker. Mersi Onorab. I en landrwa ki nou realize i annan serten kontrent,

serten problem. Se pour kwa nou'n met en demann dan nou Bidze pou nou aste serten lekipman sekirite.

Lo kestyon *relocate* fodre nou realize ki manda sa Komisyon i fini le 9 Out 2022. I reste nou zis apepre 14mwan.

E nou pa krwar ki i apropiye la pou al dan en lot batiman, pou refer tou bann zafer enstalasyon, partision, sanz tou keksoz zis pour enn an ek detrwa mwan. Alor pou le moman nou pa pe anvizaz sorti. Mersi.

MR SPEAKER

Good. Mersi Mr Green. Onorab Pillay.

HON SEBASTIEN PILLAY

Mersi Mr Chairman. Mr Chairman mwan mon filozofi se ki si nou kapab fer pli byen nou fer pli byen ozordi ki nou ti fer yer. So mon pou al lo mon kestyon direk. An relasyon avek sa bann size *rent* ki pe leve, e Minister Finans in donn nou bann *breakdown* lo bann depans ki nou pe fer.

En *package* R87mil, en *rent* lakaz ki en moman ti R54mil e ozordi nou'n fer desann pou vin R48mil. 2 tiket avyon ki mon prezimen i *business class* pou R200mil.

I en kantite larzan nou pe peye, e dan en letan ki Lasanble pe rod tou fason, pe rod tou mezir pou sey fer tou koupir, san nou, nou afekte efikasite Komisyon e travay ki zot bezwen fer dan lezot landrwa, mon krwar i demande ki i annan en zefor ki ganny fer pou redwir serten kou kot nou kapab redwir. Sa i en largiman lozik ki nou bezwen fer.

E mon t ava enplor Minister Finans pou regard ladan, ler nou koz sa kalite lakaz ki nou pe lwe. Be selman ki kalite lakaz ki nou pe rode ek R54mil? Ou konpran?

Akoz mon war i drol nou bann Manm lo lot kote latab i reste trankil lo la, i en size ki enportan.

(Interruption)

HON SEBASTIEN PILLAY

Napa ase letan pou demann kestyon tre byen. Ozordi napa ase letan. Mersi Mr Chairman mon pou al lo en pwen.

Mr Green aköz ki vi ki ou bezwen en *perpetrator support officer*. Aköz ou pa *recruit* en *perpetrator support officer* ki'n *train*?

Mon konnen ou pe fer lekonomi la ek ou drayver avek sa, me selman *is this the right*

approach ki zot sipoze pe pran? Sa i en kestyon ki mon annan.

Dezyenm kestyon ki mon oule souleve, Minister Finans in koz lo sa bann antite i annan serten lendepandans, pou zot fer serten depans.

Onorab Bistoquet atraver ou Mr Speaker, in demann en kestyon konsernen konfli lentere ki i pa'n ganny reponn taler. E Onorab Labrosse in met lanfaz lo rod e lokasyon ki pli apropiye pou sa travay ki zot pe fer.

E pandan sa 14mwan ki vini, nou pou al depans ankore en R13milyon, ki pou fer ki an tou nou pou'n depans *around* R38milyon avek Komisyon an tou pandan sa 3 lannen an 2020, 21 ek 22. Baze lo lenformasyon ki ou'n donn nou.

So kestyon ki mon annan pou Minister Finans pa neserman Mr Green, se eski zot pe regard aktivman dan ki mannyer zot kapab siport komisyon dan son *budgeting exercise*, dan preparasyon son Bidze pou fer ki son Bidze i *befit* rol ki sa Komisyon i zwe? An relasyon avek lizye ki Lepep Seselwa pe regard li. Zot annan en rol enportan.

Me i pa kapab dan sa rol osi zot ganny vwar ki serten aksyon ki zot pe pran vizavi Bidze, i ganny afekte. Mon

konnen zot pa bann dimoun ki bann eksper dan sa domenn, be i annan bann eksper ki kapab fer sa.

And then regarding sa bann interns, eski zot pou bann paid interns oubyen zot pou vin travay free? Si mon pa'n tande pardonm mwan, eskiz mwan. Eski zot pou bann paid interns oubyen zot pou travay for free? Mersi Mr Chairman.

MR SPEAKER

Mersi. Nou a pas kestyon pou PS premye apre Mr Green i ava pran lo *perpetrator support* avek *intern. PS.*

PS DAMIEN THESEE

Mersi Mr Speaker. Parey mon dir i bon note ki nou pa ti *involve* dan negosyasyon Kontra. So sa bann *package* sa Komisyoner i baze lo ki manyer sa Kontra ti ganny negosye. So sa i enn dilenn ki nou pe war sa ladan.

So nou *welcome* par egzantp si nou bezwen diskit avek *President's Office* ki *hold* Kontra pou sa Komisyoner, pou gete ki i kapab ganny fer pou petet re negosye en *rent* pli rezonnab. Oubyen si i annan lezot akomodasyon ki *provide* menm nivo standar konfor rezonnab, avek son laspe sekirite pour sa komisyoner.

Selman parey mon dir napa en *framework* ki ankadre sa bann Komisyon ler i vini, bokou fwa ler keksoz i ganny fer i zis en fe akonpli. Ou war en Kontra i vini saler in fini ganny *specify*, in fini sinyen avek sa dimoun. Napa naryen ki nou kapab fer. Mersi.

MR SPEAKER

Mersi. Mr Green.

COMMISSIONER – TRNUC – MICHAEL GREEN

Lo kestyon *perpetrator support officer*, kot komisyon nou annan en *freeze* lo *employment* depi Novanm 2019, si mon pa tronpe. Nou pa ti kapab anploy okenn lot dimoun.

Nou ti konsidere ki nou annan en *driver* ki i annan serten moman ki i pa aktivman pe *drive*. E pandan sa moman nou ti kapab servi li pou en lot bezwen ki nou ti annan.

E se sa ki nou ti donn li sa dyob *perpetrator support*. E an plis ki sa, sa dimoun ki fer sa travay i ti deza konn en kantite sa bann *perpetrator* personnelman. Alors sa ti en lavantaz. Si ou al *recruit* enn deor kekfw i pa konn ditou sa bann *perpetrators* zot pa pou fye li.

Lo kestyon *intern*, mon krwar sa ki ou ti demann mon.

Bann *intern* pa pe ganny peye. Nou pa pe depanse lo zot, nou pa pe pey avyon, nou pa pe pey lakaz, nou pa pe pey loto, zot *provide* zot prop, tou zot depans i lo zot fre. Lo kestyon '*conflict of interest*' sa mon pa'n konpran ou kote ki annan?

MR SPEAKER

Si Onorab Bistoquet ki ti leve ti dan *rent* i ti posib annan konfli lentera an vi sa pri?

COMMISSIONER – TRNUC – MICHAEL GREEN

Be biro kot nou ete i propriyete *Hodoul Holdings*. Sa propriyete kot nou biro i ete son propriyeter se *Hodoul Holdings*. Lakaz kot nou Chairperson i reste i lo non, Dora Zatte ok?

(Interruption)

COMMISSIONER – TRNUC – MICHAEL GREEN

Prezan mon pa konnen kote ki annan konfli ladan oubyen ki posibleman pou annan en konfli. Mersi.

MR SPEAKER

Ok, nou aksepte ou *statement*. Mersi Onorab Cosgrow. Ale Onorab Cosgrow tenir en pti

kou nou a. Ou pe zis termin lo sa pwen en? *Yes*.

HON SEBASTIEN PILLAY

Mersi Mr Chairman. Mon pe termin lo sa pwen. Lefe ki i paret ki ou annan en *freeze* lo *recruitment*, e Gouvernman an zeneral i annan sa *freeze* lo *recruitment*, eski nou kapab angaz ou avek Minister Finans pou rod meyer fason atraver bann *service agreements*, e bann Kontra ki zot annan aktyelman, pou sey fer serten *savings* pou ki nou ava kapab ganny en pe larzan pou donn ou bann dimoun, ki ou krwar i ala oter. Pou kapab fer bann fonksyon pour amelyor ou rantabilite travay ou Komisyon? Mersi Mr Chairman.

MR SPEAKER

Mersi. Mr Green ou ti ava kontan adres sa?

COMMISSIONER – TRNUC – MICHAEL GREEN

Mersi Mr Speaker. Mersi Onorab. Mon *welcome* sa lide toultan travay ek Minister Finans pou nou sey fer *savings*.

Me *overall* nou Bidze pou 21 i preski 1milyon mwens ki pour 2020. Nou'n deza fer en *savings* 906mil.

(Off-Mic)

**COMMISSIONER – TRNUC –
MICHAEL GREEN**

Koman?

MR SPEAKER

Ale *ok*, nou a *move on*. Mersi. Onorab Cosgrow.

HON WALLACE COSGROW

Mersi Mr Chairman. Mr Green dan ou Lalwa mon war ki i annan enn zot bann lobzektif se ki, determin reparasyon pou bann viktim. E mon osi war ki ou pe devlop en *survey* pou konpansasyon.

Eski ou kapab konfirman si ofisyelman *monitory compensation* i lo latap pou bann dimoun? Kote petet zot pe anvizaze propoze ki sa bann sonm larzan evantyelman pou sorti?

(Interruption)

HON WALLACE COSGROW

(Onorab Grand Anse Praslin silvouple, les mon demann mon kestyon. Lev ou lanmen demann ou kestyon.)

Dezyenm kestyon Mr Green nou konnen dan *building* ki zot ete i annan en kantite lenformasyon *personnel*, sansib, pou bann dimoun.

Me parkont mon pa war dan zot Bidze en '*proper security budget*' apard ki R50mil pou *acquisition of*, mon pe mazine petet *camera, metal detector* ki ou pa pou ganny gran zafer avek R50mil. Kan mannyer zot pe asir sekirite sa bann lenformasyon?

Akoz ou kapab met *camera* demen dimoun i vini i pran i detri, ou perdi sa lenformasyon malgre ou tyonbo sa dimoun or sa detrwa dimoun me ou perdi sa lenformasyon.

So ki mannyer zot pe met sa sekirite sa bann lenformasyon, i annan ki vremen konfidansyel an, konmsi fer sir ki zot *secure* sa bann zafer. So sa 2 kestyon Mr Speaker.

MR SPEAKER

Mersi. Mr Green.

**COMMISSIONER – TRNUC –
MICHAEL GREEN**

Mersi Mr Speaker. Mersi Onorab. Lo kestyon konpansasyon nou pe devlop en Polisi, ki pou kapab sey group bann diferan kalite domaz ki dimoun pe rode.

Ler nou ti fek komans travay an Out 2019, nou ti fer en pri resers pou get ki kalite konpansasyon *laplipar* konplenan i oule. Me mazorite

anviron 60poursan ti oule larzan. I annan ki ti dir i aksepte en leskiz, i annan ki oule re ganny son lakaz oubyen son later oubyen keksoz koumsa.

Pour le moman nou realize ki lekonomi napa larzan fasil, larzan disponib. Se pour kwa nou'n fer en kestryonner pou demann piblik Seselwa pou gid nou lo ki kalite konpansasyon zot ti a kontan war nou ofer.

Konmisyon Laverite ek Rekonsilyasyon, i pa determin konbyen en dimoun i gannyen an domaz. Dan son dernyen rapor ki nou pou bezwen soumet dan en lespas 6 mwan apre terminasyon nou manda, nou bezwen rekomann avek Prezidan Larepiblik ki kalite konpansasyon nou krwar en dimoun i devret gannyen?

Ki kalite pa ki kantite. Se pour kwa nou pe sey fer en Polisi ki a *quantify* sa bann kalite domaz, preparasyon. E sa rapor pou osi dapre sa *Act* ki'n etabli komisyon. Sa rapor pou osi vin devan Lasanble Nasyonal. Savedir Lasanble pou annan en par pou zwe ladan.

Lo kestryon lenformasyon e sekirite lenformasyon, nou *building* antye i annan en *central electronic locking system*, ki a en serten ler i

fermen konpletman, i *lockdown*.

Nou annan *cameras* partou, e lenformasyon pli delika ki nou annan se bann levidans ki dimoun in donn nou.

Tou sa bann *audio visual recordings* i ganny *duplicated*, e tou lede kopi pa reste dan sa *building*. Zot dan en landrwa *off* ... Si demen i annan en dife par egzant pa pou afektye sa. Si en dimoun i antre i sey rode kot i ete, i pa pou war akoz i pa laba. Mersi.

MR SPEAKER

Mersi. Wi en dernyen pwen Onorab Cosgrow.

HON WALLACE COSGROW

Zis en pti pwen adisyonnell ki'n *arise* Mr Chairman.

Savedir *even* avek sa *audio visual contractor* ou annan en Kontra ki dir sa bann zafer ki pe ganny dir *on camera* pa sipoze reste avek li, *or* i pa sipoze *duplicate*. I sipoze fer sir ki tousala i reste avek dan *TRNUC*? I dan ek Kontra sa, i en lagreman sa en, akoz i riske ki lib ki pe kontrol *audio visual*. E i riske ki ou, mon pa pe dir i pe fer me i zis pou rezon sekirite, ki sa 2 kopi ki ou dir i reste zis ou 2 kopi, *or* zot 2 kopi me non pa en lot kopi *elsewhere*. Mersi.

MR SPEAKER

Mersi Onorab. Mr Green.

**COMMISSIONER - TRNUC -
MICHAEL GREEN**

Mersi Mr Speaker. Mersi Onorab. I annan en laranzman avek sa dimoun ki *provide audio visual* ki an ekri, ki i pa kapab, pa zis ziska ler manda i fini, me pour *add-in ...*

I pa kapab kopye, servi, vann, distribye. Ler nou fini fer en *hearing*, mon donn li en *external drive*, i *transcribe* sorti lo son *recording equipment* vin lo sa *external drive*.

Mon donn li enn dezyenm i fer parey. I rann mwan sa 2 *external drive*, i efas sa ki lo son *recording*. Mersi.

MR SPEAKER

Mersi Mr Green. Onorab Labonte.

HON ANDY LABONTE

Mersi Mr Chairman. Mr Green zis en pti klarifikasyon parey nou war poudir nou tou, nou pe debat pour ki i annan en rediksyon dan Bidze. Nou war poudir ou Bidze in redwir par 900mil.

Bon premyerman mon pa konnen petet si ou'n adres sa issue me selman mon pa'n tandé, i annan en rediksyon lo

anba *'transport and travel cost 'kot car hire* kot in sorti 120mil kot in vin 15mil.

Petet ou kapab donn en pti leksplikasyon lo la, me selman dan lespri ankor parey nou war poudir nou pe debat pour *rent* pou lakaz.

So Gouvernman avan in pran bokou bann lakaz ki ti'n ganny kree dan lepase, ki ti abrit bann Ziz laba anler Bel Eau ki i annan enn partikilyerman ki ti'n ganny pran ki ti pe al fer *day care* ki apre ki Gouvernman in rebran.

Be mon krwar i ankor vid, petet mon pa konnen si PS i annan lenformasyon lo la. Petet nou ti kapab konsidere, kekwfa nou ti kapab pran sa lakaz petet pou nou kapab abit nou *Chairman* ladan, nou kapab refer bann reparasyon. E sa i ava *solve* problem lo lot kote latab. Mersi.

(Interruption)

MR SPEAKER

Mersi Onorab. Trankil silvouple. Mr Green ou ava adres sa 2 pwen.

**COMMISSIONER - TRNUC -
MICHAEL GREEN**

Bon pou sa dernyen pwen an partikilye pou sa lakaz Bel-Eau. Mon pa konn okenn Lalwa ki

donn mwan drwa pou pran sa lakaz met sa madanm ladan.

(laughter)

MR SPEAKER

Mersi *ok*, Mr Green lo ‘*travel cost.*’

**COMMISSIONER – TRNUC –
MICHAEL GREEN**

Travel cost nou ti lwe en loto pour nou *Chairperson*, ziska resaman ler *State House* in *provide* en loto pou li. Alor nou pa bezwen peye pou sa loto. Mersi.

MR SPEAKER

Mersi. Onorab Labonte si ou pe al lo size lakaz, mon krwar Mr Green in reponn. Ale ou klarifikasyon.

HON ANDY LABONTE

Yes Mr Green zis pour mon dir ou poudir sa lakaz i deza pou Gouvernman. So petet nou kapab fer reparasyon.

MR SPEAKER

Wi, mon'n dir ou Mr Green in reponn lo lakaz nou a pase.

(laughter)

MR SPEAKER

Onorab Loze. Onorab Loze ou'n pare?

HON JOHAN LOZE

Mersi Mr Speaker. Wi Mr Speaker mon'n pare e mon enspire pou poz de pti kestyon. Mr Speaker lo kestyon sa madanm Ostralyen la, mon premye kestyon i pou *PS*. Si *PS* ti kapab fer en pti konparezon ant *package* sa madanm Ostralyen avek *package* en Ziz Seselwa?

Rezon ki mon pe demann sa, sa Lasanble nou'n fer bokou tapaz, nou'n edik lepep Seselwa bokou lo *package* bann Ziz. E mon anvi konnen ki mannyer en Ziz Seselwa i *stack up* an konparezon avek sa madanm Ostralyen? Sa i mon premye kestyon.

Mon dezyenm kestyon, Mr Green in enform Lasanble konmkwa ki son manda pou *run out* dan 14mwan. Be Onorab Cosgrow in poz li en kestyon lo bann lenformasyon ki dan son *custody*.

Dan Bidze parkont nou pa pe vwar okenn provizyon pe ganny fer *for the custodianship of* sa bann lenformasyon *over* en *long term period*.

So ki arive dan 14mwan letan ou manda i *run out*? Ki provizyon pou *archiving* si i

ganny handed over ek larsiz menm?

So ki pou arive ek sa bann lenformasyon ki nou pei in investir sitan ladan, pour gannyen? Akoz nou ti ava kontan annan li prezerve byen pou la prosperite.

E finalman Mr Speaker, *TRNUC* in *expand* en pe son Bidze, in pran bann diferan laspe ki bann *case* par lao '93, bann *case current*, ki annan lezot antite ki'n vin devan nou Lasanble tel ki *Human Rights Commission* ki zot, zot sipoze *handle* sa bann keksoz. Mon krwar nou annan en Tribinal pou reparasyon later osi.

So eski la dan sa moman la, mon konpran ki zot in fer depi letan ki zot in komanse, be la dan san moman la kot Bidze in sere la.

Olye kontinyen *expand* zot manda ki pou *require* posibleman plis *budget support* dan zot par, eski zot pa santi ki petet sa ki pou *Human Rights Commission* i devret al kot *Human Rights Commission*?

Sa ki pour *Lands Tribunal* i devret al laba kot *Lands Tribunal* a *cases* ki sipoze al devan Lakour i ava al devan Lakour Siprenm. Mersi Mr Speaker.

MR SPEAKER

Mersi Onorab Loze. *PS* ou ti a kontan komanse? Mon krwar premye kestyon ti adrese pou ou.

PS DAMIEN THESEE

Mersi Mr Chair. Si nou get seksyon 5 dan *part 1*, Bidze nou pou war saler bann zis ki nou pou war ki *on average* i 55 a R58mil par mwan.

Aprè i ganny sa R25mil *housing allowance*, i ganny li en *chauffeur-driven car*, aprè i ganny li en sekirite statik ki apepre 20 a R25mil par mwan konpare avek saler Komisyoner ki R87mil R164, lakaz ki 43mil 320 in redwir sa lannen.

E lasirans ki €8828 apre *yearly travel* pou fanmir, en veikil ek *fuel*. Mersi.

MR SPEAKER

Mersi *PS*. Mr Green mon ava pas 2 lezot pwen avek ou?

COMMISSIONER - TRNUC - MICHAEL GREEN

Mersi Mr Speaker. Mersi Onorab. Lo kestyon sekirite sa bann lenformasyon sa *Act* ki'n etabli sa Komisyon i fer provizyon ki a lafen manda sa Komisyon.

Tou sa bann lenformasyon, tou menm si i annan egzibit menm si i annan nenport kwa i ganny remet avek

Biro Prezidan. Se Biro Prezidan ki pou responsab pou sa *long term guardianship*.

Lo kestyon *TRNUC* ek ler son manda in fini ziska prezan nou pa'n donn okenn lendikasyon ki nou enterese *extend* sa manda. Nou'n dir plizyer fwa nou manda i fini an Out 2022, e i devret fini la. Mersi.

MR SPEAKER

Wi Onorab Loze. Klarifikasyon si ou bezwen.

HON JOHAN LOZE

Mr Speaker mon krwar i pa'n konpran mon kestyon lo sa dernyen ki in reponn. Mon pa ti'n dir li ki in anvi *extend*, *sorry* mon'n mank respe ki *TRNUC* in anvi *extend* zot manda.

Sa ki mon plito dir se ki *TRNUC* zot in *extend* zot *ambit* zot in pran *cases* par lao 93, *cases* ki *current* ozordi. Eski zot pa santi ki la avek sa pandemi ekonomik ki nou pei i ladan, ki sa bann *extended cases are best left to the qualified bodies* ki la deza pou *handle* zot. Par egzanp *Human Rights Commission*, Lakour Siprenm e lezot?

E en *final point* Mr Speaker, Mr Green in eksplik nou bann keksoz ki son Lalwa i mandat li pou fer. Me taler in

koz lo size zot pe fer *serve* pour *seek the views* lo *amnesty*.

Si mon pa tronpe, eski ou *mother Act* i pa kler lo kestyon *amnesty* li? I pa donn en *clearer roadmap* lo *how to go about it*? Mersi Mr Speaker.

MR SPEAKER

Mersi Onorab. Mr Green.

COMMISSIONER - TRNUC - MICHAEL GREEN

Bon mersi Mr Speaker. Mersi Onorab. Nou kestyon si *TRNUC* i devret pas bann ka, aret bann ka, si i pa ti'n devret pran bann ka apre '93.

I en kestyon ki pa pou sanz nou Bidze, i en kestyon ki an deor sa ki ou pe diskrit lo la pou le moman. Ou ti'n demann en lot kestyon.

MR SPEAKER

Dezyenm pwen i si konpansasyon i byen ganny ankadre dan ou *mother Act*?

COMMISSIONER MICHAEL GREEN

Lo *amnesty*; Lo kestyon *amnesty* sa *Act* i dir si en dimoun i fer '*full frank disclosure ensures genuine remorse, he shall be granted an amnesty.*' Ok? Me i annan en problenm ki remonte, ki resorti se ki bann groupman

enternasyonal enkli Nasyon Ini pa rekonnèt *amnesty* pou *capital offences*.

Prezan i annan en lot ziridiksyon, *International Criminal Court*, ki'n deside apre ki in ekout serten ka lo kestyon ki'n pase an *Uganda*, ki *duress* i kapab ganny servi koman en *full defence*, ki pa leka isi.

Pour sa ki mwan mon konpran e mon pa en Avoka, pour sa ki mwan mon konpran se ki Sesel *duress* i en *mitigating factor*, me i pa en *defence*.

Prezan i annan en konfli ant sa ki bann Lakour, bann Lalwa Enternasyonal ki regle par serten Konvansyon ki Sesel in sinyen.

Sesel in partisip dan sa bann Konvansyon. I dir ou i pa kapab fer sa, nou Lalwa i dir nou, nou pou fer. Nou bezwen prezan sey gete, sa mon kit ek Biro *Attorney Zeneral* ek Lasanble Nasyonal.

MR SPEAKER

Permet mwan Onorab Loze. Ou'n elev en size enteresan, i en size filozofik, i pa vreman konsernen avek son Bidze aktyel. So si ou pa *mind* nou ava kontinyen. Mr Green mersi. Mon ava termin avek *LGB*.

HON BERNARD GEORGES

Mersi Mr Chair. Mersi Mr Green ek madanm Komisyoner pou zot repons apre midi. Mr Chair mon pou pran loportinite ki Staz Komite i donn mwan, pou mon fer enn de remark. Olye demann enn de kestyon.

Akoz mon krwar i pertinan a sa moman pou regard en pti pe lo lapant bann kestyon apre midi.

Mon pa pe konplent lo lapant kestyon aköz Manm i annan dwa e responsabilite koman Manm Lasanble pou desarz en *role oversight* e pour fer tou sa ki zot in fer apre midi. Se demann kestyon pertinan lo Bidze sa lorganizasyon.

E se pa la, kot mon anvi adres nou lo la. Mon anvi pran laparol pou 2 rezon prensipal.

Premye rezon se annou pa bliye ki *TRNUC* i en zouti demokrasi, e demokrasi i kout ser Mr Speaker. Napa okenn fason pou nou kapab *avoid* depans larzan, si nou anvi reste dan en pei demokratik avek en demokrasi ouver e vibran.

E *TRNUC* parey mon'n dir set en Lalwa ki nou isi dan sa Lasanble ki ti pase. Se nou dan sa Lasanble ki ti dir ki sa komisyon ti bezwen annan 2 etranze lo la, de komisyoner etranze apre nou'n sanze. Se pa personn ki'n envant sa, se nou a linanimite dan en fason bi

partizan ki ti fer sa. Premye pwen.

Dezyenm pwen, se pa Gouvernman *LDS* ki'n negosye sa Kontra, avek sa madanm. Se Gouvernman Parti Lepep/ *US* a sa moman ki ti negosye sa. Alors annou pa bliye ki nou bezwen pran nou responsabilite ozordi pou sa ki nou, nou'n fer koman en Lasanble. Gouvernman i bezwen pran son responsabilite pou sa ki li in fer ek negosyasyon ki i ti fer.

E mwan *unlike* zot, mon pa pe blanm Gouvernman mwan! Akoz sa Gouvernman ki'n negosye sa Kontra, i ti konnen ki la demokrasi i ser. E i ti konnen ki Lalwa ti'n ganny pase pou fer sa 2 etranze vin lo sa Komisyon. I ti konnen ki etranze pou kout bokou pli ser ki Seselwa.

Akoz nou bezwen pey zot plis, e si nou anvi kredibilite nou bezwen rod en dimoun ki annan kredibilite lo nivo enternasyonal, e pey li.

E *unlike* en Ziz ki ganny apwent ziska laz 70an, nou'n pran en madanm ki ti pe travay *somewhere else* avek en saler bokou pli o ki sa enn ki nou pe pey li, e nou'n demann li pou vin isi pou 3an pou desarz en fonksyon.

Alors *obviously* i ti pou kout pli ser ki en Ziz. Alors tou

sa bann konparezon ki nou pe fer ozordi Mr Speaker, eskiz mwan pou dir, me i en pe teorik e i en pe demagozi politik!

Alor Annou konpran sa keksoz tre byen. *In any event TRNUC* i pou la zis pour 3an li, apre i pou ale. Sa depans i pou sa lannen ek lannen prosenn an 2023 i pa pou vin devan nou li, i pou'n fini son travay e i pou'n ale.

E sa madanm zis anka nou krwar i pe ganny pey en larzan, e donn en lakaz eksepsyonnèl akoz i *Chair*. Nou Lalwa in dir ki nou bezwen 2 etranze, ki i ti *Chair*, ki i pa ti *Chair* i ti pou *still* ganny pey sa larzan. E nou ti pou *still* bezwen rod en lakaz pou li.

Alor annou met tou sa bann keksoz dan zot konteks. Me i annan en konteks pli enportan ki fodre pa nou bliye. Ou plito fodre zot lo zot kote latab zot pa bliye.

E sa se si Mr Rene, pa ti'n fer koudeta, oubyen les li fer son koudeta. Si apre ki i ti'n fer koudeta i pa ti'n fer dimoun disparet, i pa ti'n pran later, i pa ti'n anvoy dimoun an egzil, i pa ti touy dimoun, nou pa ti pou bezwen en *TRNUC*.

(APPLAUSE)

HON BERNARD GEORGES

E nou pa ti pou bezwen annan sa deba apre midi la. Nou ti pou'n *save* tou sa larzan ki ou pe pey Manmzel Zatte pou son lakaz, nou ti pou'n *save* tou sa larzan ki nou pe pey Madanm Mcintyre pou son saler.

Nou ti pou'n *save* tou sa larzan ki nou pe pey en drayver ki osi vin en *perpetrator support staff*. Alor annou regard keksoz san konteks, annou pa tonm dan latrap poudir ki lepase i lepase. Annou regard devan parey nou ganny dir toulezour. Lepase i pa lepase, lepase nou ankor pa viv li ozordi atraver *TRNUC!*

(APPLAUSE)

HON BERNARD GEORGES

Dezyenm pwen. E sa dezyenm pwen depi bomaten nou pe tourn lo la. E sa se lakaz avek *rent*. Mr Speaker ler Mr Rene ti pran pei, tou Departman Gouvernman ti dan en *building* Gouvernman.

Unity House, National House, Liberty House Queens Building, Independence House. Tousala ti la. Ti napa en Departman Gouvernman kekfwa enn, enn ki ti pey en *rent somewhere!*

Depi sa zour, depi sa zour sel *building* ki'n ganny fer se *Independence House Annex*. E

an plis ki sa, an plis ki sa tou sa bann lakaz Gouvernman anler Bel Eau. *Fisherman's Cove Estate* ti en *estate* antye zis pour lakaz Gouvernman.

Tousala olye garde pou ki Madanm Mcintyre ti ava ladan ozordi e nou pa ti pou bezwen pe rod enn, tousala zot in pran zot in vann!

E regard bann dimoun ki'n aste. Ou war Mr Speaker mon bezwen pran laparol, mon pa kontan pou fer li akoz nou pa bezwen retourn dan sa bann zafer toultan. E mon krwar ki nou bezwen aksepte, ki annan de fwa ler nou kestyonn en Bidze pou en rezon spesifik, nou bezwen regard filozofi deryer sa ki nou pe fer.

E nou pa kapab zis dir annou regard sa Bidze dan konteks, e annou bliy listwar, annou bliy konteks dan lekel nou pe travay. E nou pou retourn lo sa size *rent* ankor e ankor e ankor.

Akoz sa size *rent* pou monte sak fwa, se la prezan ki Gouvernman atraver en don ki swadizan *L'inde* pou al donner pou fer en *Government House* ki zot ti koz lo la, ler mwan mon ti anmenn deba dan sa Lasanble, pou dir annou pa fer en *Government House*, annou fer en *Government Complex* antye. Enn zot ti dir mwan, be ou an

retar Onorab, *L'Inde* in fini donn larzan pou fer en *Government House*, ki ou pe rode?

Ou war Mr Speaker annan de fwa fodre nou dir keksoz ki mannyer zot ete. E mon pa kontan sa ki mon pe fer la apre midi, akoz i pa byen me nou bezwen met keksoz devan mannyer nou devret.

Alor Mr Speaker avek ou permisyon mon ava swet sa 2 Komisyoner ki la devan nou ozordi en travay fritye. Nou ava vot zot Bidze, e nou ava dir zot kontinyen sa bon travay pou sa 14mwan ki ankor pe reste. Mersi Mr Chairman.

(APPLAUSE)

MR SPEAKER

Wi, Onorab Pillay les mon a met en mo avan mon donn ou en dernyen parol.

Mon'n aksepte lentervansyon Onorab Georges. Akoz mon krwar son bann largiman ki in fer i annan en relevans avek, si zot aprouv sa Bidze oubyen non.

Mon krwar in met serten largiman, ki pou ede dan son kote, klarifye pozisyon akoz Manm i devret aksepte sa Bidze. So pour sa mon rekonnet ki i *fully* annord avek mon prensip ki nou reste lo Bidze.

Alor Onorab Pillay mon pa pou siprim ou dwa koze. Selman mon pe dir pou mon pa anvi antre dan en deba lo sa size si ou a zis fer en pwen e nou ava kapab terminen. Mersi.

HON SEBASTIEN PILLAY

Mersi Mr Chairman. Mr Chairman mon note an pasan ki ou'n donn Onorab 2 pwen. Be mwan mon pa pou bezwen 2 pwen pou fer mon pwen, mon pou bezwen en pwen.

Ou konnen pou mwan i en keksoz dezapwentan. Dezapwentan kan nou lizye i reste fikse lo lepase, apre ki nou'n fer promes ek Seselwa pou anmenn li pli devan.

Sa ki Onorab Georges in fer ozordi Mr Speaker, mon konsider sa koman anbarasan pou nou Lasanble.

Me osi pou koman en Manm avek sitan leksperyans dan sa Lasanble, pou pa realize ki sa sou ki ganny depanse dan sa Bidze i apartenir a Lepep Seselwa, e ki Lasanble i annan drwa demann kestyon lo sak sou dan sa Bidze.

(APPLAUSE)

HON SEBASTIEN PILLAY

E ki si sak fwa, si sak fwa *LDS*, sak fwa *LDS*, nou pou koz ek li lo Bidze i pou dir nou, nou

Gouvernman, be si nou bezwen demann kestyon kantmenm i ti nou Gouvernman, nou pou fer li.

(APPLAUSE)

HON SEBASTIEN PILLAY

Me parkont si zot, zot per pou demann kestyon zot Gouvernman, sa i zot problemm. *Ok?*

(APPLAUSE)

HON SEBASTIEN PILLAY

E an terminan Mr Speaker, an terminan Mr Speaker. Mon oule asir Mr Green ki napa personn isi lo sa kote lata, ki annan okenn *animosité*, nor annan okenn negativite anver ou Bidze.

Bann kestyon ki'n ganny demande Mr Green, in vreman apresye, in apresye akoz sa in al dan lespri amelyor lefikasite son lorganizasyon.

E ki nou Lasanble ler nou vin la anndan, nou pa get sa lorganizasyon *from* en pwennvi personnel, me nou get li koman en pwennvi striktirel e serye.

Akoz i nou devwar, nou devwar koman Lasanble pou kontinyen kler tors, e alors i fer mon dir sa Mr Speaker ...

MR SPEAKER

Onorab Pillay terminen silvouple.

HON SEBASTIEN PILLAY

Si *LDS* nepli kapab kler tors, i kler ki Lepep Seselwa in fer en gran fot dan sa eleksyon Mr Speaker! Mersi.

(Interruption)

MR SPEAKER

Mersi. Onorab Georges in fer en keksoz ki mon konsidere i rezonnab, an term aprouv sa bann Bidze.

E mon krwar nou kapab aksepte li, i pa en kestyon kler tors, i en kestyon met bann largiman ki'n ganny fer an perspektiv.

Alors mon a dir zot mersi bokou. E avek sa nou pou vot lo Bidze *Truth Reconciliation and National Unity Commission*, ki lo paz 128 ziska 131, pou en Bidze 12milyon R178mil.

Manm ki an fever lev lanmen silvouple.

(Interruption)

MR SPEAKER

Trankil, ale *Order* silvouple! *Ok* Madam Clerk mersi. Okenn ki kont? Mersi. Mon ava ganny silans silvouple?

Mersi, Bidze pou *Truth Reconciliation and National*

Unity Commission ki lo paz 128 ziska 131, pou en Bidze 12milyon R178mil, in ganny 23 vot pour, 0 vot kont e 8 abstansyon. Alor Lasanble in aprouv sa Bidze.

(APPLAUSE)

MR SPEAKER

Avek sa mon a remersye bann Zofisye *TRNUC* pou zot partisipasyon, e mon a swet zot bonn sware e mersi bokou tou bann Manm. Nou ava *adjourn* pou demen bomaten 9er bomaten. Avan nou fini nou ava, eskiz mwan en pti kou. Nou ava pas dan Staz Lasanble silvouple pou nou sorti.

Mersi bokou, nou ava *adjourn*.

(ADJOURNMENT)